







ND  
1042  
.C6  
1878  
v.5

鑒賞古今  
名蹟能辨  
其神氣則  
真偽自分

畫學心印

卷五

梁溪 秦祖永 評輯

甌香館畫跋

惲 格

凡觀名迹先論神氣以神氣辨時代審源流考  
先匠始能畫一而無失矣北宋首出惟推北苑  
北苑嫡派獨推巨然北苑骨法至巨公而該備  
故董巨并稱焉巨公又小變師法行筆取勢漸  
入濶遠以濶遠通其沉厚故巨公不爲師法所



胸羅全景  
方能奔赴  
腕下

掩而○定○後○世○之○宗○巨○公○至○今○數○百○年○遺○墨○流○傳○  
人○閒○者○少○單○行○尺○幅○價○重○連○城○何○況○長○卷○尋○常○  
樹○石○布○置○已○不○易○觀○何○況○萬○里○長○江○則○此○卷○爲○  
巨○公○生○平○傑○作○無○疑○也○自○汶○峨○濫○觴○以○至○金○焦○  
流○宗○東○會○所○謂○網○絡○羣○流○呼○吸○萬○里○非○足○迹○所○  
歷○目○領○神○會○如○巨○公○者○豈○易○爲○力○哉○宋○代○擅○名○  
江○景○有○燕○文○貴○江○參○然○燕○喜○點○綴○失○之○細○碎○江○  
法○雄○秀○失○之○刻○畫○以○視○巨○公○燕○則○格○卑○江○爲○體○



畫中惟長  
卷布置爲

弱○論○其○神○氣○尙○隔○一○塵○夫○寫○江○流○一○派○水○耳○縱○  
廣○盈○尺○間○水○勢○澎○湃○所○激○蕩○者○宜○無○餘○地○其○間○  
爲○層○峯○疊○嶺○吞○雲○靡○霧○涉○目○多○景○變○幻○不○窮○斯○  
爲○驚○絕○至○于○城○郭○樓○臺○水○村○漁○舍○關○梁○估○船○約○  
畧○畢○具○猶○有○五○代○名○賢○之○風○蓋○研○深○于○北○苑○而○  
加○密○矣○今○世○所○存○北○苑○橫○卷○有○三○一○爲○瀟○湘○圖○  
一○爲○夏○口○待○渡○一○爲○夏○山○卷○皆○丈○餘○景○塞○實○無○  
空○虛○之○趣○若○此○長○綃○觀○其○布○置○足○稱○智○過○于○師○



最難

謂○非○天○下○之○奇○跡○邪○此○卷○昔○爲○衣○白○鄒○先○生○所○  
藏○今○歸○楊○氏○江○上○御○史○王○山○人○石○谷○輩○商○確○時○  
代○源○流○因○爲○辨○識○考○定○如○此○偶○一○披○玩○忽○如○寄○  
身○荒○崖○邃○谷○寂○寞○無○人○之○境○樹○色○離○披○澗○路○盤○  
折○景○不○盈○尺○游○目○無○窮○自○非○凝○神○獨○照○上○接○古○  
人○得○筆○先○之○機○研○象○外○之○趣○者○未○易○臻○此○  
烏○目○山○人○爲○余○言○生○平○所○見○王○叔○明○真○跡○不○下○  
廿○餘○本○而○真○跡○中○最○奇○者○有○三○吾○從○秋○山○草○堂○



石谷苦心  
於此中研  
求探索悉  
窮其奧窔  
山樵已無  
餘蘊

一、幀。悟其法于毘陵唐氏觀夏山圖會其趣最  
後見關山蕭寺本一洗凡目煥然神明吾窮其  
變焉大諦秋山天然秀潤夏山鬱密沉古關山  
圖則離披零亂飄洒盡致殆不可以徑轍求之  
而王郎于是乎進矣因知向者之所爲山樵猶  
在雲霧中也石谷沉思旣久暇日戲彙三圖筆  
意于一幀滌盪陳趨發揮新意徊翔恣肆而山  
樵始無餘蘊今夏石谷自吳門來余搜行笈得



此幀驚歎欲絕。石谷亦沾沾自喜。有十五城不  
易之概。置余案頭。摩娑十餘日。題數語歸之。蓋  
以西廬老人之矜賞。而石谷尙不能割所愛。矧  
余輩安能久假爲韞櫝。玩邪。庚戌五月題於靜  
嘯閣。

春夜與虞山好友石谷書齋。斟茗快談。戲拈柯  
九思樹石。石谷補竹坡。共爲笑樂。時丙申浴佛  
前二日記。



點苔最難  
即耕煙麓  
臺之作均  
未得古人  
從空墜下  
之妙

大是妙諦

畫有用苔者有無苔者苔爲草痕石跡或亦非  
石非草卻似有此一片便應有此一點譬之人  
有眼通體皆靈究竟通體皆靈不獨在眼然而  
離眼不可也

文徵仲述古云看吳仲圭畫當於密處求疏看  
倪雲林畫當於疏處求密家香山翁每愛此語  
嘗謂此古人眼光礫破四天下處余則更進而  
反之曰須疏處用疏密處加密合兩公神趣而



惟紛亂無  
法乃始神  
明於法自  
不爲法所  
囿

參取之則兩公參用合一之元微也

莫作迂癡筆法會壽道人紛亂無法法亦無失  
癡翁迂老盡此豪端正索解人不得

先塗抹後數幅次乃作此小變黃一峯法神氣  
迴殊亦昔人噉蔗之意也

董元宰夜山圖如此著墨破深曲處玩之如積  
欲令雲氣生動也

小景八幀東園遊戲翰素時所得半出率爾直



能於無筆  
墨處着想  
始不爲畦  
徑所拘

寫懷間新思。不全學古法。廷受留置案上。時一  
展對。或與南陽宗少文風流不遠也。

雲林樹法。分明如指上螺。四面俱有苔法。皴法  
多於人所不見處著意。

今人用心在有筆墨處。古人用心在無筆墨處。  
倘能於筆墨不到處觀古人用心。庶幾擬議神  
明進乎技矣。

春山如笑。夏山如怒。秋山如妝。冬山如睡。四山



此種筆墨  
南田翁最  
擅勝場

之意山不能言人能言之秋令人悲又能令人  
思寫秋者必得可悲可思之意而後能爲之不  
然不若聽寒蟬與蟋蟀鳴也

右小景七幀爲東園娛閒游戲之作或規模古  
製亦間出新意不循畦徑無煩繪采欲墨章水  
暈自備五色非得象外之賞者未足與觀此畫  
也

三日不搦管則鄙吝復萌正庾開府所謂昏昏



如此形容  
其妙真不  
可思議

非煊爛之  
極不能臻  
此境界

索索時矣

逸品其意難言之矣。殆如盧敖之游太清。列子  
之御泠風也。其景則三閭大夫之江潭也。其筆  
墨如子龍之梨花鎗。公孫大娘之劍器。人見其  
梨花龍翔。而不見其人。與鎗劍也。

畫以簡貴。爲尙簡之入。微則洗盡塵滓。獨存孤  
迴。烟鬟翠黛。歛容而退矣。

高逸一種。不必以筆墨繁簡論。如於越之六千



君子田橫之五百人。東漢之顧厨俊及豈厭其  
多。如披裘公人不知其姓名。夷叔獨行西山。維  
摩詰卧毘邪。惟設一榻。豈厭其少。雙鳬乘雁之  
集。海濱不可以筆墨繁簡論也。然其命意大諦  
如應曜隱淮上。與四皓同徵而不出。摯峻在汧  
山。司馬遷以書招之不從。魏邵入牛牢。立志不  
與光武交。正所謂沒蹤迹處潛身於此。想其高  
逸。庶幾得之。



元人承宋  
人規範其  
變化正從  
刻劃中得  
來非有二  
道也

宋法刻畫而元變化然變化本由於刻畫妙在  
相參而無礙習之者視爲歧而二之此世人迷  
境如程李用兵寬嚴異路然李將軍何難於刁  
斗程不識不妨於野戰顧神明變化何如耳  
方圓畫不俱成左右視不并見此論衡之說獨  
山水不然畫方不可離圓視左不可離右此造  
化之妙文人筆端不妨左無不宜右無不有  
易林云幽思約帶古詩云衣帶日以緩易林云



此等處須  
尋繹其用  
句用字之  
妙則畫道  
過半矣

畫學心法卷五  
解我胸春。古詩云。憂心如擣。用句用字俱相當。而成妙用。筆變化亦宜。師之不可不思也。筆墨本無情。不可使運筆墨者無情。作畫在攝情。不可使鑒畫者不生情。

古人論詩曰。詩罷有餘地。謂言簡而意無窮也。如上官昭容稱沈詩。不愁明月盡。還有夜珠來。是也。畫之簡者亦然。東坡云。此竹數寸耳。而有尋丈之勢。畫之簡者。不獨有其勢。而實有其理。



惟靜者爲  
能造之

嘗謂天下爲人不可使人疑惟畫理當使人疑  
又當使人疑而得之

羣必求同同羣必相叫相叫必於荒天古木此  
畫中所謂意也

寂寞無可奈何之境最宜入想亟宜著筆所謂  
天際真人非鹿鹿塵埃泥滓中人所可與言也  
十日一水五日一石造化之理至靜至深卽此  
靜深豈潦草點墨可竟



此中微妙  
耐人尋味

宋人謂能到古人不用心處又曰寫意畫兩語  
最微而又最能誤人不知如何用心方到古人  
不用心處不知如何用意乃爲寫意

幽情秀骨思在天外使人不敢以凡筆相贈山  
林畏佳大木百圍可圖也萬竅怒號激謫叱吸  
叫譟突咬調調刁刁則不可圖也於不可圖而  
圖之惟隱几而聞天籟

山從筆轉水向墨流得其一轡直欲垂涎十日



畫理六通  
四關惟妙  
悟人自能  
領會之

神明於規  
矩中乃能  
超出於規  
矩外

妙在平淡而奇不能過也。妙在淺近而遠不能過也。妙在一水一石而千崖萬壑不能過也。妙在一筆而眾家服習不能過也。

魏雲如鼠。越雲如龍。荆雲如犬。秦雲如美人。宋雲如車。魯雲如馬。畫雲者雖不必似之。然當師其意。

作畫須優入古人法度中。縱橫恣肆。方能脫落時徑。洗發新趣也。



天機氣韻  
到熟外熟  
時自然有  
此境界

余嘗有詩題魯得之竹云倪迂畫竹不似竹魯  
生下筆能破俗言畫竹當有逸氣也  
董宗伯云畫石之法曰瘦透漏看石亦然卽以  
玩石法畫石乃得之  
筆墨可知也天機不可知也規矩可得也氣韻  
不可得也以可知可得者求夫不可知與不可  
得者豈易爲力哉昔人去我遠矣謀吾可知而  
得者則已矣



此等處須  
從朝光暮

李成范華原始作寒林東坡所謂根莖牙角幻  
化無窮未始相襲而乃當其處合于天造宜于  
人事者也無墨池研臼之功便欲追蹤上古其  
不爲郢匠所笑而貽賤工血指之譏者鮮矣

古人用筆極塞實處愈見虛靈今人布置一角  
已見繁縟虛處實則通體皆靈愈多而愈不厭  
玩此可想昔人慘澹經營之妙

川瀨氤氲之氣林嵐蒼翠之色正須澄懷觀道



露中探索  
得來非尋  
常學力所  
能到也

元季四大  
家惟倪黃  
庶幾有此  
神趣耳

如此氣象  
自然與古

靜以求之若徒索於豪末閒者離矣  
不落畦徑謂之士氣不入時趨謂之逸格其創  
制風流昉于二米盛于元季泛濫明初稱其筆  
墨則以逸宕爲上咀其風味則以幽澹爲工雖  
離方遯圓而極妍盡態故蕩以孤弦和以太羹  
憇于閨風之上泳于泔寥之野斯可想其神趣  
也  
作畫須有解衣盤礴旁若無人意然後化機在



人掉臂游  
行脫盡描  
頭畫角之  
習

如此摹寫  
方曲盡雪  
景之妙學  
者當細心

手元氣狼籍不爲先匠所拘而游法度之外矣  
出入風雨卷舒蒼翠模崖範壑曲折中機惟有  
成風之技乃致冥通之奇可以悅澤神風陶鑄  
性器

今人畫雪必以墨積其外粉刷其內惟見縑素  
閒著粉墨耳豈復有雪哉

偶論畫雪須得寒凝凌兢之意長林深峭澗道  
人烟攝入渾茫游於沕穆其象凜冽其光黯慘



領取

至理名言  
令人一讀  
一擊節

披拂層曲○循境涉趣○巖氣浮于几席○勁飈發于毫末○得其神迹○以式造化○斯可喻于雪矣○高簡非淺也○鬱密非深也○以簡爲淺○則迂老○必見笑于王蒙○以密爲深○則伸圭○遂闕清疏一格○意貴乎遠○不靜不遠也○境貴乎深○不曲不深也○一勺水○亦有曲處○一片石○亦有深處○絕俗故遠○天游故靜○古人云○咫尺之內○便覺萬里爲遙○其意安在○無公天機幽妙○倘能于所謂靜者○深者○



畫無筆墨  
痕方是元  
畫根祗鈍  
根人鳥得  
而知之

得意焉。便足駕黃王而上矣。

作畫至於無筆墨痕者。化矣。而觀者往往勿能知也。王嬙麗姬。人所美也。魚見之深入。鳥見之高飛。麋鹿見之決驟。又孰知天下之正色哉。

語云。射較一鏃。弈角一著。勝人處正。不在多。

昔人云。牡丹須著以翠樓金屋。玉砌雕廊。白鼻  
鴝兒。紫絲步障。丹青團扇。紺綠鼎彝。詞客書素  
練。而飛觴。美人拭紅綃。而度曲。不然。措大之窮。



真如清水  
出芙蓉天  
然去雕飾

此論南田  
翁真先得  
我心

賞耳余謂不然西子未入吳夜來不進魏邢夫  
人衣故衣飛燕近射鳥者當不以窮約減其丰  
姿麤服亂頭愈見妍雅羅紈不御何傷國色若  
必踏蓮花營金屋刻玉人此綺艷之餘波淫靡  
之積習非所擬議於藐姑之仙子宋玉之東家  
也

貫道師巨然筆力雄厚但過於刻畫未免傷韻  
余欲以秀潤之筆化其縱橫然正未易言也



天真爛漫  
是吾師即  
此意也

語極微妙

黃鶴山樵秋山蕭寺本生平所見此爲第一畫  
紅樹最穠麗而古澹之色黯然在紙墨外真無  
言之師因用其法

高逸一種蓋欲脫盡縱橫習氣澹然天真所謂  
無意爲文乃佳故以逸品置神品之上若用意  
撫仿去之愈遠

倪高士云作畫不過寫胸中逸氣耳此語最微  
然可與知者道也



兩家各擅  
勝場自立  
門戶

古今畫樹  
當以李營  
邱爲第一

畫學心印卷五  
十三  
梅花庵主與一峯老人同學董巨然吳尙沉鬱  
黃貴蕭散兩家神趣不同而各盡其妙  
余畫樹喜作高柯古榦愛其昂霄之姿含霜激  
風挺立不懼可以况君子惟營邱能得此意當  
以瓣香奉之

寒林昔推營邱華原得古勁蒼寒之致曾見營  
邱雪山畫樹多作俯枝勢則劍拔弩張筆則印  
泥畫沙此圖師其意而少變其法似於古人畧



有合處與知者鑒之

戊申春予渡錢唐游山陰泛舟鏡湖探禹穴其上  
有古柏盤曲夭矯離奇霜皮雪幹閱數百千  
年因嘆陽羨善卷偃柏已不可見武侯廟前黛  
色參天未識與巫峽雪山猶能同時否戲圖此  
本以發奇狀庶幾黃鶴山樵之畫桐先香山翁  
之寫報國松也

杜老云元  
氣淋漓障

北苑畫正峯能使山氣欲動青天中風雨變化



猶濕惟北  
苑畫庶足  
當之

巨然畫境  
如此所由  
與北苑齊  
名

痴翁蕭散  
之妙斯可

氣韻藏于筆墨筆墨都成氣韻不使識者笑爲  
奴書

巨然行筆如龍若於尺幅中雷轟電激其勢從  
半空擲筆而下無迹可尋但覺神氣森然洞口  
不知其所以然也

黃鶴山樵一派有趙元孟端亦猶洪谷之後有  
關仝北苑之後有巨然癡翁之後有馬文璧也  
子久以意爲權衡皴染相兼用意入微不可說



想其神趣也

六如畫格  
真前無古  
人後無來  
者

畫有逸宕  
之趣乃爲  
真士氣不  
必以精工  
見長也

不可學太白云落葉聚還散寒雅栖復驚差可擬其象

六如居士以超逸之筆作南宋人畫法李唐刻畫之迹爲之一變全用渲染洗其勾斫故煥然神明當使南宋諸公皆拜床下

婁東王奉常家有華原小幀墟壑精深筆力迺拔思致極渾古然別有逸宕之氣雖至精工居然大雅



高尙書墨  
戲全從米  
老脫胎非  
後人所能  
及

董宗伯極稱高尙書大姚村圖。王石谷又稱夜  
山圖得烟雲變滅之狀。高彥敬畫人閒傳者不  
多。見得從尺幅片紙想其規模。漱其芳潤。猶可  
以陶冶羣賢超乘而上。

昔人論畫雪景多俗。董雲閒頗宗其說。嘗見畫  
史稱營邱所作雪圖。峯巒林屋皆以澹墨爲之。  
而水天空處全用粉填。亦一奇也。每以告畫人。  
不愕然驚則啞然笑。足以知後學之凡下也。觀



平允之論  
諒思翁亦  
當心所

癡翁筆墨  
有九轉丹  
成之妙真  
仙品也

此語于當時畫手求一知營邱用意處已不可  
得况風氣代降至于數百年之後哉然營邱之  
創製遂爲獨絕以論雪景多俗蓋亦指衆工之  
迹耳豈足以限大方以是知雲閒之說非至論  
也

子久天池浮巒春山聚秀諸圖其皴點多而墨  
不費設色重而筆不沒點綴曲折而神不碎片  
紙尺幅而氣不促游移變化隨管出沒而力不



右丞畫世  
近則託形  
以傳世遠  
則託聲以  
傳何嘗不  
與秦岱秦  
松並傳千  
古耶

畫學心印卷五  
傷董文敏所謂烟雲供養以至於壽而仙者吾  
以爲黃一峯外無他人也

秦岱秦松王右丞曾有此圖右丞曰秦換而松  
不換蓋自矜其畫耳迄今而不換之松安在右  
丞之畫亦安在邪

錫山舟次一望山水林屋舟輿橋梁豆草黍稷  
爭相位置八月既望水之宜落時也而迷迷離  
離猶如此邪



精微之理  
探索不盡

後世畫家  
無郭公之  
小心精密  
而徒學其  
謫宕奇妙  
烏得不入  
魔道耶

某公詩吳生畫如五十婦人修察其容自以爲  
姣好當門而人視之已憔悴甚矣

天外之天水中之水筆中之筆墨外之墨非高  
人逸品不能得之不能知之

郭熙河陽人其畫法謫宕奇妙至以真雲招入  
囊中放出以似其飄渺之象爲山形然後世學  
者多入魔道其自言曰凡畫積惰氣而強之者  
其迹軟懦而不快此不注精之病也積昏氣而



汨之者其狀黯猥而不爽此神不與俱成之病也。以輕心佻之者其形脫畧而不固此不嚴重之弊也。以慢心忽之者其體疏率而不齊此不恪勤之弊也。觀此則公之小心精密也亦至矣。筆墨攢簇然欲使人可以尋味而得之如通國皆知子都而淄澠之相別黑白之相懸不俟易牙離朱也。

此中同異  
深識者自

米氏父子與高尙書分路揚鑣亦猶王氏義獻。



能解之

與鍾元常齊驅並駕然其門徑有異而同有同而異者

雍門琴引云須坐聽吾琴之所言吾意亦欲向知者求吾畫中之聲而知所言也

方方壺蟬蛻世外故其筆多詭岸而潔清殊有側目愁口科頭箕踞之態因念皇皇鹿鹿終日駸駸馬足中而欲證乎靜域者所謂下士聞道如蒼蠅聲耳



趙文敏云  
逸筆草草  
乃得真趣  
子久亦同  
此用意

元人妙處  
真不可思  
議惟南田  
翁得其神  
趣耳

子久神情於散落處作生活其筆意於不經意處作腴理其用古也全以己意而化之魑魍覓叔之猛厲也而獵人能馴之以角抵之戲王孫之詭秘也而弋人能導之以桑林之舞此其故有非言說之所能盡矣  
元人幽秀之筆如燕舞飛花揣摸不得又如美人橫波微盼光彩四射觀者神驚意喪不知其所以然也



迂翁逸筆  
純乎天機  
非可拘筆  
墨畦徑求  
也

天真簡淡  
元人勝境

雲西筆意靜淨真逸品也山谷論文云蓋世聰  
明驚彩絕豔離卻靜淨二語便墮短長縱橫習  
氣涪翁論文吾以評畫

迂老幽澹之筆余研思之久而猶未得也香山  
翁云予少而習之至老尚不得其無心湊泊處  
世乃輕言迂老乎

元人幽亭秀木自在化工之外一種靈氣惟其  
品若天際冥鴻故出筆便如哀絃急管聲情並



集○非○大○地○歡○樂○場○中○可○得○而○擬○議○者○也○

近○日○寫○生○家○多○宗○余○沒○骨○花○圖○一○變○點○染○穠○麗○  
俗○習○以○供○時○目○然○傳○模○既○久○將○爲○濫○觴○余○故○亟○  
稱○宋○人○澹○雅○一○種○欲○使○脂○粉○華○靡○之○態○復○還○本○  
色○余○凡○見○管○夫○人○畫○竹○三○四○本○皆○清○夏○絕○塵○近○  
從○吳○門○見○邵○僧○彌○臨○本○亦○畧○得○意○趣○猶○有○仲○姬○  
之○風○焉○半○園○唐○孝○廉○所○藏○烏○目○山○人○臨○管○夫○人○  
竹○窩○圖○卷○最○爲○超○逸○駸○駸○乎○駕○仲○姬○而○上○僧○彌○



同能不如  
獨詣此卽  
迂老過人  
處

高尚書畫  
法原本米

小巫耳

元時名家無不宗北苑矣。迂老崛強故作荆關。  
欲立異以傲諸公耳。

方壺潑墨全不求似。自謂獨參造化之權。使真  
宰欲泣也。宇宙之內豈可無此種境界。

黃鶴山樵遠宗摩詰。其能自立門戶。頡頏黃倪。  
蓋得力于北苑者深也。

米家畫法至房山而始備。觀其墨華游戲脫盡。



老其品詣  
居四家右

南田翁寫  
生真得造  
化生氣

畫學心印卷五  
畦徑果非時人所能夢見

昔滕昌祐常於所居多種竹石杞菊以資畫趣  
所作折枝花果並擬諸生余亦將灌花南田玩  
樂苔草抽豪研色以吟春風信造化之在我矣  
趙大年江山積素圖秀潔妍雅得王維家法王  
晉卿鄭僖輩皆不能及此本爲王于一先人文  
裕公所藏傳之太僕以至于今可謂一代鴻寶  
寫生家日研弄脂粉搯花探蕊致有綺靡習氣



雲林於簡  
淡中包含  
奇趣其妙  
不可思議

豈若董巨長皴大點墨雨淋漓吞吐造物之爲  
快乎劍門樵客以此傲南田宜也

雲林畫天真澹簡一木一石自有千巖萬壑之  
趣今人遂以一木一石求雲林幾失雲林矣

宋時人物衣摺多宗李龍眠石谷子爲余言向  
在維揚貴戚王長安家觀宋徽廟六高士圖偶  
儻有出塵之度行筆巧密與龍眠幽風圖畧同  
因知趙文敏所宗亦龍眠一派也此作松下老



此中通變  
妙契元微

子圖玩其筆勢森然古法具在但以設色變其  
白描此種用色古淡明潔惟明代文徵仲席幾  
得之時俗庸史不足與議矣澹庵宋元冊中觀  
郭河陽寒山行旅絕奇江貫道江關暮雪亦妙  
本也劉松年畫人物團扇本三人回首看左角  
桃花人物如生竹夾葉大綠帶煙霧真有神氣  
王晉卿畫楊柳樓閣極精工柳用大綠塗染後  
用汁綠開細葉極鮮麗郭河陽行旅圖石谷已



煙有如許  
妙理各極  
其致營邱  
翁不能獨  
有千古矣

樵入絹素極可觀大有出藍之美

此景樵李營邱寒林曉烟極蒼茫有深曲意余  
謂畫霧與烟不同畫烟與雲不同霏微迷漫烟  
之態也疏密掩映烟之趣也空洞沉冥烟之色  
也或沉或浮若聚若散烟之意也覆水如繡橫  
山如練烟之狀也得其理者庶幾解之五峯創  
意新鮮可稱獨步

香山翁云北苑禿鋒余甚畏之既而雄雞對舞



余向藏香山翁臨倪黃小卷筆意靜逸氣味幽雅脫盡雄勁之習蓋由神奇而造平淡矣

雙瞳正照如有所入陳姚最有言躡方跡之足  
易標圓行之步難雖言游刃理解終迷以此語  
語作家茫然不知也香山翁蓋于北苑三折肱  
矣但用筆全爲雄勁未免昔人筆過傷韻之譏  
猶是仲由高冠長劍初見夫子氣象  
庚戌夏六月同虞山王子石谷從城攜筇循山  
行三四里憩吾谷乘興遂登劍門劍門虞山最  
奇勝處也亦如扶搖之翼下垂也石壁連袤中



天然圖畫  
非復人間  
機杼

余謂石谷  
畫早年爲  
上中年次  
之晚年斯

陡削勢下絕若劍截狀關一牖如可通他徑者  
因號爲劍門云余因與石谷高嘯劍門絕壁之  
下各爲圖記之寫游時所見大畧如此  
梅花庵主學北苑猶爲昔人神氣所壓未能質  
然自拔此本所撫仲圭石谷得法外之意真後  
來居上

余見石谷畫凡數變每變益奇此本爲今春所  
作觀其脫落荒率處與客秋較異似又一變也



下矣惜傳  
世者多晚  
年之作終  
不免作家  
習氣爲可  
厭耳

逸品畫正  
可於此想  
其風趣也

變而至于登峯翻引荆楊兩公以爲合古雖不  
妨土壤增高而此亦安平君置卒上座而謬爲  
恭敬也

曾從吳門觀盧鴻草堂十二幀其作樹渲染正  
與此本相類樸古之韻逼真唐人五代以下無  
此風骨

法行于荒落草率意行于欲赴未赴瓊華玉巒  
烟樓水樹不敢當古人之刻畫而風氣近之



天然圖畫  
惟深識者  
方能賞之

癡翁制勝  
處正非學  
力所能到

泛舟北郭外觀平岡一帶高林紅葉彩翠百狀  
烟光霞氣相照映如錦屏與武林靈隱虞山劍  
門同一天孫機也

癡翁畫林壑位置雲烟渲暈皆可學而至筆墨  
之外別有一種荒率蒼莽之氣則非學而至也  
故學癡翁輒不得佳臻斯境界入此三昧者惟  
婁東王奉常先生與虞山石谷子耳觀其運思  
纏綿無間飄渺無痕寂焉浩焉寥焉渺焉塵滓



雪景當代  
惟耕煙翁  
可稱登峯  
造極

畫學心印卷五  
盡矣。靈變極矣。一峯邪。石谷邪。對之將移我情。  
雪圖自摩詰以後。惟稱營邱。華原。河陽。道甯。然。  
古勁有餘。而荒寒不逮。王山人畫雪。直上追唐。  
人。謂宋法登堂。未爲入室。元代諸賢。猶在門庭。  
邊游衍耳。

王山人擬松陰論古圖。斟酌于六如。晞古之間。  
又變而爲精純。爲勁峭。唐解元之法。至此大備。  
矣。



以王郎之勁筆。乃與世俗時史并傳。猶犖麋子。都美惡較然。培塿方壺。鉅細迥異。則凡有目者。所共知也。

石谷山人筆墨。價重一時。海內趨之如水赴壑。凡好事家。懸金幣購。勿得。王子乃從吳閭解后。能使山人欣然呼毫。留此精墨。可謂擾驪龍而探夜光。真快事也。

向在王長安家。見燕文貴長江圖。其山嵐汀渚。



樹林籬落人烟樓閣水村漁舍帆檣舟楫曲盡其妙石谷取意作江岸圖致佳千里江山收之盈尺可謂能工遠勢者矣

北苑霧景橫幅勢極渾古石谷變其法爲風聲圖觀其一披一拂皆帶風色與時俗工人寫風惟作樹枝低亞震蕩之意者稍異其妙在畫雲以狀其怒號得其勢矣石谷言見房山畫可五步真無美不備可稱獨步

六幘惟昨在吳門見一幘作大墨葉樹中橫大



房山渴筆  
皴擦非功  
夫到神化  
時不能有  
此境界

坡○疊○石○爲○之○全○用○渴○筆○潦○草○皴○擦○極○蒼○勁○不○用○  
橫○點○亦○無○渲○染○其○上○作○正○峯○始○有○雲○氣○積○墨○皴○  
染○極○細○潤○極○荒○寒○石○谷○畧○用○其○意○作○大○幅○能○曲○  
盡○其○妙○展○圖○黯○然○若○數○百○年○物○也○

東○澗○老○人○家○藏○洪○谷○子○峭○壁○飛○泉○長○卷○石○谷○言○  
曩○時○曾○借○摹○後○爲○祝○融○氏○所○收○不○可○復○見○頃○在○  
楊○氏○園○亭○含○毫○構○思○撫○入○冊○中○真○所○謂○雲○峯○石○  
迹○迴○出○天○機○古○趣○晶○然○新○意○警○拔○思○而○得○之○倘○



此畫中寂  
高品也淺  
學焉能夢  
見

亦鬼神通之者邪

石谷學郭恕先江天樓閣上下皆水爲島嶼樓閣帆檣樹木相錯波濤連綿境極曠蕩石谷必有所本然恕先畫見亦鮮矣

以方壺之飄灑兼幼文之荒率離披點畫涉趣不窮天下繪事家見之茫然錯愕不能解惟江上翁與南田生醉心于此願爲執鞭王生得余兩人相賞罄快可無絕絃之慨若待後世有子



叔明秋山  
蕭寺本真  
能集古人  
之大成允  
稱獨步

寫空煙能  
如此造微

雲未免鈍置王生因題此共發大噱

王山人極稱王叔明秋山蕭寺本最奇以輞川  
爲骨北苑爲神趙吳興爲風韻蒼渾沉古兼備  
諸長勝國時刻畫之工當稱獨步此圖即秋山  
蕭寺意其寫紅林點色得象外之趣視山樵本  
不妨出藍因雪崖先生稱翰林冰鏡故一操高  
山博賞音傾耳之聽也  
觀石谷寫空烟真能脫去町畦妙奪化權變態



入妙直與  
造化同功

石谷摹倣  
山樵可稱  
無美不臻

畫學心印卷五  
三  
要眇不可知已此從真相中盤鬱而出非由于  
毫端不關乎心手正杜詩所謂真宰上訴天應  
泣者

烏目山人石谷子所製江山圖卷余從婁東寓  
齋耽玩累日觀其畫法全師山樵瀟湘圖遺意  
而石谷擬議神明通于造化凡巖嵐泉壑樹木  
雲烟橋梁村舍樓閣道路行旅舟楫大抵畧備  
變態盡于是矣至于墨華外暈游賞無窮蓋嘗



三折肱于山樵而得其靈祕要如昔人稱鍾元  
常書有十二種意外巧妙絕倫多奇何多讓焉  
昔人最重渲染此卷視他本尤工筆墨之外別  
有一種靈氣氤氲紙上黯澹沉深若數百年物  
也今之操觚者如林觀此殆無下筆處亦王山  
人與龔子有徇知之合流連賞音故不覺墨花  
飛舞與龔子詩篇相映發乃山川靈氣發越太  
盡他日渡江而西幸善護持勿使蛟龍知此奇



此中微妙  
須細心參  
透方有入  
路

寶

筆墨簡潔處用意最微運其神氣於人所不見  
之地尤爲慘澹此惟懸解能得之石谷臨柯敬  
仲竹石真有出藍之美

石谷子云畫石欲靈活忌板刻用筆飛舞不滯  
則靈活矣此圖即雲林清秘閣也香光居士題  
云倪迂畫若散緩而神趣油然而見之不覺繞屋  
狂叫觀石谷所撫幼霞標致可想也觀石谷山



功夫至此  
山樵已無  
餘蘊

人○撫○王○叔○明○谿○山○長○卷○全○法○董○巨○觀○其○崇○巖○大○  
嶺○奔○灘○巨○壑○嵐○霧○杳○冥○深○松○間○之○叢○篁○烟○莽○掩○  
映○樓○閣○帶○以○橋○梁○石○淙○亂○流○近○可○捫○酌○山○村○籬○  
落○澗○道○迴○紆○或○雲○壁○萬○仞○上○不○見○頂○或○青○泥○百○  
盤○下○迷○山○麓○如○身○在○萬○山○中○聞○猿○啼○豹○嘯○松○風○  
濺○瀑○之○聲○恍○若○塵○區○之○外○別○有○一○世○界○靈○境○奔○  
會○使○人○神○襟○湛○然○游○賞○無○窮○不○出○案○乘○閒○而○得○  
清○暉○澹○忘○之○娛○卻○笑○謝○客○當○年○鑿○山○開○道○爲○多○



事也。

石谷子在毘陵。稱筆墨之契。惟半園唐先生與南田生耳。半園往矣。忘言傾賞。惟南田一人。然又相見之日稀。終歲離索。于十年間。相要同聚。山中三日。迄今不可得。而兩人神交興趣零落。耗削每相顧歎息。來日幾何。蓋亦險矣。

巨然師北苑。貫道師巨然。貫道縱橫輒生雄獷之氣。蓋視巨然渾古。則有弊焉。師長捨短觀王

知已睽違  
古今同慨

余所見宋  
畫縱橫雄  
獷者多故  
知董巨之



不可及也

迂翁生平  
最自負者  
惟師林圖  
以爲非王  
蒙輩所能  
夢見諒非  
過自矜誇  
也

山人所圖可爲學古者進一籌矣

師林圖爲迂翁最奇逸高渺之作予未得見也  
今見石谷此意不求甚似而師林緬然可思真  
坐游于千載之上與迂翁別峯相見也石谷古  
人哉

深林積翠中置谿館爲千崖瀑泉奔雷迴旋其  
下常如風雨隱隱可聽墨華蒸鬱目作五色欲  
墜人衣便當呼黃竹黃子同游于此間掇拾青



山樵本領  
於此可見

翠○招○手○白○雲○正○不○必○藐○姑○汾○水○之○陽○然○後○樂○而○  
忘○天○下○也○

黃○鶴○山○樵○得○董○源○之○鬱○密○皴○法○類○張○顛○草○書○沉○  
著○之○至○仍○歸○飄○渺○予○從○法○外○得○其○遺○意○當○使○古○  
人○恨○不○見○我○

陶○徵○士○云○饑○來○驅○我○去○每○笑○此○老○皇○皇○何○往○乎○  
春○雨○扃○門○大○是○無○策○聊○于○子○久○門○庭○乞○一○瓣○香○  
東○坡○謂○饑○時○展○看○還○能○飽○人○恐○未○必○然○也○



冷趣荒荒  
元人妙境

此中天趣  
正難捉摸

風雨江干隨筆零亂飄渺天倪往往于此中出沒

竹樹交參巖岫盤紆每思古人展小作大處輒復攔筆

細雨梅花發春風在樹頭鑒者于豪墨零亂處思之

三山半落青天外秋霽晨起得此覺滿紙驚秋銅檠燃炬放筆爲此直欲喚醒古人



古人名蹟  
遲速各極  
其妙故善  
鑒者論工  
拙不論遲  
速也

畫境能如  
此着想可  
稱脫盡塵  
俗氣

昔黃公望畫富春山卷深自矜貴携行笈歷數  
年而後成頃來山中坐鏡清樓洒墨立就曾無  
停思工乃貴遲拙何取速筆先之機深媿于古  
人矣

湖中半是芙蓉人從綠雲紅香中往來時天雨  
後無纖埃月光湛然金波與綠水相涵恍若一  
片碧玉琉璃世界身御冷風行天水閒即拍洪  
崖游汗漫未足方其快也至于游船燈火笙管



南田翁如  
此立論宜  
其無美不  
臻超然塵  
表

謳歌。徒攬清思。亂耳目。皆非吾友游神所在。以  
喧籟付之而已。

寒林昔稱營邱華原。後惟六如居士能盡其趣。  
余欲兼李范之法。收六如之勝。破河陽之藩籬。  
殆非十年擬議不可也。

董宗伯嘗稱子久秋山圖爲字內奇觀。巨觀予  
未得見也。暇日偶在陽羨。與石谷共商一峯法。  
覺含毫渲染之間。似有蒼深渾古之色。倘所謂



離形得似絢爛之極仍歸自然邪

闕仝蒼莽之氣惟烏目山人能得之暇日戲櫺  
殊爲畦徑所束未敢云撒手游行無礙也

沃丹虞美人二種昔人爲之多不能似似亦不  
能佳余畧仿趙松雪然趙亦以不似爲似予則  
以極似師其不似耳

余游長山處處皆荒寒之色絕似陸天游趙善  
長今思之不能重游寫此以志昔者



余藏王右丞雪圖長卷筆極精細魄力極雄厚展讀之下其一種寒凝凌競之意真能令人起栗

對客倦譚。退而伏枕。稍覺隨筆。遣懷蝴蝶紛紛。尚在毫末。

毛詩北風圖。其畫雪之濫觴邪。六代以來。無流傳之迹。唐惟右丞有江干雪意。及雪山。至今尙留人間。然亦似曹弗興龍頭未易窺見。自右丞以後。能工畫雪。惟營邱華原。而許道甯又神明李范之法者。余從西谿觀銅山雪色。以道甯筆意求之。未能如劉褒畫北風使四座涼生也。



白石翁藏關仝真本神色飛動元氣淋漓夏乎  
尚哉洪谷之風也余拓以大幘倘所謂未陟其  
險先仰其高邪

竹亭銷夏師鷗波老人其碧嵐上浮翠壁下斷  
飄騰谷雲遮藏湍瀨得之松聲雲影圖也

西谿草堂蓋周太史歸隱處也羣峯奔會帶以  
蒲谿菱蘆激波檉柳夾岸散碧連翠水烟忽生  
漁網相錯予曾從太史擊楫而弄澄明縱觀魚



精誠所契  
上通古人  
捉筆時米  
老倪黃如  
在上下左  
右

鳥有濠梁之樂真一幅惠崇江南春圖也  
吾嘗欲執鞭米老俎豆黃倪橫琴坐思或得之  
精神寂寞之表徂春高館晝夢徘徊風雨一交  
墨華再亂將與古人同室而溯游不必上有千  
載也子純天機泊然會當忘言洞此新賞  
翌園兄將發維揚戲用倪高士法爲圖送之時  
春水初澌春氣尙遲谷口千林正有寒色南田  
圖此聊當吹律取似賞音以象外解之也



癡翁一生  
筆墨惟秋  
山富春兩  
卷爲藝林  
絕品

子久浮巒暖翠則太繁沙磧圖則太簡脫繁簡  
之迹出畦徑之外盡神明之運發造化之秘極  
淋漓飄渺而不可知之勢者其惟京口張氏所  
藏秋山圖陽羨吳光祿富春卷乎學者規摹一  
峯何可不一見也暇時得小卷經營布置畧用  
秋山富春兩圖法似猶拘于繁簡畦徑之間未  
能與古人相遇于精神寂寞之表也  
子久富春山卷全宗董源間以高米凡雲林叔



讀此論癡  
翁富春圖  
之神妙仿  
佛於几席  
間遇之

明○仲○圭○諸○法○畧○備○凡○十○數○峯○一○峯○一○狀○數○百○樹○  
一○樹○一○態○雄○秀○蒼○莽○變○化○極○矣○與○今○世○傳○疊○石○  
重○臺○枯○槎○叢○雜○短○皴○橫○點○規○模○迥○異○予○香○山○翁○  
有○撫○本○畧○得○大○意○衣○白○鄒○先○生○有○拓○本○半○園○唐○  
氏○有○油○素○本○庶○幾○不○失○邱○壑○位○置○然○終○不○若○一○  
見○姑○射○仙○人○真○面○目○使○凡○塵○頓○盡○也○

石谷子凡三臨富春圖矣前十餘年曾爲半園  
唐氏摹長卷時猶爲古人法度所束未得游行



臨古人名蹟總要能洗發自己胸中靈氣方不爲畦徑所囿如徒泥形似終無人路石谷臨一圖卽有一

自○在○最○後○爲○筮○江○上○借○唐○氏○本○再○摹○遂○有○彈○丸○  
脫○手○之○勢○婁○東○王○奉○常○聞○而○嘆○之○屬○石○谷○再○摹○  
余○皆○得○見○之○蓋○其○運○筆○時○精○神○與○古○人○相○洽○畧○  
借○粉○本○而○洗○發○自○己○胸○中○靈○氣○故○信○筆○取○之○不○  
滯○于○思○不○失○于○法○適○合○自○然○直○可○與○之○並○傳○追○  
蹤○先○匠○何○止○下○真○蹟○一○等○予○友○陽○羨○三○梧○閒○潘○  
氏○將○屬○石○谷○再○臨○以○此○卷○本○陽○羨○名○迹○欲○因○王○  
山○人○復○還○舊○觀○也○從○此○富○春○副○本○共○有○五○卷○縱○



圖進境真  
國初以來  
第一人也

收藏家復有如雲起樓主人吳孝廉之癖者亦  
無○憂○劫○火○矣○因○識○此○以○爲○富○春○圖○幸○

陽羨周穎侯氏與雲起樓吳岡卿昵好曾以干  
金玩具抵吳借臨未竟還之火後乃從吳氏更  
索殘本足成恒自誇詡一峯富春真蹟已殘惟  
摹本獨完人人謂得見周氏本可想全圖之勝  
虞山王子石谷過毘陵將爲江上御史摹此欲  
從陽羨借周氏撫本觀其起手一段不可得卻



如此筆墨  
貽笑大方

後一載○石谷適携客歲所臨卷○與余同游陽羨○  
因得見周氏摹本○其筆墨真如小兒塗雅○足發  
一大笑○急取對觀○起手一段○與殘本無異○始知  
周氏誕妄○真自欺欺人者耳○且大書卷尾○自謂  
癡翁後身○又自稱筆墨有不及癡翁處○有癡翁  
不及處○真醯雞斥鷃○井窺天之見○可怪可哀  
也○

吳問卿生平所愛玩者○有二卷○一爲智永千文



天下賞鑒  
家如皆同  
吳罔卿之  
癖嗜後世  
幾無遺跡  
矣可嘆可  
嘆

真迹一爲富春圖。將以爲殉。彌留爲文祭二卷。  
先一日焚千文真迹。自臨以視其燼。詰朝焚富  
春圖。祭酒面付火。火熾輒還卧內。其從子吳靜  
安疾趨焚所。起紅爐而出之。焚其起手一段。余  
因罔卿從子問其起手處。寫城樓睥睨一角。却  
作平沙。禿鋒爲之極蒼莽之致。平沙蓋寫富春  
江口。出錢唐景也。自平沙五尺餘。以後方起峯  
巒坡石。今所焚者平沙五尺餘耳。他日當與石



桃源圖須  
如此傳寫  
方能境界  
靈異脫盡  
塵俗蹊徑

書卷八  
三  
谷渡錢唐抵富春江上嚴灘一觀癡翁真本更  
屬石谷補平沙一段使墨苑傳稱爲勝事也  
桃源仙靈之窟宅也飄渺變幻而不可知圖桃  
源者必精思入神獨契靈異鑿鴻濛破荒忽游  
於無何有之鄉然後谿洞桃花通于象外可從  
尺幅間一問津矣吾友王子石谷嘗語余自昔  
寫桃源都無真想惟見趙伯駒長卷仇實父巨  
幀能得此意其闢境運毫妙出匪夷賦色之工



南田翁如  
此立論真  
不愧與花  
傳神

自然天造。余聞斯語。欣然若有會也。因研索兩  
家法。爲桃源圖。

畫秋海棠。不難于綽約妖冶。可憐之態。而難于  
矯拔有挺立。立意惟能挺立。而綽約妖冶。以爲容  
斯。可以况美人之貞而極麗者。于是製圖竊比  
宋玉之賦東家子。司馬相如之賦美人也。

昔安期生以醉墨洒石上。皆成桃花。故寫生家  
多效之。又磅礴之山。其桃千圍。其花青黑。西王



母以食穆王。今之墨桃。其遺意云。

水墨興於唐人。所以唐時最貴水墨。以墨有五。彩。惟慧眼能辨之。視塗紅抹綠。絢爛爲快者。不可同年語矣。

神化之跡  
必神化之  
筆寫之方  
能得其真  
趣

趙吳興有花谿漁隱。又有落花游魚。皆神化之迹。臨仿者。毋慮數十百家。大都刻畫舊觀。未見新趣。允裘屬予寫游魚。因兼用吳興兩圖意。作扇景。俟他日石谷觀之。當更開法外靈奇之想。



學者當細  
心體味方  
有人路

也。

洪谷子作雲中山頂四面峻厚墨苑稱化工靈  
氣難以迹象求之因與王子石谷斟酌作此洗  
盡時人畦徑真能知四面之意者方可與觀此  
圖。

壬子秋余與石谷在楊氏水亭同觀米海嶽雲  
山大幀宋徽廟題幀首云天降時雨山川出雲  
董宗伯鑒定爲荆谿吳光祿所藏吳氏有雲起



有超然塵  
外之概非  
筆墨蹊徑  
之所得而  
拘也

畫學八法卷五  
樓蓋以斯圖名也石谷作此如宗伯所云從岳陽樓觀聽仙人吹笛一時凡意頓盡故其下筆靈氣鬱蒸與前此所圖懸殊也

秋夜讀九辨諸篇橫坐天際目所見耳所聞都非我有身如枯枝迎風蕭聊隨意點墨豈所謂此中有真意者非邪

惜園游心繪事且十年餘矣其宗尙亦凡三四變最後獨心賞南田惲子案乘間所置吟賞大



洞悉源流  
言皆中肯  
自無歧趨  
之誤

都南田筆墨也。閒嘗與余議論。上下古今。往往  
拔俗。奔放。不肯屑屑與時。追趨。余因嘆惜園之  
意。甚近于古也。自右丞洪谷以來。北苑南宮。相  
承入元。而倪黃輩出。風流豪蕩。傾動一時。而畫  
法亦大明于天下。後世士大夫。追風效慕。縱意  
點筆。輒相矜高。或放于甜邪。或流爲狂肆。神明  
既盡。古趣亦忘。南田厭此波靡。亟欲洗之。而惜  
園乃與余意合。亦可異矣。暇日以兩冊見投。因



南田翁山水秀逸之趣爲六大家中第一其立論精妙平日之功力深邃概可想見謂當時以山水讓石谷恐未必然也

爲斟酌于雲林雲西房山海嶽之間別開徑路  
沉深墨采潤以烟雲根于宋以通其鬱導于元  
以致其幽獵于明以資其媚雖神詣未至而筆  
思轉新倘從之而仰鑽先匠洞貫秘塗庶幾洗  
刷頽靡一變還雅恐雲閒復起不易吾言願就  
賞心共游斯趣耳

元人有古樹慈鴉白石翁有摹本蒼勁清逸如  
蟲書鴻爪捨筏遺筌非時史所知也



趙文敏筆  
墨高華工  
麗神韻靜  
逸爲元代  
之冠

趙承旨畫落花游魚圖。題云溶溶綠水濃如染。  
風送落花春幾多。頭白歸來舊池館。閒看魚泳  
自漚波。延祐七年三月六日春霽。溪光可人。乘  
興作落花游魚圖。就賦詩其上。殊有清思耳。此  
幀已歸廣陵王氏。不復可得。癸丑予客西泠。往  
來湖濱。蘋蘩灘荻。港綠隄花。岸可以澡雪塵襟。馳  
盪藻思。每當風日暄和。碧水澄明。游魚可數。輒  
憶文敏所圖。悠然自樂。因彷彿爲之。并賦落花



子畏畫梅  
真洗盡鉛  
華超然塵  
表

石谷小景  
最能引人  
入勝

戲魚之曲。以當樂府田田茄下之歌云。

乙卯春。觀傅翁先生所藏唐解元梅花。真有楊  
補之遺意。其自題古風。超逸清宕。視彼雕繪爲  
工者。不啻天淵。與梅花寒姿瘦骨。相映偶在北  
堂。對臨元人墨梅。因憶六如詩句。依韻和之。戲  
題呈教。聊供拊掌吟。對梅花足消煩暑。  
烏目山人畫。遠水蒼茫。菱蘆釣艇。出沒檉柳盡  
亞。如聞風聲。



潔菴圖以南田翁妙筆寫之可稱山盡其趣

潔菴圖爲潔菴高士唐先生畫并佐綵庭之觴  
潔菴先生以潔名菴名其所不能名而以發其  
隱約寓其深思諦視斯境一草一樹一邱一壑  
皆潔菴靈想之所獨闢總非人間所有其意象  
在六合之表榮落在四時之外將以尻輪神馬  
御泠風以游無窮真所謂藐姑射之山汾水之  
陽塵垢糠粃綽約冰雪時俗齷齪又何能知潔  
菴游心之所哉



已造元人  
妙境

此中異同  
惟深識者  
方能辨之

石谷子畫古松乃金陵六朝遺影枝如虬龍翠  
微閒拂拂疑有聲如風濤奔激瑟瑟盈耳可聽  
泠然靜深又若古桐鳴而萬壑寂也  
此幅在東皋池上醉後塗抹殘荷離披蘆草交  
橫畧得寒汀寂寞之致  
亂石鳴泉倣王孟端非黃鶴山樵也其皴擦渲  
點相似而又有閒矣如海裂井斷不可淆俟明  
眼者辨取



逸品之畫  
最難得其  
神趣

徐幼文筆致秀聳有逸趣在雲西丹邱之間石  
谷擬議神明直是後來居上

江上居士向於商邱宋氏見荆溪清逸圖真得  
蕭疎遠淡之趣予曾見其臨本偶爾握管未必  
有稍分應處也

石谷畫出宋入元筆思渾古觀其畫山渲染墨  
法沈厚卽此可見獅王搏象之全力也

凡畫花卉須極生動之致向背敲正烘日迎風



挹露各盡其變。但覺清芬拂拂。從紙閒寫出。乃佳耳。

今秋無月。惟九月十四夜。千里無纖雲。最爲皎潔。與石谷子對月吟賞。甚相娛樂。覺此時玉峯園池。爲吾所獨有。支公買山而隱。笑爲多事。坡翁云。江山風月閒者。便是主人。真名語也。徐熙墨花畧施丹粉。而意態自足。此意非時俗所可知也。

至理名言  
一空塵障



此圖境界  
以南田翁  
秀逸之筆  
寫之自然  
引人入勝

壬子秋予在荆溪時山雨初霽谿漲湍急同諸  
子飲北城蔣氏書齋乘醉泛舟從紫霞橋還泊  
東關激波奔岸有聲暗柳斜谿蒼茫樓曲近水  
綠窓燈火明滅仰視河漢無雲晶然水烟將升  
萬影既寂衆籟俱作于此流連令人思致清宕  
正不必西谿南嶽之顛涯方稱幽絕耳因爲圖  
記之  
秋冬之際殊難爲懷惟當以天台雲海盪我煩



襟○知○先○生○同○此○高○寄○不○復○笑○南○田○徒○豪○舉○也○  
大○癡○陡○壑○密○林○爲○張○先○三○所○得○予○寤○寐○羹○牆○十○  
載○於○茲○頃○見○石○谷○所○撫○殆○如○一○峯○再○來○也○

昔○白○石○翁○每○作○雲○林○其○師○趙○同○魯○見○輒○呼○曰○又○  
過○矣○又○過○矣○董○宗○伯○稱○子○久○畫○未○能○斷○縱○橫○習○  
氣○惟○於○迂○也○無○閒○然○以○石○田○翁○之○筆○力○爲○雲○林○  
猶○不○爲○同○魯○所○許○癡○翁○與○雲○林○方○駕○尙○不○免○于○  
縱○橫○故○知○胸○次○習○氣○未○盡○其○于○幽○澹○兩○言○覲○面○

幽淡二字  
爲雲林獨



絕之詣癡  
翁尚不免  
縱橫況石  
田乎

精微之理  
曲中人情

千○里○江○上○翁○抗○情○絕○俗○有○雲○林○之○風○與○王○山○人○  
相○對○忘○言○靈○襟○瀟○瀟○遠○長○宵○秉○燭○興○至○抽○毫○輒○與○  
雲○林○神○合○其○天○趣○飛○翔○洗○脫○畫○習○可○以○睨○癡○翁○  
傲○白○石○無○論○時○史○矣○壬○子○十○月○楓○林○舟○中○江○上○  
先○生○屬○題○

作○家○畫○貴○有○士○氣○士○大○夫○畫○貴○無○作○氣○作○家○無○  
作○氣○固○難○士○大○夫○秀○其○本○色○然○恐○人○以○規○矩○繩○  
之○疆○爲○枯○雄○健○舉○不○知○已○入○作○氣○而○時○俗○輒○以○



此中神妙  
惟深識者  
方能賞之  
本非俗人  
所能領會  
也

賞鑒之難  
古今同慨

爲工不落畦徑不束古法全遺形似爛然天真  
翻以爲拙如文敏此冊是已文敏所不可及正  
在時俗所謂拙處乃見其真非真拙也時俗謂  
之拙耳余曾從石谷行笈中借觀因携至荆溪  
往返閱月欲求一具眼者了不可得與江上御  
史嘆息久之此冊余於同治戊辰年得  
於大梁宋氏今藏於齋中  
九月在散懷閣斟秋芥茶朗吟自適爲叢菊寫  
照傳神難傳韻尤難橫琴坐思庶幾得之丰姿



神化之境  
惟南田翁  
得此真趣

天然神趣  
正非學力  
所能到

澹忘之表深秋池館晝夢徘徊風月一交心魂  
再蕩撫桐盤桓悠然把菊抽毫點色將與寒暑  
卧游一室如南華真人化蝶時也  
墨菊畧用劉完庵法與白陽山人用筆有今古  
之殊

唐解元墨花游戲如虢國夫人馬上淡妝以天  
趣勝耶

以雲西筆法寫雲林清閼閣意不爲高巖大壑



畫境如此  
其登峯矣  
乎

而風梧烟篠如攬翠微如聞清籟橫琴坐忘殊  
有傲睨萬物之容

學癡翁須從董巨用思以蕭灑之筆發蒼渾之  
氣游趣天真復追茂古斯爲得意此圖擬富春  
大嶺殊未愜于心手豈能便合古人

吾友有雲林喬柯修竹大幀余家藏高士小山  
竹樹小景兩圖皆雲林妙本冬夜在鳴老梅花  
樓戲用兩圖筆意爲此似有一種天趣飛翔恨



不令迂老見我也

巨然師北苑貫道師巨然此圖江天空濶林莽  
蕭森庶幾咫尺千里之勢初擬巨然乃近貫道  
然貫道且不易何敢輒望巨公

夜雨初霽曉烟欲出其象若此用米元暉語題  
方壺烟雨景

谿山行旅摹北苑半幅圖文待詔云人閒無北  
苑畫止家藏半幅即谿山行旅圖也此幀後歸

此中神妙  
最難傳寫



董文敏乙卯十月在蕪城客舍背臨

乙卯余客湖濱綠隄花岸蒲灘荻港于此流連  
戲作斯圖畧得宋人劉案遺法




畫學心印卷五

男鳳墀  
姪鳳璪  
全校字



--	--	--






































ND  
1042  
C6  
1878  
v.6

畫學心印

卷六

梁溪

秦祖永

評輯

甌香館畫跋

惲格

忘庵功力  
堪與前代  
周服卿並  
駕以視南  
田翁機趣  
橫溢韻致  
翩翩則遠  
不逮矣

丁巳秋予游吳門。過廣霞翁衣杏閣。見案間忘  
庵王子墨花卷。淋漓飄灑。天趣飛動。真得元人  
遺意。當與白陽公並驅。廣霞先生曰。盍爲作設  
色花卷。補忘庵花品之所未備乎。余唯唯。遂破  
藤紙。研丹粉。戲爲點色。五日而後成之。但紙不



當時寫生  
王暉並稱  
余向見其  
跡王作近  
於板滯不  
可與南田  
翁同日語  
也

宜于色神氣未能明發然余圖非古非今洗脫  
畦徑畧研思于造化有天閑萬馬之意取示先  
生先生曰忘庵卷如號國澹掃蛾眉子畫如玉  
環豐肥豔骨真堪並美挾兩卷以游千花萬蕊  
中吾將老是鄉矣相與拊掌大笑并書于後  
全是化工靈氣盤礴鬱積無筆墨痕足令古人  
歌笑出地

曾見陳章侯臨宋人九芝圖多作棘刺昔賢必



有所本。芝草不生于甘泉。銅池與萐莆。莫莢同。稱瑞物。而於榛莽頑石之間。製圖有深思焉。其感慨可知已。

嘗見王晉卿貽東坡書云。吾日夕購子書不厭。近又以三縑博兩紙。子有近書。當稍有以遺我。毋多費我絹也。東坡乃以澄心堂紙。李承宴墨。書黃州大醉中作黃泥坂詞。并跋二百餘言。以遺之。夫王晉卿因東坡遭貶謫。其交深矣。然愛



此爲深於  
閱歷之言  
古今同慨

其書不可得。猶以縑素易之。因知筆墨贈貽不  
能獨厚。知己在昔。已然非自今也。南田生與石  
谷子結契。且廿年。篋中未嘗蓄盈尺小幅。而尋  
常面交長綃巨幀。纍纍也。前年曾取藏墨易石  
谷畫扇一面。又石谷所慨然者。未知澄心紙上  
書黃泥坂詞。何時得效坡翁故事耳。  
清泉白石。與吾周旋。可以樂而忘老。  
東坡云。世多以墨畫山水竹石人物。未有以畫



用筆用墨  
之妙須細  
心領取

花者也。汴人尹白能之。爲賦詩云。造物本無物。  
忽然非所難。花心起墨暈。春色散毫端。飄緲形  
纔具。扶疎態自完。蓮風盡顛倒。杏雨半摧殘。獨  
有狂居士。求爲墨牡丹。兼書平子賦。歸向雪堂  
看。可知墨華起于北宋。然尹白之名。不甚著何  
邪。

清夜獨依曲木牀。著短袖衫子。看月色在梧桐。  
篁篠間。薄雲掩過之。微風到竹。衣上影動。此時。



古人秉燭  
夜游良有  
以也

然  
畫山水亦

令人情思清宕紛慮暫忘人生魚魚鹿鹿好景  
娛間一歲不過八九日耳偶然得之不應復以  
後來之日長而當面錯過也重九後三日燈下  
書并以勸石谷

寫生先歛浮氣待意思靜專然後落筆方能洗  
脫塵俗發新趣也

石谷不喜予寫生嘗對孫承公云正叔研精卉  
草日求其趣其于烟雲山水之機疎矣予初不



寫生與山水其功力正不相同

石谷擷取各家之長

以爲然已而思寫生與畫山水用筆則一蹊徑不同久于花葉手腕必弱一花一葉豈能通千巖萬壑之趣乎石谷終歲未嘗于寫生著意然閒一爲之必有過人處蓋其得力于山水者深筆精墨靈而其餘不可勝用也石谷進我殆幾于水仙之移人情哉

唐以前無寒林自李營邱范華原始盡其法烏目山人此幀畫樹師營邱沙汀石骨用李晞古



彙諸筆端  
故非諸家  
所能及

石谷畫柳  
最擅勝場

言尾 小 卷六  
筆趣清潤兼六如居士蓋所謂脫盡縱橫習氣  
非強事點染者所能彷彿也

此東園生游戲塗抹自取笑樂者也覽者多以  
爲似石谷又謂似子晉更指某筆似某某筆似  
某墨華眩惑不復可辨豈世無離婁邪抑宣尼  
有若遂竟不可分別邪因衆語聚訟乃自題以  
證麀鹿之誤并與石谷子晉同發一笑

烏目山人畫柳盡態極妍古所未有空對銷魂



之圖正乏銷魂之句放筆滋愧

河清可俟人壽幾何對此垂絲能無慨歎然烈士壯心其能已乎昔人于此不禁唾壺之缺矣歌成呼酒自罰十白

烟柳蘆汀賦象荒落其得之濠上邪

三種菊爲半園良士所圖時與唐長公斟酌沒骨畫法祖述宋人規矩兼師造化逸趣飛翔庶幾洗脫時徑適婁東公衡王子一見亟賞之輒



寫生惟徐  
氏沒骨法  
爲古今第  
一

觀此知南  
田翁之寫

效米顛據舫故事良士有是快友割愛相贈雪  
夜秉燭屬壽平重題以志一時勝會云  
北宋徐熙寫生多以澹墨爲之略施丹粉而意  
態自足蓋其靈氣在筆墨之外也  
詩思亂隨青草發酒腸還似洞庭寬董雲閒曾  
以此語作小景絕奇余復效之知吾陸君於此  
興亦不減也

蔬果最不易作甚似則近俗不似則離惟能通



生真空前  
絕後

設色濃淡  
須要得宜  
然非心手  
熟習悉心  
研究不易  
窺其祕妙

筆外之意隨筆點染生動有韻斯免二障矣  
觀王山人爲子鶴寫山居圖用筆如閒雲在霄  
卷舒自在墨華零亂一點一拂皆有異趣自雲  
閒董宗伯已來未有發其祕者

前人用色有極沈厚者有極澹逸者其創製損  
益出奇無方不執定法大抵穠麗之過則風神  
不爽氣韻索然矣惟能澹逸而不入於輕浮沈  
厚而不流爲鬱滯傳染愈新光暉愈古乃爲極



致石谷於設色法廿年靜悟始窺祕妙每爲余  
言如此因記之

衡山墨桂深得趙承旨風韻洗脫纖塵天趣冷  
然足稱墨林仙品

寒柯藂竹小山激湍宛有塵外風致

隨筆點刷荒率處似曹雲西整密處似李晞古  
然昔人神趣非鑽仰可到

余最愛倪高士秋林竹石秋堂獨坐蕉雨梧風



此種筆趣  
惟元人最  
擅勝場

致有爽氣。偶得此幅。研墨乘興立就。得意呼毫。  
如驚風驟雨。勢不可止。觀者灑然。卽此以盡雲  
林而雲林盡此矣。

學元人小景。蕭散曠澹。竹石亂泉。不作叢莽冗  
雜。清韻自足。

此種筆趣。元時有趙善長。陳秋水。明初有王孟  
端。徐幼文。皆黃鶴山樵一路。元末最盛。不下十  
餘家。卽陸天游。郭天錫亦相近。蓋此種與郭河



陽畫法似分道而馳然此得人爲多大抵高曠  
宕逸之士都由此入

秋夜每與王先生立池上清話久之暗睹梧影  
輒大叫曰好墨葉好墨葉酒酣戲爲點墨如張  
顛濡髮時也

有誰能作房山畫坐使烟雲笑世人讀此語欲  
令人擱筆

高尙書與方壺外史皆得法于南宮墨戲而變

高尙書雲  
山米老後  
無能出其  
右者



化各有不同

梅花庵主云墨戲之作蓋士大夫詞翰之餘適  
一時之興趣與夫繪畫之流大有寥廓嘗觀陳  
簡齋墨梅詩云意足不求顏色似前身相馬九  
方皋此真知畫者也仲圭醉心逃禪老人開千  
古未開之眼即古稱花光石室亦未肯輕許至  
于時俗所宗可毋置論

庚申九月下榻紅鵞館主人出示王忘庵墨花



南田翁筆  
墨逸趣飛  
翔引人入  
勝正難與  
忘庵作同  
日語也

長卷縱橫排突精悍逼人因爲秉燭賦色似于  
忘庵筆墨之外別有蹊逕猶如唱東坡赤壁詞  
不可無楊柳岸曉風殘月之歌也惟主人鑒賞  
之

陳待詔樵王叔明亦有致畫雲用細勾太刻畫  
耳

待詔寫生雖極工整猶有士氣與世俗所尙大  
有徑庭然視白石白陽隨筆點染得生動之趣



大家手筆

又隔一塵矣。

隨意涉趣不必古人有此然雲西丹邱直向毫端出入。

觀王廉州大幀深得北苑瀟湘圖意水天空濶處一派平沙尤見筆力也。

今人動稱潤筆不知此語自隋時已有之隋鄭譯自隆州刺史復爵李德林作詔高顯戲之曰筆頭乾譯曰出爲方伯杖策而歸不得一錢何。



以潤筆。偶讀至此，不覺失笑曰：天下鄭譯之慈孫，何其多乎？

承公孫子嘗與余論董文敏書云：思翁筆力本弱，資制未高，究以學勝。孫與親近年多知之深好之深矣。其論與予合，非過謬。文敏秀絕，故弱秀不掩弱。限于資地，故上石輒不得佳。孫子謂其不足在是其高超，亦在是何也？昔人往往以已所不足求進，服習既久，研鍊益貫，必至偏重。



真深於甘  
苦之言非  
得此中三  
昧者不能  
有此見解  
也

所謂純任  
自然方臻  
妙境

所○謂○矯○枉○者○過○其○正○也○書○家○習○氣○皆○于○此○生○習○  
氣○者○即○用○力○之○過○不○能○適○補○其○本○分○之○不○足○而○  
轉○增○其○氣○力○之○有○餘○而○涵○養○未○至○陶○鑄○琢○磨○之○  
功○不○足○以○勝○之○是○以○藝○成○習○亦○隨○之○或○至○純○任○  
習○氣○而○無○書○者○惟○文○敏○用○力○之○久○如○瘠○者○飲○藥○  
令○舉○體○充○悅○光○澤○而○已○不○爲○騰○溢○故○甯○恒○見○不○  
足○毋○使○有○餘○其○自○許○漸○老○漸○熟○乃○造○平○淡○此○真○  
千○古○名○言○亦○一○生○甘○苦○之○至○言○可○與○知○者○道○也○



胸無塵滓  
案有名牋  
乘興落墨  
定是佳構

隨筆點花葉須令意致極幽明窓淨几風日和  
潤不對俗客庭有時花秀草毫墨絹素悅人意  
興到抽毫含丹吮粉羅青積黛分條布葉之間  
必有瀟灑可觀者

壬戌八月客吳門拙政園秋雨長林致有爽氣  
獨坐南軒望隔岸橫岡疊石峻嶒下臨清池礪  
路盤紆上多高槐檉柳檜柏虬枝挺然迴出林  
表繞隄皆芙蓉紅翠相間俯視澄明游鱗可數



神妙之跡  
必得神妙  
之筆寫之  
方能傳其  
神趣

使人悠然有濠濮閒趣

自南軒過豔雪亭渡紅橋而北傍橫岡循礪道  
山麓盡處有堤通小阜林木翳如池上爲湛華  
樓與隔水迴廊相望此一園最勝地也

壬戌之秋曾於虎林獲觀海門圖洞心駭目驚  
湍激風排山倒岳對峙石壁峭立上爲遠岸沙  
路微茫深曲可入奔濤觸石盤渦谷轉以至輕  
波細溜於一筆閒能分淺深真神妙之迹觀其



倣雲林畫  
須如此著  
想

畫水法蓋見規模董仲翔當時無與敵者王山人縮本能盡其妙置之几案閒當如嘉陵江畫壁夜聞水聲也

筆筆有天際真人想若纖毫塵垢之點便無下筆處

亂石鳴泉樵王孟端非王叔明也其皴擦渲點氣韻神逸非明眼不能辨秋宵秉燭薄醉抽毫與賞音相參證也



河南北海  
風韻最爲  
超絕

元人妙處  
純乎如此  
所由化宋  
人刻畫之  
跡而卓絕  
千古也

宋四家書皆出魯公而米海岳又兼以河南北  
海故丰采獨絕也

高逸一派如蟲書鳥迹無意爲佳所謂脫塵境  
而與天游不可以筆墨畦徑觀也

王山人此圖極似趙善長張伯雨絕無一筆是  
一峯梅沙彌也而王山人自題如此豈蘇長公  
所云論畫以形似見與兒童鄰邪俟石谷異日  
觀此當發大噱



松雪翁畫  
純從北苑  
得來故足  
居四家之  
右

春夜秉燭對酒觀鳥目王山人製圖灑墨如風  
雨時子惠弄三弦清歌繞梁令人驚魂動魄如  
此勝會他時念此不易得也

夏木垂陰松雪臨本真能不失董源神韻曾見  
雲間董宗伯摹入冊中堪與吳興並驅予戲屬  
王山人作此復變兩文敏法獨宗古勁可謂出  
藍

青綠山水近代擅長惟十洲仇氏今稱石谷王



設色一道  
學者當細  
心參之

子○余○觀○其○青○綠○設○色○亦○數○變○真○從○靜○悟○得○之○當  
在○十○洲○之○上○

仲○長○統○昌○言○云○清○如○水○碧○潔○如○霜○露○輕○賤○世○俗  
獨○立○高○步○畫○品○當○作○此○想○

俗○人○論○畫○皆○以○設○色○爲○易○豈○知○渲○染○極○難○畫○至  
著○色○如○入○鑪○鑄○重○加○煅○煉○火○候○稍○差○前○功○盡○棄  
三○折○肱○知○爲○良○醫○畫○道○亦○如○是○矣○

泛○舟○鄧○尉○看○梅○半○月○而○返○興○甚○高○逸○歸○時○乃○作○



看花圖

江○山○阻○濶○別○久○會○稀○寤○寐○心○期○千○里○無○閒○春○風○  
楊○柳○青○雀○煙○帆○室○邇○人○遐○空○懸○夢○想○李○先○生○披○  
圖○攬○趣○時○當○從○一○毫○端○與○叔○子○別○峯○相○見○爾○

癡○翁○陡○壑○密○林○昔○在○婁○東○王○奉○常○家○癡○翁○妙○跡○  
與○夏○山○浮○嵐○聲○價○相○埒○吾○友○石○谷○子○撫○本○最○佳○  
余○此○幀○畧○有○出○入○

惟能洗盡  
縱橫習氣

方○壺○用○米○海○嶽○墨○戲○隨○意○破○穎○天○趣○飛○翔○洗○盡○



逸品之所  
以超乎神  
品上也學  
者當深味  
乎此言

南田翁以  
極似爲妙  
所由高出  
陳陸之上

縱橫習氣故昔人以逸品置神品之上也

碧山春谿畧近趙大年江郎賦中所謂春草碧  
色春水綠波也

曾見白陽包山寫生皆以不似爲妙余則不然  
惟能極似乃稱與花傳神

石谷畫松之次夕北郭諸友携酒相樂石谷連  
浮數十觴玉山將頽余亦霑醉興酣狂吟諧謔  
閒作翦燭索長綃屬余點墨因掃一石以贈千



向見雲林  
有此圖筆  
墨靜逸生  
趣油然而  
南田翁庶  
幾近之

此畫中最  
高品也非

秋○馳○毫○如○風○墨○花○磊○磊○從○空○而○墜○圖○成○戲○石○谷○  
曰○此○醉○星○石○也○鑿○取○媧○皇○一○片○光○氣○欲○令○真○宰○  
妬○我○他○時○客○館○索○寞○用○以○貰○酒○何○如○  
斷○橋○無○復○板○臥○柳○自○生○枝○用○幼○霞○筆○寫○少○陵○句○  
多○見○其○不○知○量○矣○良○士○他○時○展○紙○今○日○秋○夜○篝○  
燈○賞○心○燕○語○一○種○情○况○忽○忽○在○目○此○圖○或○爲○索○  
居○之○一○助○也○  
畫○家○塵○俗○蹊○徑○盡○爲○掃○除○獨○有○荒○寒○一○境○真○元○



縵爛之極  
不能到此

沒骨花爲  
徐氏獨創  
之格脫盡  
筆墨蹊徑  
洵爲古今  
第一

人神髓所謂士氣逸品不入俗目惟識真者方能賞之

寫生家以沒骨花爲最勝自僧繇創製山水灼如天孫雲錦非復人間機杼所能彷彿北宋徐氏斟酌古法定宗僧繇全用五彩傳染而成一時黃筌父子皆爲俯首

老樹荒谿茅齋宴坐似無懷氏之民

墨花至石田六如真洗脫塵畦游於象外覺造



純是性靈  
天趣脫盡  
筆墨蹊徑

化在指腕閒非抹綠塗紅者所可概論也  
老松危厓淙淙瀑泉人閒有此境否

宋人有艷雪圖元人有雙清圖皆稱神品筆墨  
奇逸氣韻清妍真如乘雲御風以游于塵壒之  
外殆非時史所能擬議也此幀合兩圖意趣成  
之正當澡刷靈襟洗發新賞

元人園亭小景只用樹石坡池隨意點置以亭  
臺籬徑映帶曲折天趣蕭閒使人游賞無盡



功夫到神  
化時逸筆  
草草始能  
有此境界

幼霞有獅子林清悶閣王叔明爲顧仲瑛畫玉  
山草堂曹知白有西林禪室皆稱墨林神品吾  
友石谷此圖當與古人後先標映並垂永久  
石谷子小景十種雜仿宋元諸家得之篝燈夜  
坐興到隨意點墨天趣飛翔脫盡刻畫畦徑所  
謂以無累之神合有道之器一樹一石生氣自  
足正不必索古人于千載以上也此冊久置奚  
囊臨行出以贈臣辰先生不遇賞音牙徽不發



逸品之畫  
所謂多著  
一點便俗  
此種境界  
最不易到

兩君相遇之歡真墨苑風流勝事適余同客婁  
東展玩良久因題

陸天游曹雲西渲澹之色不復著第二筆其苔  
法用石竹三四點掩映使通幅神趣通幅墨光  
俱出真化境也

房山神氣鷗波一峯猶以爲不易及後來學者  
豈能涉其顛涯

徽廟題大年小幅用右丞夏木黃鸝水田白鷺



逸品之畫  
真不可以  
繁簡工拙  
論也

畫中平遠  
當以大年

兩句景不盈尺。筆致清遠。今在維揚王氏所藏  
宋元冊中。

郭恕先遠山數峯。勝小李將軍寸馬豆人千萬。  
吳道子半日之力。勝思訓百日之功。皆以逸氣  
勝故也。

關仝氣岸高。視人表如綺里東園衣冠。甚偉危。  
坐賓筵下。視五陵年少裘馬輕肥。不覺氣索。

趙令穰筆思秀潤。點色風華掩映。嫵媚有餘精。



爲宗

思翁以逸  
宕之筆隨  
意寫成粉  
本其天趣  
與尋常作  
更是不同  
奉常翁得  
其傳授此

畫學心印卷六  
妍畫平遠之宗工

規摹趙伯駒小變刻畫之迹歸于清潤此吳興  
一生宗尚如是足稱大雅

婁東王奉常烟客自髫時便游娛繪事乃祖文  
肅公屬董文敏隨意作樹石以爲臨摹粉本凡  
輞川洪谷北苑南宮華原營邱樹法石骨皴擦  
勾染皆有一二語拈提根極理要觀其隨筆率  
畧處別有一種貴秀逸宕之韻不可掩者且體



婁東派之  
所由開也

寫生一道  
必一一得  
其神趣方  
是工於寫  
生手

備衆家服習所珍昔人最重粉本有以也夫  
吾友唐子匹士與予皆研思山水寫生而匹士  
于蒲塘菡萏游魚萍影尤得神趣此圖成呼予  
游賞因借懸榻上若身在西湖香霧中濯魄冰  
壺遂忘炎暑之灼體也其經營花葉布置根莖  
直以造化爲師非時史碌碌抹紅塗綠者所能  
窺見

石谷撫雲西竹石枯槎靈趣靄然索玩無盡密



林大石相爲賓主。山外平原歸人一徑。位置甚遠。其運筆有唐人之風。覺王晉卿猶傷刻畫。予少時見畫梅沙彌輒畏之。此正時俗謬習。王山人所怪嘆者。今觀撫本如睹。司隸威儀不覺爽然意消也。

風趣自佳

石谷臨大年谿牧圖。下爲平岡。樹單用墨筆作。榦欹曲。葉仰刷。橫作綠絲甚密。下有流水一童卧牛背。在水草間甚幽。上無山巒蘆水。惟作寒



雅二、三點而已。石谷爲余言。宋元千金冊中曾見此本。

觀其崖瀨奔會林麓隱伏寂焉澄懷悄焉動容  
蓋已近跨六如遠追洪谷孤行法外軼宕之致  
盡矣。當鬱岡先生秋堂隱几游于雲谿而王山  
人已隔牖含毫分雲置壑兩公神契默成真足  
鼓舞天倪資其霞舉尙哉斯圖。

觀二瞻仿董源刻意秀潤而筆力小弱江上翁



十洲青綠  
爲有明一  
代之冠趙  
松雪後一  
人而已

秉燭屬石谷潤色石谷以二瞻吾黨風流神契  
欣然勿讓也凡分劈渲澹點置村屋谿樹落想  
輒異真所謂旌旗變色煥若神明使它日二瞻  
見之定爲叫絕也

仇實父因過竹院詩意大青綠設色風華妍雅  
又饒古趣伯駒以後無與爭能者矣王子兼採  
兩家遂足超仇含趙度越流輩

池塘竹院石谷仿劉松年邱壑極雋逸設色兼



青綠必要  
淡中見厚  
方不板滯  
石谷晚年  
頗有作家  
習氣

桃源仙景  
必如此筆  
墨寫之方  
能傳其神  
妙

仇○實○父○澹○雅○而○氣○厚○此○石○谷○青○綠○變○體○也○設○色○  
得○陰○陽○向○背○之○理○惟○吾○友○石○谷○子○可○稱○擅○場○蓋○  
損○益○古○法○參○之○造○化○而○洞○鏡○精○微○三○百○年○來○無○  
是○也○

求○桃○源○如○蜃○樓○海○市○在○飄○渺○有○無○之○閒○又○如○三○  
神○山○反○居○水○底○舟○至○輒○引○去○武○彝○山○中○時○聞○仙○  
樂○繚○繞○巖○巔○異○香○氤○氲○發○于○林○皋○白○雲○冉○冉○下○  
墜○卽○之○不○可○得○見○觀○此○洞○壑○深○杳○古○翠○照○爛○落○



花○繽○紛○烟○霧○杳○然○王○山○人○若○已○造○其○境○故○能○得○  
其○真○宇○宙○美○迹○真○宰○所○祕○乃○不○越○襟○而○能○問○津○  
于○研○席○閒○始○知○劉○子○驥○輩○真○凡○夫○耳○

南○田○籬○下○月○季○較○它○本○稍○肥○花○極○豐○腴○色○丰○態○  
媚○不○欲○使○夫○容○獨○霸○霜○國○予○愛○其○意○能○自○華○擅○  
于○零○秋○戲○爲○留○照○

東○坡○于○月○下○畫○竹○文○湖○州○見○之○大○驚○蓋○得○其○意○  
者○全○乎○天○矣○不○能○復○過○矣○禿○管○戲○拈○一○兩○枝○生○

坡翁畫竹  
全得造化  
之妙宜文  
湖州之傾



倒也

此中微妙  
正索解人  
不得

趣○萬○狀○靈○氣○百○變○

朱○闌○白○雪○夜○香○浮○卽○趙○集○賢○夜○月○梨○花○其○氣○韻○  
在○點○綴○中○工○力○甚○微○不○可○學○古○人○之○妙○在○筆○不○  
到○處○然○但○于○不○到○處○求○之○古○人○之○妙○又○未○必○在○  
是○也○

雲○林○通○乎○南○宮○此○真○寂○寞○之○境○再○著○一○點○便○俗○  
雪○霽○後○寫○得○天○寒○水○落○石○齒○出○轉○以○贈○賞○音○聊○  
志○我○輩○浩○蕩○堅○潔○



天然妙景  
惟南田翁  
墨妙庶足  
傳其神

秋夜烟光山腰如帶幽篁古槎相間谿流激波  
又澹澹之所謂伊人于此盤游渺若雲漢雖欲  
不思鳥得而不思

半壑松風一灘流水白雲度嶺而不散山勢接  
天而未止別有日月問是何世倘能置身其中  
可以逍遙自樂仿彼巢由庶幾周生無北山之  
嘲矣

三五月正滿馮生招我西湖輕舸出斷橋載荷



如此景界  
惟繪圖記  
事方爲合  
格正非詩  
之所能盡  
也

花○香○氣○隨○風○往○來○不○散○倚○棹○中○流○手○弄○澄○明○時○  
月○影○天○光○與○游○船○燈○火○上○下○千○影○同○聚○一○水○而○  
歌○弦○鼓○吹○與○梵○唄○風○簌○之○聲○翕○然○并○作○目○勞○于○  
見○色○耳○疲○于○接○聲○聽○覽○旣○異○煩○襟○澡○雪○真○若○御○  
風○清○冷○之○淵○聞○樂○洞○庭○之○野○不○知○此○身○尚○在○人○  
閒○與○否○馮○生○曰○子○善○吟○顧○子○爲○我○歌○今○夕○余○曰○  
是○非○詩○所○能○盡○也○請○爲○圖○圖○成○景○物○宛○然○無○異○  
同○游○時○南○田○生○曰○斯○圖○也○卽○以○爲○西○湖○夜○泛○詩○



卽此可想  
見南田翁  
胸次瀟洒  
不染塵氛

此中微妙  
真脫盡筆  
墨蹊徑

可也

千頃琅玕三閒草屋  
吾意中所有顧與賞心共  
之

春烟圖似得造化之妙  
初師大年旣落筆覺大  
年胸次殊少此物欲駕而上之爲天地留此雲  
影

昔在虎林得觀馬遠所圖紅梅松枝小幀乃宋  
楊太后題詩以賜戚里其畫松葉多半折離披



讀此令人  
蕭然意遠

有雪後凝寒意韻致生動作家習氣洗然暇日  
偶與半園先生泛舟于邳溝淮水之間因爲說  
此圖先生卽呼奩取扇屬余追倣之意象相近  
而神趣或遠矣先生家有馬公真本當試正所  
不逮

亂竹荒崖深得雲西幽澹之致涉趣無盡  
奇松參天滄洲在望令人冷然神遠  
筍之干霄梅之破凍直塞兩閒孰能錮之



精微之理  
耐人尋味

慧心人自  
能領會之

妙契微茫

藏山于山藏川于川藏天下于天下有大力者  
負之而趨

畫貴深遠天游雲西荒荒數筆近邪遠邪

月落萬山處處皆圓董巨點筆似之

趙大年每以近處見荒遠之色人不能知更兼

之以雲林雲西其荒也遠也人更不能知之

長安報國寺松十數本虬龍萬狀偶憶其一點

以千丈寒泉與松風並奏清音隱几聽之滿堂



天籟。

寫此雲山綿邈。代致相思。筆端絲紛。皆清淚也。  
董巨神氣難摸索處。當如支遁之馬。不知者不  
能賞之。

青青陵上柏。磊磊澗中石。讀之令人超然。世外  
五松圖神氣古澹。筆力不露秀媚。如婦人女子。  
然而骨峙于外。神藏于內。以其藏者如先生。故  
以爲壽。  
壽徐前輩



惟冷元人  
筆能得其  
趣

挂箭射筒通竿無節此圖近之

江樹雲帆忽于窗櫺隙影中見之戲爲點出平  
遠數筆烟波萬狀所謂愈簡愈難

長河曉行得此景迷漫烟霧何必米山

如此荒寒之境不見有筆墨痕令人可思

北郭水亭蓮花滿地坐卧其上極游賞之樂殘

墨頽筆畧爲伸紙遂多逸趣也

竹蕭澹而無華柳向秋而先零何取于是而樂



梅道人人生  
平得力全  
在於此

之南田生曰嗟乎孫子之風遠矣夫其處幽藏  
密寓其深思人蓋不得而窺焉孫子峭于庸衆  
而和于同韻呼柳下以自進也而偃仰塵墟往  
往口吟激歌薇之聲殆將以此爲西嶺而游心  
乎孤竹哉庶幾其有鄰也

梅沙彌有此本筆力雄勁墨氣沉厚董巨風規  
居然猶在此幀仿其大意過邯鄲而匍匐矣  
撫癡翁陡壑密林不爲清潤工整之態意象荒



二米衣鉢  
惟高尙書  
得之真前  
無古人後  
無來者

向見思翁  
小冊一幀

荒古趣洞目所乏高韻耳

高尙書夜山圖真絕去筆墨畦徑得二米之精  
微殆不易學昔元鎮嘗題子久畫云雖不能夢  
見房山特有筆思以癡翁之奇逸猶不爲元鎮  
所許況時流哉

鷗波老人清江釣艇趙千里晴巒聳翠此幀兼  
用其法與賞心者相參證也

思翁善寫寒林最得靈秀勁逸之致自言得之



枯樹六七  
枝各極其  
態山石坡  
陀寥寥數  
筆一種古  
淡天然之  
趣後賢千  
皴萬擦所  
不能到

語皆精鍊  
風調自佳

篆籀飛白妙合神解非時史所知

余所見雲林十餘本最愛唐氏高柯修竹圖爲  
有勁氣此作竹石畧似之樹若再學雲林未免  
邯鄲之笑

瓊樓艷雪絳樹珠衣邢尹聯茵號秦同輦真人  
閒蕩心銷魂殊麗要眇之觀也剪綵未工春風  
不借嫣然在目宜以永日取示賞音同此娛神  
耳



南田翁超  
然塵外品  
詣自高

荒寒之韻  
當細心領  
取

書畫八目卷六  
三  
余在北堂閒居灌花蒔香涉趣幽豔玩樂秋容  
資我吟嘯庶幾自比于滕華道隱之間有萬象  
在旁意對此忘饑可以無悶矣

黃鶴山樵遠宗摩詰近師文敏參以董源故足  
與倪黃方駕

雪圖自摩詰以後惟稱營邱道甯然古勁之氣  
有餘而荒寒之韻不逮矣余此意即撫右丞不  
落宋人規矩



先生畫會  
見一幀古  
淡天然脫  
盡畫家習  
氣

余三十後  
便知筆墨  
自謂差勝  
古人奈資  
質鈍劣又  
遭離亂風  
塵奔走歲  
月如馳今  
年過五十  
迄以無成

伯敬先生畫宗逸品絕似冷元人一派筆致清  
逸有雲西天游之風真能脫落町畦超於象外  
長蘅孟陽微有習氣皆不及也

伯敬自稱晚知居士言晚年方知筆墨而深自  
喜幸故云晚知筆墨精微造化所秘本未易知  
操觚之士終身從事於此而不知其要妙者皆  
是也伯敬蓋得之於詩從荒寒一境悟入所以  
落筆輒有會心今人侈口而談筆墨思伯敬晚



撫膺自問  
仍茫乎未  
有得也畫  
道之難如  
此可慨可  
慨

知○之○旨○能○無○愧○邪○

庾○征○西○不○服○逸○少○有○家○雞○野○鶩○之○誚○吳○道○子○不○  
服○張○僧○繇○攬○其○迹○曰○浪○得○名○耳○已○而○或○歎○以○謂○  
伯○英○再○生○或○坐○卧○其○下○三○日○不○忍○去○始○知○能○不○  
服○人○者○乃○能○深○服○人○者○也○

聚○歛○蔬○品○凡○廿○餘○種○大○都○江○南○村○落○畦○園○閒○物○  
將○欲○訪○雞○蘇○龍○鶴○之○苗○裔○討○諸○葛○元○修○之○姓○氏○  
固○有○所○不○暇○何○況○碧○澥○琅○菜○崑○邱○之○蘋○焉○從○問○



之○雖○然○茲○當○歲○旱○野○無○青○草○誦○蕨○其○海○米○之○詩○  
心○傷○歎○矣○淒○其○漣○如○彼○江○南○村○園○之○閒○徒○有○此○  
色○安○能○飽○此○味○邪○圖○成○玩○繹○殆○忘○人○閒○有○芻○豢○  
之○悅○口○矣○題○以○自○警○并○告○同○志○

於○陵○仲○子○漢○陰○丈○人○抱○甕○灌○園○晦○跡○當○代○於○是○  
有○灌○畦○翁○抱○甕○子○菜○根○居○士○之○儔○轉○相○慕○尚○託○  
於○老○圃○以○自○名○高○風○逸○韻○未○嘗○不○流○傳○人○閒○嘗○  
試○喫○硯○沼○以○爲○雨○露○和○丹○黃○以○爲○風○日○滿○紙○暄○



景極幽秀  
以枯淡之  
筆寫之令  
人愛玩不  
置

畫學心法卷二  
妍如笑如舞覺指腕閒化工非遠正未知含毫  
驟墨便可當操鉏負盎否

戲用巨然墨葉法作青芬圖深於山水者能通  
寫生之意斯言信夫

拳石翠篠畧近元人風致賞音者鑑之

曾見宋人畫冊中有此景秀逸可愛管仲姬輩  
所自出也

仿王孟端雙松小山畧得山樵高逸之致與知



者鑑之。

作畫當師造化。故稱天閑萬馬。

龍山夜泊。篷窓翦燭。得此時同舟諸子。方打馬  
喧呼。無一盼者。

二月春寒。瓦爐烘硯。小冊雜擬宋元諸名家紙。  
新墨滯未盡其趣。然筆先之意。亦不落時人畦  
徑也。與知者鑑之。

惠崇江南春卷。秀潤之筆。臻爲神境。此景能寫。



米氏神妙  
處最難領  
取

魄力恣肆

荒落畫柳即宗其法援琴坐對當使江湖相忘  
米敷文有瀟湘圖雲氣飄渺發人浩蕩奇逸之  
懷余正未能得其神趣  
臨一峯老人小景筆致蕭散浮嵐之一變也  
梅花庵主筆力有巨靈斧劈華嶽之勢非今人  
所能夢見也

王叔明山居圖在毘陵唐孝廉家蒼渾沉古真有董巨遺意



用僧繇沒  
骨法寫大  
年平遠更  
覺神彩生  
動超然塵  
表

子純莊子偶得十洲清溪橫笛圖愛其景物清  
曠恨不置身其閒乃屬鈕子碩孺爲之寫照其  
谿山樹石則命余補圖余亦謂莊子風神清澈  
非斯圖不足以置莊子遂欣然捉筆挹其風流  
殊勝采石江邊乘月謫仙人也

石谷子以僧繇法寫大年平遠彩翠絢翕闢境  
晶靈畫家變體頗得奇狀

人莫不願子弟富貴矣梅花夜月篝火熒熒伊



唔之聲殘更未怠以課其子其子必有成也余  
讀知還勗勉之章期以調羹許以凌雲庶幾不  
虛所願哉因爲作牡丹圖爲他時富貴之兆云  
菊以黃爲尙而紫次之故月令獨稱黃華亦猶  
牡丹之有姚魏也九日不見菊圖此補之  
昔右軍初學衛夫人書不能造微入妙其後見  
李斯曹喜篆蔡邕八分於是楷法爲千古之宗  
張長史觀古鐘鼎科斗篆而草聖不愧右軍父



書畫同一  
關紐

古來畫家  
能集大成  
者惟石谷  
一人宜爲  
諸家心折

子黃涪翁云學書須熟觀魏晉人書會之於心  
自得古人筆法畫理亦然余自交石谷子畫凡  
數變初猶未能飛騫絕迹也後盤游江南北諸  
收藏家一時名迹觀覽無遺而其學大進自五  
代南北宋以至元明諸家筆法從古相爲柄鑿  
無能會合者至石谷乃悉羅而致之毫端如握  
大將兵符驅使材官羽騎飲飛之士奔走恐後  
從此縱橫肆恣左宜右有又如蛟龍之乘風雲



觀此知石  
田翁筆墨  
未脫粗豪  
習氣

而○上○天○而○變○化○遂○不○可○測○矣○

范華原小幀人閒僅存妙跡昔在婁東今歸秦  
興縱廣不過數寸耳而囊括巖壑有千里之勢  
曾見石田翁拓爲大幀盈丈蔚然可觀盡其勢  
幾不容於縑素但過雄勁似有縱橫餘習未若  
王郎撫本爲冲和自在也

曾見文湖州寒林竹石卷宋思陵題曰暮靄橫  
看黃山谷大書於後而王叔明作脩竹遠山亦



畫至脫化  
諧格方能  
縱筆所至  
自得天趣  
有超乎筆  
墨之外者  
不可拘蹊  
徑求也

稱湖州此卷筆力不在郭熙之下石谷嘗言三  
十年前見之至今猶往來於懷因用其法畫寒  
林筆致軒軒健舉而水石布置兼用李唐益石  
谷能鼓舞天機游於象外前人蹊轍不足以限  
之故動與神會若有一物膺礙不能至矣嗟乎  
豈獨繪事然哉黃癡翁爲勝國諸賢之冠後惟  
啟南得其雄渾劉完庵董文敏得其秀逸先香  
山鄒臣虎亦各得癡翁之一體餘子碌碌大都



畫虎刻鵠而癡翁墨精汨於塵滓矣。婁東王奉  
常。闡發前規。倡導來學。虞山王子。接迹而起。洞  
貫秘途。使一峯老人。重開生面。真墨林之勝事  
也。

惜竹不除。當路筍。愛松留得。礙人枝。余最愛此  
二語。石谷此圖。畫石壁倒拔。松勢突兀。垂枝拂  
地。似與二語合也。

青綠設色。至趙吳興而一變。洗宋人刻畫之迹。



青綠設色  
至趙文敏  
眞空前絕  
後雖大年  
伯駒亦不  
能不稍遜  
一籌

運○以○沉○深○出○之○妍○雅○穠○麗○得○中○靈○氣○洞○目○所○謂○  
絢○爛○之○極○仍○歸○自○然○眞○後○學○無○言○之○師○也○石○谷○  
子○廿○年○靜○悟○始○於○秘○妙○處○爽○然○心○開○獨○契○神○會○  
觀○其○渲○染○直○欲○令○古○人○歌○笑○出○地○三○百○年○來○所○  
未○有○也○此○卷○全○宗○趙○法○蓋○趙○已○兼○衆○美○擬○議○神○  
明○不○能○舍○趙○而○他○之○矣○

黃○山○谷○觀○湖○州○晚○靄○橫○看○卷○言○瀟○灑○大○似○摩○詰○  
工○夫○不○減○關○全○余○曾○與○石○谷○見○湖○州○小○幀○寫○竹○



青綠設色  
於淺淡中  
更能饒穠  
厚之致惟  
趙吳興獨  
擅勝場

畫學心法卷六  
石數筆極超與山谷所云畧不相似

青綠重色爲穠厚易爲淺淡難爲淺澹矣而愈見穠厚爲尤難維趙吳興洗脫宋人刻畫之迹運以虛和出之妍雅穠纖得中靈氣恂恍愈淺淡愈見穠厚所謂絢爛之極仍歸自然畫法之一變也石谷子研求廿餘年每從風雨晦明萬象出沒之際爽然神解深入古人三昧此百年來所未有也



兩家宗旨  
不同而各  
極其妙

董文敏云畫欲暗不欲明石谷云畫有明暗如  
鳥雙翼不可偏廢明暗兼到神氣乃生兩家宗  
旨不同能互相發明否敢質之奉常先生

元時惟房山鷗波居四家之右而趙吳興每遇  
房山輒題作勝語若讓服不置者近代賞鑒家  
或不爲然此繇未見房山真跡耳董文敏得尙  
書大姚邨圖觀其筆力驚絕果非子久山樵所  
能夢見石谷王子亦稱夜山圖雲烟變滅神氣



高尙書筆  
墨神化概  
可想見

生動得從尺幅想其風規漱其芳潤猶可以陶  
鑄羣賢超乘而上

石谷嘗自言學子久畫得力於婁東二王先生  
先生數十年游娛繪墨其一點一拂皆從癡翁  
神韻中來如探泉源斟酌不窮石谷與兩先生  
講正最久擬議神明故有得意忘言之妙洗發  
靈趣洞貫秘塗與先生賞心娛樂不足爲外人  
道也



此中微妙  
豈鈍根人  
所能領會

秋山岑然。收潦水清。令人神氣欲歛。覺慘澹經  
營。都無是處。

迂翁之妙。會在不似處。其不似。正是潛移造化。  
而與天游。此神駿滅沒處也。近人只在求似。愈  
似。所以愈離。可與言此者鮮矣。

草草游行。頗得自在。因念今時六法。未必如人。  
而意則南田不讓也。

竈突不烟。時燒樹根。向窓櫺微陽。借筆遣興。昔



天真藹淡  
是雲林一  
生得力處

人云饑時展看還能飽人又不知寒時展看還  
能代綈袍否

殘葉亂泉境極荒遠

純是天眞非擬議可到乃爲逸品當其馳毫點  
墨曲折生趣百變千古不能加即萬壑千崖窮  
工極妍有所不屑此正倪迂所謂寫胸中逸氣  
也徐子有曠覽人外之致王山人因以此幀聊  
供卧游筆墨神契遺象忘言當自得之



有超然塵  
外之致

王黃鶴爲顧阿瑛寫玉山草堂不爲崇山疊嶺  
沉厚鬱密惟作松杉篁篠淺沙迴瀨禽雀飛翔  
別有一種風趣

秋山草堂點景賦色精工而妍雅與丹臺夏山  
諸本筆墨小異其取境最近而思致極遠

曲終人不見化作彩雲飛非筆墨之所可求也  
趙大年柳鴉蘆雁宋徽廟亦有此本在孫給諫  
家家香山曾擬之



書屋小口卷六  
三  
茂林下坐○蒼茫之間○殊有所思也○

雲霧中一峯折下○直至江岸○烟浦危檣隱隱○真  
所謂能工遠勢者○

紫栗一尋○青芙萬朶○二語作畫最勝○

雲樹爲山之衣裳○雲樹不秀潔○則山光垢○  
童山同讀其詩○悠然想見種豆南山○氣象雖欲  
不代爲樂○不可得○但落筆處○則吾意不能如筆  
何矣○



冷元人一派  
往往同此蹊徑

作畫先要  
講求骨格

吳都賦云。苞筍抽節。往往縈結。綠葉翠莖。冒霜  
停雪。櫛蠹森萃。莠茸蕭瑟。檀欒蟬蛸。玉潤碧鮮。  
梢雲無以逾。嶰谷弗能連。鸞鴛食其實。鵲雛擾  
其閒。玩此藻麗。形容竹趣。窮妍盡美。即文湖州  
之圖。偃竹。吳仲圭之畫。直幹不能過矣。  
幽澗寒松。丹邱生與句曲外史合作。筆趣不凡。  
得荒寒之致。  
筆筆有天際。真人想一絲塵垢。便無下筆處。古



功夫到神  
化時自超  
乎骨格之  
外如天馬  
行空不可  
控勒也  
非意在筆  
先神遊象  
外者不足  
與參斯旨

人筆法淵源其最不同處最多相合李北海云  
似我者病正以不同處求同不似處求似同與  
似者皆病也

香山翁曰須知千樹萬樹無一筆是樹千山萬  
山無一筆是山千筆萬筆無一筆是筆有處恰  
是無無處恰是有所以爲逸

氣韻自然虛實相生此董巨神髓也知其解者  
旦暮遇之



石田翁人  
品之高於  
此圖概可  
想見

昔唐解元贈石田翁小卷作水村平遠深柳漁  
梁菰蒲曲岸竹樹最深處柴門臨溪彷彿有詠  
歌絃琴之聲出於草堂烟翠間與時禽水鳥相  
爲應和益寫白石翁高逸處也其畫柳師趙大  
年坡石骨法宗李晞古筆墨之外有高逸神韻  
石谷子曾倣此意爲簞在辛御史作長卷余爲  
題詠甚暢此卷微有異同皆生平合作鑒者珍  
之



樹石能脫  
去形迹自  
臻神化

畫梅寫照  
須如此筆  
墨

向見耕煙  
傲米老巨  
幘氣勢雄

方方壺畫樹石全不似樹畧得其景象耳畫石  
亦然然余猶拘於形似未能盡忘法度也見者  
以爲何如  
逃禪老人畫梅脫盡甜熟畦徑霜枝鐵幹玉面  
鼠鬚寄情寂寞之濱高蛻風塵之表正非凡筆  
所能擬議

米襄陽墨戲一正千古畫家謬習觀其高自標  
置謂無一點吳生習氣益唐人畫法至宋乃暢



遠變化離  
奇以北苑  
爲骨故非  
諸家所能  
及

石谷深得  
巨然神趣

南田翁設  
色之妙在  
三趙規格  
之外

米家父子又一變耳石谷子深得墨戲三昧故  
於米家雲山煥若神明洗盡時人畦徑  
巨公神氣沈鬱蒼然有太古之風時史倣學未  
易涉其涯涘吾友石谷子殆藝游而至者乎觀  
此圖蓋無前後之殊矣  
設色淡冶氣韻沈深樓閣不爲界畫益饒古趣  
兼伯駒鷗波之勝極人間奇麗之觀余因製仙  
山圖曲贊嘆希有



用筆用墨  
石谷可稱  
登峰造極

此中神理  
今古同情

烏目山人倣北苑萬山烟靄巒壑鬱密林木深  
杳有雲迷霧合猿啼豹嘯之致其行筆鬱勃鋒  
勢墨光淋漓一片化工靈氣無迹象可尋米南  
宮腕有羲之鬼石谷能起董源於指下昔人云  
恨我不見古人又恨古人不見我視天下畫家  
者流何啻相去萬里  
元人有雲西貞居皆工竹石與雲林爲冠冕此  
景略似雲西不能爲迂翁也



畫家須萃  
諸家之長  
方能造微  
入妙

學古人須  
得古人之

淡園婁中韻士能賦詩善書尤精於繪事游履  
所至輒濡筆爲圖清潤秀拔名流莫不推挹石  
谷子尤絕賞之因寫此爲贈昔黃鶴山樵有修  
竹遠山徐幼文有谿山琴趣皆稱逸品是卷兼  
撮兩家之勝天機飛舞一點一拂都是化工靈  
氣使人玩索不窮澹園得此所詣必進而益上  
行且爲之詠鄭虔三絕矣

東園生日學晞古似晞古而晞古不必傳學晞



神徒泥形迹者終爲門外僞夫

前代畫家學李晞古者以唐子畏爲第一

畫柳之妙最難領取

古不必似晞古而真晞古乃傳也虎頭三毫益其所無神傳之謂乎石谷此圖神明於法度殆如光弼將子儀軍旌旗變色使六如先生而在正當發猶龍之慨今天下之爲晞古者其知愧夫

畫柳得勢然昔人猶憂憂難之宋元諸家尤多變體不相蹈襲而畫法屢變益奇可謂極妍盡態矣惠崇大年時出新意此圖倣之



思翁畫寒  
林最擅勝  
場卽從營  
邱河陽風  
韻中得來

皴染不到處。雖古人至此束手矣。

一峯老人爲勝國諸賢之冠。後惟沈啟南得其  
蒼渾。董雲閒得其秀潤。時俗搖筆輒引癡翁大  
諦刻鵠之類。癡翁墨精汨于塵滓久矣。願借秋  
山圖一是正之。

董文敏云。唐以前無寒林。自李營邱郭河陽始  
盡其法。雖虬枝鹿角。槎枿紛拏。而挈裘振領。條  
理具在。



畫境如此  
無美不臻

寫生家於  
此等處最

有筆有墨謂之畫有韻有趣謂之筆墨瀟灑風  
流謂之韻盡變窮奇謂之趣

蕙叢初齊芍藥將放忘憂度隙坐靜嘯東軒偶  
得此冊洗滌硯塵抽毫解衣運思游娛成十二  
幀聊寫我胸中蕭寥不平之氣攬者當於象外  
賞之勿使牙微絕絃也

虞美人此卉之極麗者其花有光有態有韻綽  
約便娟因風拂舞乍低乍揚若語若笑予見作



難摹其神  
韻南田翁  
能於形似  
之外得之  
真絕詣也

者能工矣。輒不能似似矣。輒不能佳。蓋色光態  
韻在形似之外。故得之者鮮也。此種妍色。余甚  
畏之。携至吳門山齋。新涼快人。始爲拈筆。未識  
於色光態韻畧有得否。

山莊早春。昔惠崇郭熙皆有早春圖。稱爲人間  
名迹。烏目山人此卷。雖宗輞川畧兼惠崇遺法。  
嵐容樹色。雲影川光。一點一拂。皆帶早春風氣。  
至於設色之巧。極爲淺淡。愈淺淡而愈見沈深。



設色神化  
生趣百出  
功夫至此  
登峰造極

見其沈深而不知以空靈澹蕩出之也若用色  
渲染一入穠厚則非早春景色惟澹極而沈深  
蓋能運其神氣於人所不見之地其經營苦心  
至此無餘憾矣

松風嵐翠設色古淡不爲濃麗而氣韻自足此  
趙吳興神境也

石腳平橋秋林紅葉離披有致一徑穿林而上  
古岸相接遠樹迷離鎖斷烟村畧得遠勢荻蘆



如此畫境  
最不易到

平灘泊一漁舟。愈見閒冷。

設色最沖淡而沈深。浮氣盡歛。不爲絢爛。此成風妙手。非時史所知。

曉山欲雨。李營邱學右丞一格。與他本迥別。石谷此景。於象外會其神趣。真古人之再見也。

松壑聽泉。石谷學李晞古法。晞古闢境靈險。發筆得峭爽勁逸之氣。時俗學倣大都畫肉遺骨。使驂騑氣盡。願借斯圖。一是正之。



記秋山圖始末

董文敏嘗稱生平所見黃一峯墨妙在人間者  
惟潤州修羽張氏所藏秋山圖爲第一非浮嵐  
夏山諸圖堪爲伯仲間以語婁東王奉常烟客  
謂君研精繪事以癡老爲宗然不可不見秋山  
圖也奉嘗懼然向宗伯乞書爲介并載幣以行  
抵潤州先以書幣往比至門闐然雖廣廈深閒  
而廳事惟塵土雞鶩糞草幾滿側足趨趨奉常



讀此癡翁  
秋山圖之  
神妙已可  
想見

大詫心語是豈藏一峯名迹家邪已聞主人重  
門啟鑰僮僕掃除肅衣冠揖奉常張樂治具備  
賓主之禮乃出一峯秋山圖眎奉常一展視間  
駭心洞目其圖乃用青綠設色寫叢林紅葉翕  
赧如火研硃點之甚奇麗上起正峯純是翠黛  
用房山橫點積成白雲籠其下雲以粉汁澹之  
彩翠爛然村墟籬落平沙叢雜小橋相映帶邱  
壑靈奇筆墨渾厚賦色麗而神古視向所見諸



奉常翁愛  
畫深情形  
容盡致

名本皆在下風始信宗伯絕嘆非過奉常旣見  
此圖觀樂忘聲當食忘味神色無主明日停舟  
使客說主人願以金幣相易惟所欲主人啞然  
笑曰吾所愛豈可得哉不獲已而耽耽若是其  
惟慙假携行李往都下歸時見還時奉常氣甚  
豪謂終當有之竟謝去於是奉常已抵京師亡  
何出使南還道京口重過其家閹人拒勿納矣  
問主人對以他往固請前圖一過目使三反不



奉常好古  
如此宜其  
筆墨之超  
絕當代也

可重門扃鑰糞草積地如故奉常徘徊淹久而  
去奉常公事畢晝夜念此圖乃復詣董宗伯定  
畫宗伯云微獨斯圖之爲美也如石田雨夜止  
宿及自壽圖真續苑奇觀當再見之於是復作  
札與奉常乃走使持書裝橐金尅期而遣之誠  
之曰不得畫毋歸見我使往奉書爲款曲乞圖  
語峻勿就必欲得者持雨夜止宿自壽圖去使  
逡巡歸報奉常知終不可致歎悵而已



中心藏之  
何日忘之  
奉常好古  
情深令人

虞山石谷王郎者與王奉常稱筆墨交奉常諮  
論古今名跡王郎爲述沙磧富春諸圖云云奉  
常勿愛也呼石谷君知秋山圖邪因爲備述此  
圖蓋奉常當時寓目閒如鑑洞形毛髮不隔聞  
所說恍如懸一圖于人目前其時董宗伯棄世  
久藏圖之家已更三世奉常亦閱滄桑且五十  
年未知此圖存否何如與王郎相對嘆息已石  
谷將之維揚奉常云能一訪秋山否以手札屬



傾倒

好事家往  
往有此豪  
舉

石谷石谷携書往來吳閶間對客言之客索書  
觀奉常語奇之立袖書言於貴戚王長安氏王  
氏果欲得之並命客渡江物色之於是張之孫  
某悉取所藏彝鼎法書并持一峯秋山圖來王  
氏大悅延置上座出家姬合樂享之盡獲張氏  
彝鼎法書以千金爲壽一時羣稱秋山妙跡已  
歸王氏王氏挾圖趨金閶遣使招婁東二王公  
來會時石谷先至便詣貴戚揖未畢大笑樂曰



聽聲隨影  
大都如此

情景逼真

秋○山○圖○已○在○橐○中○立○呼○侍○史○於○座○取○圖○觀○之○展○  
未○半○貴○戚○與○諸○食○客○皆○覘○視○石○谷○辭○色○謂○當○狂○  
叫○驚○絕○比○圖○窮○惝○恍○若○有○所○未○快○貴○戚○心○動○指○  
圖○謂○石○谷○曰○得○毋○有○疑○石○谷○唯○唯○曰○信○神○物○何○  
疑○須○臾○傳○王○奉○常○來○奉○常○舟○中○先○呼○石○谷○與○語○  
驚○問○王○氏○已○得○秋○山○乎○石○谷○詫○曰○未○也○奉○常○曰○  
賁○邪○曰○是○亦○一○峯○也○曰○得○矣○何○詫○爲○曰○昔○者○先○  
生○所○說○歷○歷○不○忘○今○否○否○焉○覩○所○謂○秋○山○哉○雖○



文筆夷猶  
宕漾令人  
一讀一擊  
節

然願先生勿遽語王氏以所疑也。奉常旣見貴戚展圖奉常辭色一如王郎氣索彊爲嘆羨貴戚愈益疑。又頃王元照郡伯亦至大呼秋山圖來披指靈妙纚纚不絕口戲謂王氏非厚福不能得奇寶。於是王氏釋然安之。嗟夫奉常曩所觀者豈夢邪神物變化邪抑尙埋藏邪或有龜玉之毀邪其家無他本人間無流傳天下事顛錯不可知以爲昔奉常捐千金而不得今貴戚



好事家藏  
弄名蹟比  
比皆是豈  
獨一王氏  
哉

一彈指而取之可怪已豈知既得之而復有淆  
訛舛誤而王氏諸人至今不寤不亦更可怪邪  
王郎爲予述此且訂異日同訪秋山真本或當  
有如蕭翼之遇辨才者南田壽平燈下書與王  
山人發笑




畫學心印卷六

男鳳墀  
姪鳳璪  
全校










































ND  
1042  
.C6  
1871  
0.7

畫學心印

卷七

梁溪

秦祖永

評輯

雨窓漫筆

王原祁

六法古人論之詳矣。但恐後學拘局成見。未發心裁。疑義意揣。翻成邪僻。今將經營位置。筆墨設色大意。就先奉常所傳。及愚見言之。以識甘苦。後有所得。當隨筆錄出。

明末畫中有習氣惡派。以浙派爲最。至吳門雲



作畫能臻  
此境界真  
可解衣磅  
礴與古人  
有掉臂游  
行之樂

閒大家如文沈宗匠如董贗本溷淆以訛傳訛  
竟成流弊廣陵白下其惡習與浙派無異有志  
筆墨者切須戒之

意在筆先爲畫中要訣作畫於搦管時須要安  
閒恬適掃盡俗腸默對素幅凝神靜氣看高下  
審左右幅內幅外來路去路胸有成竹然後濡  
毫吮墨先定氣勢次分閒架次布疎密次別濃  
淡轉換敲擊東呼西應自然水到渠成天然湊



利名心最  
爲筆墨之  
累學者切  
須戒之

龍脈開合  
起伏乃作

泊其爲淋漓盡致無疑矣。若毫無定見。利名心  
急。惟取悅人。布立樹石。逐塊堆砌。扭捏滿幅。意  
味索然。便爲俗筆。今人不知畫理。但取形似。筆  
肥墨濃者。謂之渾厚。筆瘦墨淡者。謂之高逸。色  
豔筆嫩者。謂之明秀。而抑知皆非也。總之古人  
位置緊而筆墨鬆。今人位置懈而筆墨結。於此  
留心。則甜邪俗賴不去而自去矣。

畫中龍脈開合起伏古法雖備。未經標出。石谷



畫大綱領  
拈出體用  
二字尤爲  
扼要

龍脈有一  
定氣勢其  
章法天然  
不妨隨手  
布置者斯  
畫之體也  
其境界互  
異必須量  
爲變通者  
斯畫之用  
也

闡明後學知所矜式。然愚意以爲不參體用二字。學者終無入手處。龍脈爲畫中氣勢源頭。有斜有正。有渾有碎。有斷有續。有隱有現。謂之體也。開合從高至下。賓主厯然。有時結聚。有時澹蕩。峯圓路轉。雲合水分。俱從此出。起伏由近及遠。向背分明。有時高聳。有時平修。欹側照應。山頭山腹。山足銖兩悉稱者。謂之用也。若知有龍脈而不辨開合起伏。必至拘索失勢。知有開合。



龍脈開合  
起伏真呼  
吸相通必  
要照顧以  
下再層層  
推究其弊  
俾知龍脈  
開合起伏  
之自有體  
用也學者  
其知所從  
事哉

起伏而不本龍脈是謂之顧子失母故強扭龍  
脈則生病開合偏塞淺露則生病起伏呆重漏  
缺則生病且通幅有開合分股中亦有開合通  
幅有起伏分股中亦有起伏尤妙在過接應帶  
閒制其有餘補其不足使龍之邪正渾碎隱現  
斷續活潑潑地於其中方爲真畫如能從此參  
透則小塊積成大塊焉有不臻妙境者乎  
作畫但須顧氣勢輪廓不必求好景亦不必拘



學者能如  
此探討何  
患不到古  
入神明地  
位

舊稿若於開合起伏得法輪廓氣勢已合則脈  
絡頓挫轉折處天然妙景自出悟合古法矣畫  
樹亦有章法成林亦然

臨畫不如看畫遇古人真本向上研求視其定  
意若何結構若何出入若何偏正若何安放若  
何用筆若何積墨若何必於我有出一頭地處  
久之自與脗合矣

古人南宋北宋各分眷屬然一家眷屬內有各



元四家皆  
宗董巨能  
參透其得  
力異同處  
自然跳出  
窠臼

用龍脈處有各用開合起伏處是其氣味得力  
關頭也不可不細心揣摩如董巨全體渾淪元  
氣磅礴令人莫可端倪元季四家俱私淑之山  
樵用龍脈多蜿蜒之致仲圭以直筆出之各有  
分合須探索其配搭處子久則不脫不粘用而  
不用不用而用與兩家較有別致雲林纖塵不  
染平易中有矜貴簡畧中有精彩又在章法筆  
法之外爲四家第一逸品先奉常最得力倪黃



如此方純  
任自然非  
天分人功  
俱臻絕頂  
者不能  
此境界有

會深言源委謹識之爲鑒賞之助

用筆忌滑忌輒忌硬忌重而滯忌率而溷忌明  
淨而膩忌叢雜而亂又不可有意著好筆有意  
去累筆從容不迫由淡入濃磊落者存之甜俗  
者刪之纖弱者足之板重者破之又須於下筆  
時在著意不著意閒則觚稜轉折自不爲筆使  
用墨用筆相爲表裏五墨之法非有二義要之  
氣韻生動端在是也



畫能以氣  
運色自然  
渾化無痕

設色即用筆墨用意所以補筆墨之不足顯筆  
墨之妙處今人不解此意色自爲色筆墨自爲  
筆墨不合山水之勢不入絹素之骨惟見紅綠  
火氣可憎可厭而已惟不重取色專重取氣於  
陰陽向背處逐漸醒出則色由氣發不浮不滯  
自然成文非可以躁心從事也至於陰陽顯晦  
朝光暮靄巒容樹色更須於平時留心澹妝濃  
抹觸處相宜是在心得非成法之可定矣



只此數語  
是南宗真  
實力量

學問無窮  
惟虛心乃  
能集益

乙亥春得  
司農傲化

作畫以理氣趣兼到爲重非是三者不入精妙  
神逸之品故必於平中求奇綿裏裹鐵虛實相  
生古來作家相見彼此合法稍無言外意便云  
有僮夫氣學者如已入門務求竿頭日進必於  
行閒墨裏能人之所不能不能人之所能方具  
宋元三昧不可稍自足也

余從大癡入門漸有進步欲竟其學公餘輒究  
心董巨此得本莫愁末之意也先定體勢後加



苑中幅景  
極綿密氣  
極雄厚有  
俛視一切  
之概正畫  
境入妙時  
也

好奇務新  
乃詩之病

點染俱要以氣行乎其閒如風行水上自然成  
文用筆運墨之閒豈可以強而致躁而得邪王  
培有佳紙藏弄數年出以索畫余亦經營經歲  
垂成而忽歸司民縑素輾轉各有所屬不可不  
紀其始末  
題做董北苑  
王培贈司民  
西嶺春雲余聞粵西多山少水拔地插天與此  
迴別及於此者寒山流水另有一番登臨氣象  
矣大癡得董巨三昧平淡天真不尙奇峭意在



作畫亦然  
癡翁筆墨  
不尚奇峭  
斯爲正派  
大家

觀古人真  
蹟能洗發  
其義蘊方  
能同鼻孔  
出氣

富春烏目閒吟樵奉

命遠行出守大郡囑

余倣此置行篋中攬峯巖之獨秀思湖山之佳

麗兩者均有得也特慚筆墨癡鈍不足爲燕寢

凝香之用耳

倣黃子久筆  
爲張南蔭作

余見子久大幅一爲浮巒暖翠一爲夏山圖筆

墨位置盡發其蘊余向欲採取二軸運以體裁

彙成結構以腕弱思淺動而輒止未能與之鏖

戰也憲臣先生與予同事數年悃悃無華氣誼



敦洽予之知音也。向以此見委，怯于作大幃，遲  
回久之，邇來功力稍進，不敢匿醜，經營慘淡者  
一載餘矣。今奉命爲粵東之行，迫促難辭，  
十日一山，五日一水，何以副好友之意乎？急作  
此圖歸之行篋中，以供清玩。予老來樂而不倦，  
南華羊城多奇山，先生歸述所見，予將爲先生  
再索枯腸，千巖萬壑，別開生面，藝苑中亦一美  
談也。書之以爲後訂。  
題倣大癡巨幅  
爲李憲臣作



司農此論  
發前人所未發  
學者會而通之

元季四家俱宗北宋以大癡之筆用山樵之格  
便是荆關遺意也隨機而趣生法無一定邱壑  
烟雲惟見渾厚磅礴之氣北苑夏景山口待渡  
圖用淺絳色而墨妙愈顯剛健婀娜隱躍行間  
墨裏不謂六法中道統相傳不可移易如此若  
以臆見窺測便去千萬里爲門外僮夫不獨逕  
庭而已明吉以小卷問畫余爲寫荆關秋色并  
以源流告之并囑質之識者以余言爲不謬耶



烟巒秋爽傲荆  
關金明吉求

作畫能研  
求古人用  
心處自得  
三昧

世人論畫以筆墨而用筆用墨必須辨其次第  
審其純駁從氣勢而定位置從位置而加皴染  
畧一任意便疥癩滿紙矣每於梅道人有墨猪  
之誚精深流逸之致茫然不解何以得古人用  
心處余急於此指出得其三昧即得北宋之三  
昧也傲梅道人  
筆司民求  
米家畫法品格最高得其衣鉢惟高尙書有大



南宮墨戲  
真得造化  
生氣非循  
行數墨者  
所能窺其  
微妙也

乘氣象元人中如方方壺郭天錫皆具體而微者也庚寅春莫夏初余在暢春入直晨光晚色諸峰隱現出沒有平淡天真之妙方信南宮遺墨得此中真髓揣摩成圖可以忘倦可以忘老諸方評論云可與北苑頡頏雖大癡山樵猶遜一格不虛也倣小米筆爲司民作清光咫尺五雲閒刻意臨摹且閉關漫學癡翁求粉本富春依舊有青山大癡畫至富春長卷



拘成法以  
求古人得  
其形終不  
能得其神

筆墨可謂化工學之者須以神遇不以迹求若  
於位置皴染研求成法縱與子久形模相似落  
落從上諸大家不若是之拘也此圖成後偶有  
會心處向上拈出平淡天真之妙可深參而得  
之倣黃子久爲  
宗室柳泉作  
要做元筆須透宋法宋人之法一分不透則元  
筆之趣一分不出毫釐千里之辨在此子久三  
昧也益翁文章政事之餘旁及藝事筆墨一道



亦從家學得之相值都門論心深爲契合今將

製錦南行矣寫此奉贈

題做大癡筆爲  
毘陵唐益之作

大癡愛佳山水至虞山見其頗似富春遂僑寓

二十年湖橋酒餅至今猶傳勝事吾谷楓林爲

秋山之勝癡翁一生筆墨最得意處所謂峯巒

渾厚草木華滋於此可見古人之匠心矣余侍

直辦公之暇偶作此圖有客從虞山來遂以持

贈質之具眼有少分相合否

做大癡  
秋山

思翁云以  
畫法論大  
癡非癡豈  
精進頭陀  
而以釋巨  
然爲師者



耶

新安形勝地也。余前至秦中。驅車過洛陽。渡伊洛。四圍山色。峻嶒巨石。俯瞰河流。曲折迤邐。數里方知。大癡浮巒。暖翠天池。石壁二圖之妙。過此而新安至矣。今長黃官於茲土。與崔峒寒山流水之句。恰相符合。可不作此爲賀乎。此行身在畫圖中。而又領畧詩意。古稱花縣何以過之。發軔可以卜報最也。請以拙筆爲左券。做大癡爲錢長黃之任新安作



畫至元人  
真洩盡天  
地之秘毫  
髮無遺憾

其妙正在  
可解不可  
解處學者  
當深體之

畫法莫備於宋至元人摻挾其義蘊洗發其精  
神實處轉鬆奇中有淡而真趣乃出四家各有  
真髓其中逸致橫生天機透露大癡尤精進頭  
陀也余弱冠時得先大父指授方明董巨正宗  
法派於子久爲專師今五十年矣凡用筆之抑  
揚頓挫用墨之濃淡枯溼可解不可解處有難  
以言傳者余年來漸覺有會心處悉於此卷發  
之藝雖不工而苦心一番甘苦自知謂我似古



人我不敢信。謂我不似古人。我亦不敢信也。究  
心斯道者。或不以余言爲河漢耳。倣大癡長卷  
爲鄭年上作  
筆墨一道。同乎性情。非高曠中有真摯。則性情  
終不出也。余與子希先生論交垂三十年。回思  
渚陽襄國時。政事之暇。較藝論文。流連無虛日。  
年來又同官於京。過從爲更密矣。先生出守漢  
陽。以畫屬余。蹉跎年久。終未踐約。猶幸筋力未  
衰。可以應知己之命。庚寅秋日。久雨初晴。辦公



此即郭氏  
所謂必注  
精以一之  
也

華源云師  
古人不若  
師造化所  
由名高宋

稍暇健戶息機吮筆揮毫者數日方成此圖雖  
未敢與作家相見而解衣礪礪以研求之思發  
蒼莽之筆閒亦有得力處也因風郵寄以誌遠  
懷

做大癡為漢陽  
郡守郝子希作

余憶戊寅冬從豫章歸溪山迴抱村墟厯落頗  
似梅道人筆刻意摹倣未能夢見十餘年來心  
神閒有合處方信古人得力以天地為師也雪  
巢大弟就幕閩中此行為道所必經奚囊中試



代與關李  
齊驅

設色能取  
氣自然墨  
與色融和  
神彩煥發  
即工夫到  
家處

攜此圖渡錢塘江。過江郎山。踰仙霞嶺。時一展

觀。亦有一二脗合處否。

倣梅道人  
為雪巢作

畫中設色之法。與用墨無異。全論火候。不在取  
色。而在取氣。故墨中有色。色中有墨。古人眼光  
直透紙背。大約在此。今人但取傳彩悅目。不問  
節腠。不入竅要。宜其浮而不實也。余作此圖。偶  
有所感。遂弁數語於首。倣大  
癡

畫中雪景。唐以前但取形似而已。氣韻生動。自



會見司農  
雪景小幅  
筆墨神逸  
氣象荒寒  
畫法雖未  
到家深得  
右丞氣運  
生動之趣

摩詰開之至宋李營邱畫法大備雪景之能事  
畢矣大癡不取刻畫平淡天真別開生面此又  
一變格也余於雪景未經攻苦諸家雖曾探索  
終未夢見此圖應樸園先生之命客冬至秋經  
營礚礚乘興渲染冀得匠心之作而手與心違  
即於子久專師以宋法未合觚稜轉折處每爲  
筆使何以得其三昧乎質之識者幸有以教我  
倣大癡九峯雪霽  
爲張樸園先生作



南原篆學  
惜余未見  
隸古魄力  
沈雄體備  
眾法有隸  
辨一書行  
世爲臨池  
家所推重

余與南原年道兄。訂交已十年矣。南兄詩文士  
林推重。余一見心折。閒一出餘技。點染山水。與  
倪黃心傳。若合符節。其天姿筆力。迥異尋常畫  
史也。篆學不輕示人。近余始得三四石刻。渾脫  
流麗。精嚴高古。無美不備。遠宗文三橋。近師顧  
雲美。更有出藍之妙。猶憶甲寅秋。步月虎邱。與  
雲美相遇。談心甚洽。囑留塔影園。一日以二章  
易余便面。寶惜者三十餘年。正慮其漫漶失真。



畫貴有士氣  
即謂其有書卷氣  
也無論工緻與寫意  
總要脫盡作家習氣  
乃爲盡致

不可不記也

倣大癡爲  
顧天山作

得南兄重開生面。方信知過於師矣。南原酷嗜  
余筆。因追昔年佳話。促余作此圖。即用新章。亦  
畫法與詩文相通。必有書卷氣。而後可以言畫。  
右丞詩中有畫。畫中有詩。唐宋以來。悉宗之。若  
不知其源流。則與販夫牧豎何異也。其中可以  
通性情。釋憂鬱。畫者不自知。觀畫者得從而知  
之。非巨眼卓識。不能會及此矣。毅庵博學好古。



前年有友人携示司農倣倪黃橫冊一頁氣味靜逸簡淡天真爲司農僅見之作

於拙筆有癖嗜。余不敢自任而不能却其請爲倣大癡筆意。其中妍媸知者自能辨之。倣設色大癡爲賈穀庵作。

壬辰春正望後燈事方闌。料峭愈烈。銜盃呵凍。放筆作此圖。似有荆關筆意。而風趣用元人本色。此倪黃窠臼未能純熟脫化也。傳以淺色恐益增其累耳。倣設色倪黃。

古人用筆意在筆先。然妙處在藏鋒。不露元之。



四○家○化○渾○厚○為○瀟○灑○變○剛○勁○為○和○柔○正○藏○鋒○之○  
意○也○子○久○尤○得○其○要○可○及○可○到○處○正○不○可○及○不○  
可○到○處○箇○中○三○昧○在○深○參○而○自○會○之○  
題倣大癡筆已丑年

一月十一日

歸繆文子

向見司農  
巨冊十二  
幀倣宋元  
各家墨氣  
濃厚筆力  
雄健晚年

雖○一○藝○而○氣○合○書○卷○道○通○心○性○非○深○於○契○合○  
不○輕○以○此○為○酬○酢○也○宋○元○諸○家○俱○有○源○委○其○  
投○贈○無○不○寄○託○深○遠○倣○其○意○者○曠○然○有○遐○思○  
而○後○可○以○從○事○南○湖○先○生○與○余○同○直○  
暢○春○



之作惟略  
有霸悍之  
氣爲鑒賞  
家所不取

積有歲月。著作承明。揚乾風雅。先生之所以自  
得。與余之所以受教於先生者。久欲傾倒。戊子  
冬日。值其四十懸弧之辰。非平常祝嘏之詞。所  
能盡也。東坡詩云。我從公遊。非一日。不覺青山  
映黃髮。爰寫一冊。以誌岡陵之盛。云。  
送勵南湖  
畫冊十幅  
倣宋元  
諸大家

萬壑松風。百灘流水。意在機先。筆隨心止。聲光  
閃爍。宋人之髓。溯流董巨。六法如是。松雪偶題。



莫辨朱紫標識輝煌千秋有美須審毫釐莫別  
遠邇極深研幾竿頭一絰此圖以趙松雪題董  
宗伯遂目爲趙作識者駁之至今爲疑余以爲  
此賞鑒家之言若論畫法惟求宗旨何論宋元  
茲特取畫中之意寫出示丹思以見羹牆寤寐  
云題倣萬壑松風丹思三十幅之一

終南亘地脈遠翠落人間馬跡隨雲轉客心入  
嶂閒晴沙橫古渡榭葉滿深山領畧高秋意歸



見此氣象  
自然開拓  
心胸

舊藏司農  
傲高尙書  
直幅魄力  
沈雄境界  
空靈超逸  
設色與墨  
氣融化覺  
精彩奕奕

來但閉關。余癸酉秦中典試。路經函谷。太華直  
至。省會仰眺終南山。勢雄傑真。百二氣象也。海  
澱寓窓。追憶此景。輒倣范華原筆意。而繼之以  
詩。題倣范華原  
三十幅之一

房山畫法傳董米。衣鉢而自成一家。又在董米  
之外。學者竊取氣機。刻意摹倣。已落後一著矣。  
嘗讀雪竇頌。古云江南春風吹不起。鷓鴣啼在  
深花裏。三級浪高。魚化龍。癡人猶辱夜塘水。解



較尋常作  
不同真傑  
構也

此意者可以學房山即可以學董米也

畫設色  
高房山

三十幅

之一

天空浮修眉濃綠畫新就此昌黎詩也余和樹

百第一絕句以廣其後二語有合處因倣松雪

大年筆意并錄拙詠於後眼飽長安花欲燃卻

教愁絕路三千竹深處處鶯啼綠輸與江南四

月天

倣松雪大年筆  
意爲服尹作

都城之西層峯疊翠其龍脈自太行蜿蜒而來



起伏結聚山麓平川。回環幾十里。芳樹甘泉。金莖紫氣。瑰麗鬱葱。

御苑在焉。得茅茨土階之意。而仍有蓬萊閬苑之觀。置身其際。

盛世

之遭逢也。余忝列清班。簪筆入直。晨光夕照。領

畧多年。近接

禁地之清華。遠眺高峯之爽秀。

曠然會心。能不濡毫吮墨乎。有真山水。可以見真筆墨。有真筆墨。可以發真文章。古人如是。景行而私淑之。庶幾其有得焉。此圖經年而成。頗



費經營。識者流覽。此中瑕瑜。應有定鑒耳。

題畫  
倣王

叔明長卷武清三弟康熙

戊子夏日題於海甸寓直

董巨畫法三昧一變而爲子久張伯雨題云精

進頭陀以巨然爲師真深知子久者學古之家

代不乏人而出藍者無幾宋元以來宗旨授受

不過數人而已明季一代惟董宗伯得大癡神

髓猶文起八代之衰也先奉常親炙於華亭於

陡壑密林富春長卷爲子久作諸粉本中探驪

曾見司農倣子久長卷筆墨超妙邱壑渾成一種流麗斐疊之致油然而在筆墨外正中年愜心之作以余所見司農長卷此爲



第一

此中甘苦  
正非鈍根  
人所能擬  
議

微茫些子  
閒無一毫

得珠獨開生面。余少侍先大父，得聞緒論，又酷嗜筆墨，東塗西抹，將五十年。初恨不似古人，今又不敢似古人。然求出藍之道，終不可得也。又今人多喜談設色，然古人五墨法如風行水面，自然成文，荒率蒼莽之致，非可學而至。余故數年前作此長卷，久弄未出。今敢以公諸同好。  
大癡手卷  
倣雲林筆，最忌有傖夫氣。作意生淡，又失之偏。



俗氣方有  
入路

司農誠意  
懇摯深造

枯○俱○非○佳○境○立○槩○時○從○大○意○看○出○皴○染○時○從○眼○  
光○得○來○庶○幾○於○古○人○氣○機○不○大○相○逕○庭○矣○  
題做  
淡墨

雲林

畫○有○五○品○神○逸○爲○上○然○神○之○與○逸○不○能○相○兼○非○  
具○有○扛○鼎○之○力○貫○蝨○之○巧○則○難○至○也○元○季○梅○道○  
人○傳○巨○然○衣○鉢○余○見○溪○山○無○盡○關○山○秋○霽○一○圖○  
皆○爲○得○其○髓○者○余○初○學○之○茫○然○未○解○既○而○知○循○  
序○漸○進○之○法○體○裁○以○正○其○規○渲○染○以○合○其○氣○不○



古人豈淺  
學者所能  
夢見

思翁畫深  
得子久之  
神不可拘  
筆墨畦徑

解不促不脫不黏然後筆力墨花油然而生今  
人以潑墨爲能工力爲上以爲有成法此不知  
庵主者以爲無成法亦不知庵主者也於此研  
求庶幾於神逸之門不至望洋明季惟白石翁  
最得梅道人法詩云梅花庵主墨精神七十年  
來未用真可謂深知而篤信者矣題倣梅道人長卷  
董宗伯畫不類大癡而其骨格風味則純乎子  
久也石谷子嘗與予言寫時不問粗細但看出



觀也

進大意煩簡亦不拘成見任筆所之由意得情  
隨境生巧氣韻一來便止此最合先生後熟之  
意余作此圖以斯言弁其首

題學思翁  
倣子久法

惠崇江南春寫田家山家之景大年畫法悉本  
此意而纖妍淡冶中更開跌宕超逸之致學者  
須味其筆墨勿但於柳暗花明中求之

題倣  
大年筆

蓬四頁

之一

畫之有董巨猶吾儒之有孔顏也余少侍先奉



能於有畫  
無畫處細  
心體味畫  
中三昧盡  
矣

米家山看  
似渾成一  
片却有條  
不勢格律  
極其謹嚴  
此畫品之

常并私淑思翁近始畧得津涯方知初起處從  
無畫看出有畫即從有畫看到無畫爲成性存  
存宗旨董巨得其全四家具體故亦稱大家題  
董巨筆

山水蒼茫之變化取其神與意元章峯巒以墨  
運點積點成文呼吸濃淡進退厚薄無一非法  
無一執法觀米家畫者止知其融成一片而不  
知縷析條分中在在皆靈機也米友仁稱爲小



所以高也

米最得家傳結構比老米稍可摹擬而古秀別  
有風韻猶書中義獻也宋太宰爲收藏名家聞  
有名畫余未之見爾載世兄以同里得觀囑筆  
亦倣米意余未經寓目古人神髓豈能夢見以  
意爲之聊博噴飯可爾題倣小  
米筆

大癡秋山向藏京口張修羽家先奉常曾見之  
云氣韻生動墨飛色化平淡天真包含奇趣爲  
大癡生平合作目所僅見興朝以來杳不可



筆之煩簡  
墨之濃淡  
各得其宜  
則畫道已  
過半矣

學梅道人  
須參用倪

即如阿閃佛光一見不復再見幾十年間追憶

祖訓回環夢寂茲就見過大癡各圖參以管見

點染成文愚者千慮或有一得不至與癡翁大

相逕庭耳

倣大癡設色  
秋山與向若

筆不用煩要取煩中之簡墨須用淡要取淡中

之濃要於位置閒架處步步得肯方得元人三

昧如命意不高眼光不到雖渲染周緻終屬隔

膜梅道人潑墨學者甚多皆粗服亂頭揮灑以



黃筆意自  
免墨猪之  
誚

理極精妙  
令人探索  
不盡

自○鳴○其○得○意○於○節○節○肯○綮○處○全○未○夢○見○無○怪○乎○  
有○墨○猪○之○誚○也○已○丑○中○秋○乍○霽○新○涼○興○會○所○適○  
因○作○是○圖○并○書○以○弁○其○首○  
題做梅道人與陳七  
宋○元○各○家○俱○於○實○處○取○氣○惟○米○家○於○虛○中○取○氣○  
然○虛○中○之○實○節○節○有○呼○吸○有○照○應○靈○機○活○潑○全○  
要○於○筆○墨○之○外○有○餘○不○盡○方○無○罣○礙○至○色○隨○氣○  
轉○陰○晴○顯○晦○全○從○眼○光○體○認○而○出○最○忌○執○一○之○  
見○粗○豪○之○筆○須○細○參○之○  
做設色小米



深○心○託○毫○  
素○卽○是○見○  
景○生○情○借○  
筆○墨○以○抒○  
寫○其○胸○中○  
逸○氣○

此○中○樂○趣○  
非○境○遇○之○

己○丑○九○月○之○杪○寒○風○迅○發○秋○雪○滿○山○黃○葉○丹○楓○  
翠○巖○森○列○動○學○士○之○高○懷○感○騷○人○之○離○思○正○其○  
時○也○余○以○清○署○公○冗○久○疎○筆○硯○今○將○入○直○興○復○  
不○淺○作○秋○山○圖○寓○意○上○林○簪○筆○與○湖○橋○縱○酒○  
處○境○不○同○而○心○跡○則○一○識○者○取○其○意○恕○其○學○可○  
爾○秋○山○傲○大○癡○  
貧○且○勞○人○之○所○惡○也○然○爲○貧○與○勞○之○所○役○以○之○  
移○性○情○隙○意○氣○則○與○道○漸○遠○無○以○表○我○之○真○樂○



所得而移也

用意畫家  
第一緊要  
筆墨人神  
印壑渾化  
前呼後應  
宛然天造

矣○余碌碌清署補衣節食忘老辦公時以典禮  
候○直寄跡蕭寺篝燈揮灑長箋短幅不問所從  
來○偶意古人得意處放筆爲之夜分樂成欣然  
就○寢一枕黑甜不知東方之既白矣因倣梅道  
人○筆識之○倣梅道人  
筆○墨一道用意爲尚而意之所至一點精神在  
微○茫些子間隱躍欲出大癡一生得力處全在  
於○此畫家不解其故必曰某處是其用意某處



地設皆意  
之所貫通  
也

是其着力而於濡毫吮墨隨機應變行乎所不  
得行止乎所不得止火候到而呼吸靈全幅片  
段自然活現有不知其然而然者則茫然未之  
講也毓東於六法中揣摩精進論古亦極淹博  
余慮其執而未化也偶來相訪而拙卷適成遂  
以此言告之恍然有得從此以後眼光當陵轍  
諸卷以是言爲左券題做大癡  
水墨長卷  
畫家自晉唐以來代有名家若其理趣兼到右



王右丞後  
世奉爲南  
宗之祖其  
理趣勝也

董巨米三  
家所以高  
出南宋諸  
家上者由  
其氣體混  
淪蒼莽無  
際脫盡筆  
墨蹊徑元  
季吳興房  
山直接其

丞始發其蘊至宋有董巨規矩準繩大備矣沿  
習既久傳其遺法而各見其能發其新思而各  
矧其格如南宋之劉李馬夏非不驚心炫目有  
刻畫精巧處與董巨老米之元氣磅礴則大小  
不覺逕庭矣元季趙吳興發藻麗於渾厚之中  
高房山示變化於筆墨之表與董巨米家精神  
爲一家眷屬以後黃王倪吳闡發其旨各有言  
外意吳興房山之學方見祖述不虛董巨二米



傳黃王倪  
吳又推闡  
其遺蘊極  
古今筆墨  
之變爲畫  
學之大觀  
也

山水以長  
卷爲最難

之傳益信淵源有自矣八叔問南宗正派敢以  
是對并寫四家大意彙爲一軸以作證明若可  
留諸清秘公餘擬再作兩宋兩元爲正宗全觀  
冀略存古人面目未識有合於法鑒否推蓬係  
宣和裱法另橫一紙於前并題數語此畫始于  
壬辰夏五至癸巳六月竣事  
畫家總論題畫呈  
八叔案頭展玩當  
不以姪言  
爲河漢也  
古人長卷皆不輕作必經年累月而後告成苦



林木山石  
人物屋宇  
一切點綴  
諸景必經  
營慘淡而  
後成之不  
可以歲月  
計方能壽  
世傳世

恆心處正  
不在多

心在是適意亦在是也昔大癡畫富春長卷經  
營七年而成想其吮毫揮筆時神與心會心與  
氣合行乎不得止乎不得不止絕無求工  
求奇之意而工處奇處斐亶於筆墨之外幾百  
年來神彩煥然余前日於司農處獲一寓目頓  
覺有會心處方信妙境亦無多子也雲徵不學  
畫而性喜畫每以論文之法論畫數學相長無  
倦也更喜觀余潑墨侍側竟日不移非深知篤



山樵爲趙  
文敏甥如

好者能如是乎。余故爲作長卷。雲徵有館課。余  
點染時。輒來指摘微茫。推求精奧。余恐其妨帖  
括之功。亦時作而時輟。竟歷三四年之久。余心  
思學識。不逮古人。然落筆時。不肯苟且從事。或  
者子久些子。脚汗氣於此。稍有發現。乎識之以

博一粲。

倣設色大  
癡長卷

元畫至黃鶴山樵。而一變。山樵少時。酷似趙吳  
興。祖述輞川。晚入董巨之室。化出本宗。體縱橫。



專師文敏  
未有不爲  
文敏掩也

子久秋山  
圖戊辰於  
京邸見奉  
常翁摹本

離奇莫可端倪與子久雲林仲圭相伯仲迹雖  
異而趣則同也今人不解其妙多作奇幻之筆  
愈趨而愈遠矣癸巳秋日大酉從潞河來偶談  
山樵筆墨寫以歸諸奚囊周兄將爲岳遊攜杖  
著屐水濱木末出是圖觀之未必無契合處也  
亦可以解好奇之惑矣倣王叔明爲  
周大酉作  
大癡秋山余從未之見先大父云于京口張子  
修羽家曾寓目爲子久生平第一數十年時移



氣味靜逸  
設色煊爛  
與習見者  
不同爲有  
力者攫去

物換此畫不可復覩藝苑論畫亦不傳其名也  
癸巳九秋風高木落氣候蕭森拱宸將南歸余  
正值悲秋之際有動于中因名之曰做大癡秋  
山不知當年真虎筆墨何如神韻何如但以余  
之筆寫余之意中間不無悠然以遠悄然以思  
爲秋水伊人之句可也題做大癡設色秋  
山爲鄒拱宸作  
余二年前奉命修書畫譜見大癡論畫二  
十則不出宋人之法但于林下水邊沙磧木末



宋畫以刻  
劃精到勝  
元畫以簡  
淡靜逸勝  
余謂畫至  
元人天下  
之能事盡  
矣

畫之神妙  
全在可解

畫學心法卷十  
三  
極聞中輒加留意歸于無筆不靈無筆不趣在  
宋法又開生面矣余幼學于先奉常贈公久而  
得其藩翰見此二十則方知子久得力處益信  
華亭宗伯及先奉常所傳爲不虛也題做王叔子久  
明筆酷似其舅趙吳興進而學王摩詰得離奇  
奧窔之妙晚年墨法純師董巨一變而爲本家  
體人更莫可端倪師之者不泥其迹務得其神  
要在可解不可解處若但求其形云某處如何



不可解處  
如能心領  
神會則畫  
道已六通  
四關矣  
梅道人全  
摹巨然故  
筆墨氣韻  
較諸家更  
為雄厚

用筆某處如何用墨造出險幻之狀以之驚人  
炫俗未免邈若河漢矣題做黃北宋高人三昧  
惟梅道人得之以其傳巨然衣鉢也與盛子昭  
同里閉而居求盛畫者填門接踵庵主惟茅屋  
數椽閉門靜坐人有言者笑而不答五百年來  
重吳而輕盛洵乎筆墨有定論也然人但知其  
淋漓揮灑不知其剛健而兼婀娜之致亦未思  
一笑之故耳題做梅道人宋元諸家各出機杼惟高



雲林神妙處最難摹擬蓋雲林以無心出之學者以有意求之縱得其形未能傳其神也

二十年前曾得司農絹本立軸淡設色倣

士一洗陳迹空諸所有為逸品中第一非剽為是法也于不用工力之中為善用工力者所莫能及故能獨臻其妙耳董宗伯題倪畫云江南士大夫以有無為清俗余邇來苦心揣摩終未能得其神理有無清俗之言洵不虛也題倣雲林為凱

功掌憲寫元季四家

畫自家右丞以氣韻生動為主遂開南宗法派北宋董巨集其大成元高趙四家俱宗之用意



大癡筆墨  
秀潤色澤  
妍麗早年  
得心應手  
之作惜亂  
後失去不  
可得見矣

身體力行  
方得三昧

則渾樸中有超脫用筆則剛健中含婀娜不事  
粉飾而神彩出焉不務矜奇而精神注焉此爲  
得本之論也沛翁以政事鉅公爲風雅宗盟其  
識力必有大過人者每見必惓惓下問余雖鈍  
拙不敢自匿竭其薄技幸有以教之倣黃子久  
設色爲沛  
翁殷大  
司馬作  
六法一道非惟習之爲難知之爲最難非惟知  
之爲難行之爲尤難也余于此中磨練有年方



知古人成就一幅必簡練以爲揣摩于清剛浩  
氣中具有一種流麗斐亶之致非可以一蹴而  
至學大癡者宜深思之倣設色大癡秋山

東坡詩云論畫以形似見與兒童鄰甚爲古今  
畫家下箴砭也大癡論畫有二十餘條亦是此  
意盖山無定形畫不問樹高卑定位而機趣生  
皴染合宜而精神現自然平淡天真如篆如籀  
蕭疎宕逸無些子塵俗氣豈筆墨章程所能量

此中三昧  
全在心領  
神會運化  
毫端便不



爲蹊徑所拘

其淺深邪。輪美問畫于余。余以此告之。即寫是圖。以授之意。欲于大癡心法竊效一二耳。雖然。畫家工力有不得不形似者。遇事遇時摹擬刻畫。以傳盛事。方見發皇蹈厲之妙。但得意得氣得機。則無美不臻矣。誰知之。而誰信之。輪美亦極于此。中留心勉旃。勉旃。倣大癡筆爲輪美作癸巳夏五月寫時年七十有二。有。二。大癡畫以平淡天真爲主。有時而傅彩粲爛高。



學者能得其意卽一點一拂均有瀟灑生動之趣

華流麗儼如松雪所以達其渾厚之意華滋之氣也段落高逸模寫瀟灑自有一種天機活潑隱現出沒于其閒學者得其意而師之有何積習之染不清細微之惑不除乎余弱冠時得聞先贈公大父訓迄今五十餘年矣所學者大癡也所傳者大癡也華亭血脈金鍼微度在此而已因知時流雜派僞種流傳犯之爲終身之疾不可嚮邇特作此圖以授輪美知其有志探索



論極精當  
天下事皆  
是如此無  
不可類推  
也

又明慧過人。自能爲宋元大家。開一生面。無負

我意。勉旃勉旃。

又倣大癡設色爲輪美作

聲音一道。未嘗不與畫通。音之清濁。猶畫之氣  
韻也。音之品節。猶畫之間架也。音之出落。猶畫  
之筆墨也。劉兄懷遠。于吳中少有盛名。遊于省  
會。自齊魯而迄京師。所至俱推絕詣。余觀其爲  
人。靜深有致。無刻不辨宮商。別聲調。閒一出其  
技。舉坐傾倒。公卿大夫。俱爲美談。非思深而力



到能至此乎。余性不耐與人畫。至懷遠而不覺。技癢亦宗先反後和之意也。

倣設色倪黃  
爲劉懷遠作

余于筆墨一道少成。若天性本無師承。誦讀之暇。日侍先大父。贈公得聞緒論。久之。于宋元傳授貫穿處。胸中如有所據。發之以學文。推之以觀物。皆用此理。每至無可用心處。閒一揮灑。成片幅。便面。無求知于人之心。人亦不吾知也。甲午秋閒奉命入直。以草野之筆。日達于

司農得乃  
祖之傳而  
更研求探  
索以寫其  
得力之由  
真深於甘  
苦之言



論極精富  
天下事皆  
是如此無  
不可類推  
也

又明慧過人。自能爲宋元大家。開一生面。無負

我意。勉旃。勉旃。

又做大癡設  
色爲輪美作

聲音一道。未嘗不與畫通。音之清濁。猶畫之氣  
韻也。音之品節。猶畫之閒架也。音之出落。猶畫  
之筆墨也。劉兄懷遠。于吳中少有盛名。遊于省  
會。自齊魯而迄京師。所至俱推絕詣。余觀其爲  
人。靜深有致。無刻不辨宮商。別聲調。閒一出其  
技。舉坐傾倒。公卿大夫。俱爲美談。非思深而力



到能至此乎。余性不耐與人畫，至懷遠而不覺技癢。亦宗先反後和之意也。

倣設色倪黃  
爲劉懷遠作

余于筆墨一道少成，若天性本無師承，誦讀之暇，日侍先大父贈公，得聞緒論，久之于宋元傳授貫穿處，胸中如有所據，發之以學文推之以觀物，皆用此理。每至無可用心處，閒一揮灑成片幅，便面無求知于人之心，人亦不吾知也。甲午秋閒奉命入直，以草野之筆日達于

司農得乃  
祖之傳而  
更研求探  
索以寫其  
得力之由  
真深於甘  
苦之言



雲林天眞  
簡淡純任

至尊之前殊出意外生平毫無寸長稍解筆

墨

皇上天縱神靈鑒賞于牝牡驪黃之外

反復益增惶悚謹遵先賢遺意吾斯之未能信  
而已都門風雅宗匠所集閒有知我者余不敢  
自諉亦不敢自棄竭其薄技歸之清祕以供捧  
腹不敢以此求名邀譽也

大橫披倣設色大癡  
爲明凱功作時年七

十有

三

學畫至雲林用不着一點工力有意無意之閒



自然非巧  
思力索所  
能到

論極精妙  
全在夾縫  
中着想方  
有入路

與古人氣韻相爲合撰而已至設色更深一層  
不在取色而在取氣點染精神皆借用也推而  
至于別家當必精光四射磅礴于心手其實與  
着意不着意處同一得力學者無過用其心亦  
無誤用其心庶幾近之擬設色雲林小幅  
司民少有文譽奕更擅場自丁丑夏至婁館于  
余家數年余試以畫叩之若金石之于節奏林  
泉之于聲響無不應也余方知斯理可以一貫



澄江好友  
陳以蘇藏  
司農傲山  
樵巨幀墨  
氣精湛皴  
擦離奇變

無怪乎司民之奕所至輒傾倒也。庚寅秋入楚  
睽闊者五年。今復來京。奕學更進。畫理明了。不  
減于昔。爲人風雅。驚座殆又過之。以後相識滿  
天下。見其風韻。猶存恨知心之晚耳。作是卷以  
贈之。

倣倪黃設色小  
卷爲司民作

黃鶴山樵元四家中爲空前絕後之筆。其初酷  
似其舅趙吳興。從右丞輞川粉本得來。後從董  
巨發出筆墨大源頭。乃一變本家法。出沒變化。



化無一實  
筆以余所  
見司農倣  
山樵此爲  
第一

莫○可○端○倪○不○過○以○右○丞○之○體○推○董○巨○之○用○而○學○  
者○拘○于○見○聞○謂○山○樵○離○奇○天○矯○別○有○一○種○新○裁○  
而○董○巨○之○精○神○不○復○講○求○山○樵○之○本○領○終○歸○烏○  
有○于○是○右○丞○之○氣○韻○生○動○爲○紙○上○浮○談○矣○聞○親○  
家○爲○新○安○風○雅○巨○擘○今○寓○維○揚○意○欲○昌○明○斯○道○  
而○慮○振○興○之○無○人○也○飛○書○來○問○山○樵○筆○并○寄○側○  
理○余○就○所○見○作○此○圖○并○以○是○語○告○之○  
倣黃鶴山樵巨幅山

水寄  
依文



詞意精警  
畫法透露

畫如四始與六義。未掃俗腸便爲累。青山幻出  
平中奇。剛健婀娜。審真僞。此理山樵深得之。扛  
鼎力中有嫵媚。老而篤好不知疲。譬如小戶飲  
輒醉。寫以贈君君一噓。僧寮又聽鐘聲至。  
題丹思畫

冊倣  
叔明







東莊論畫

王 昱

余性無他嗜。幼耽六法。年弱冠時。就正於家麓臺夫子。猥蒙極口稱賞。後負笈至都。侍硯席。獲聞緒論。至詳且盡。甲子長夏。追憶師傳。參以心得。偶有所觸。隨筆漫書。爰作論畫三十則。非敢云金鍼之在是。學者由此參之。庶不爲歧趨所惑爾。

余侍麓臺夫子三年。頗得其傳。前此能知而不



畫中道理  
悟後參之  
方得真解

能行蓋未到熟外熟境地故胸中粘滯用意用  
筆終未得灑落之致雍正壬子秋七月抱疴卧  
牀靜參畫理恍悟粘滯之非病起點染覺熟境  
漸臻如醉初醒如夢初覺吾師苦心指示而今  
方得真詮也

吾夫子自幼明敏初落筆便有書卷氣蓋生而  
知之直接董巨倪黃衣鉢常人由學而知必須  
讀書以明理游覽以廣識苦心探索循習有年



此四語爲  
南宗眞實  
根柢學者  
宜深體之

煙客元照  
麓臺三家

亦可到神明地位。

嘗聞夫子有云。奇者不在位置。而在氣韻之間。不在有形處。而在無形處。余於四語。獲益最深。後學正須從此參悟。

學畫所以養性情。且可滌煩襟。破孤悶。釋躁心。迎靜氣。昔人謂山水家多壽。蓋煙雲供養眼前。無非生機。古來名家享大耄者居多。良有以也。學畫者先貴立品。立品之人。筆墨外自有一種。



均有一種正大光明之概爲諸家所莫及如此方能脫盡拘牽束縛之態

書學八日卷十  
正大光明之概否則畫雖可觀卻有一種不正之氣隱躍毫端文如其人畫亦有然士人作畫第一要平等心弗因識者而加意揣摩弗因不知者而隨手敷衍學業精進全在乎此  
畫中理氣二字人所共知亦人所共忽其要在修養心性則理正氣清胸中自發浩蕩之思腕底乃生奇逸之趣然後可稱名作



學者能如  
此虛心集  
益自然無  
美不臻

未動筆前須興高意遠已動筆後要氣靜神凝  
無論工緻與寫意皆然

學畫最要虛心探討不可稍有得意處便詡詡  
自負見人之作吹毛求疵惟見勝已者勤加諮  
詢見不如已者內自省察知有名蹟徧訪借觀  
噓吸其神韻長我之識見而游覽名山更覺天  
然圖畫足以開拓心胸自然邱壑內融眾美集  
腕便成名筆矣



此卽大家  
名家之分

學畫者能  
於此中細

畫雖一藝○其中有道○試觀古人真蹟○何等章法○  
何等骨力○何等神味○學者能深造自得○便可左○  
右逢源○否則紙成堆○筆成冢○終無見道之日耳○  
翰墨中面目各別○而其品有二○元氣磅礴超凡○  
入化○神生畫外者○爲上乘○清氣浮動脈正律嚴○  
神生畫內者○次之○皆可卓然成家○名世傳世○  
作畫先定位置○次講筆墨○何謂位置○陰陽向背○  
縱橫起伏○開合鎖結○迴抱勾托○過接映帶○須跌○



心探討何  
患不出人  
頭地

石谷早年  
筆墨真能  
與此脗合  
所由傾倒  
名流也

宕○欹○側○舒○卷○白○如○何○謂○筆○墨○輕○重○疾○徐○濃○淡○燥○  
濕○淺○深○疏○密○流○麗○活○潑○眼○光○到○處○觸○手○成○趣○學○  
者○深○明○乎○此○下○筆○時○自○然○無○美○不○臻○

氣○骨○古○雅○神○韻○秀○逸○使○筆○無○痕○用○墨○精○彩○布○局○  
變○化○設○色○高○華○明○此○六○者○覺○昔○人○千○言○萬○語○盡○  
在○是○矣○非○坐○破○蒲○團○靜○參○默○悟○腕○底○豈○能○融○會○  
斯○旨○

未○作○畫○前○全○在○養○興○或○觀○雲○泉○或○觀○花○鳥○或○散○



胸中空空  
洞洞隨手  
寫出自然  
靈機活潑

見解極高  
余以爲惟  
墨井畫境  
庶幾得此  
意耳

余舊見邵  
村侍御山

步清吟或焚香啜茗俟胸中有得技癢興發即  
伸紙舒毫興盡斯止至有興時續成之自必天  
機活潑迥出塵表  
位置須不入時蹊不落舊套胸中空空洞洞無  
一點塵埃邱壑從性靈發出或渾穆或流利或  
峭拔或疏散貫想山林真面目流露毫端卽得  
不出人頭地  
運筆古秀着墨飛動望之元氣淋漓恍對嵐容



水筆墨全  
與此論相  
合余所取  
爲心折者  
山重水複  
疑無路柳  
暗花明又  
一邨同一  
意也

如此畫境  
石田翁有  
焉餘惟王  
廉州庶幾  
近之耳

川色是爲真筆墨須知此種神韻全從朝暮四  
時風晴雨雪雲煙變滅閒貫想得來  
絕處逢生禪機妙用六法亦然到得絕處不用  
着忙不用做作心游目想忽有妙會信手拈來  
頭頭是道

畫有邪正筆力直透紙背形貌古樸神彩煥發  
有高視闊步旁若無人之概斯爲正派大家若  
格外好奇詭僻狂怪徒取驚心炫目輒謂自立



唐之右丞  
宋之董巨  
元之倪黃  
明之董文  
敏皆洗空  
凡格學者  
能專心從  
事於此何  
患不出人  
頭地  
此種畫境  
所謂天真

門戶實乃邪魔外道也。初學見識不定，誤入其中，莫可救藥，可不慎哉。

自唐宋元明以來，家數畫法，人所易知。但識見不可不定，又不可着意太執。惟以性靈運成法，到得熟外熟時，不覺化境頓生。自我作古，不拘家數，而自成家數矣。

有一種畫，初入眼時，麤服亂頭，不守繩墨，細視之，則氣韻生動，尋味無窮。是爲非法之法，惟其



簡淡純平  
士氣

姜學在筆  
墨往往有  
此境界

畫境清空  
一切重疊  
堆砌之病  
掃除淨盡

大資高邁學力精到乃能變化至此正所謂清  
水出芙蓉天然去雕飾淺學焉能夢到  
又一種位置高簡氣味荒寒運筆渾化此畫中  
最高品也非絢爛之極不能到此  
用筆法要轉束不可信筆益信筆則頓挫皆無  
力矣善於用筆者一轉一束皆有意趣  
清空二字畫家三昧盡矣學者心領其妙便能  
跳出窠臼如禪機一棒粉碎虛空



起結二字  
學者能細  
心領取自  
然妙義環  
生引人人  
勝

凡畫之起結最爲緊要一起如奔馬絕塵須勒  
得住而又有住而不住之勢一結如衆流歸海  
要收得盡而又有盡而不盡之意

畫之妙處不在華滋而在雅健不在精細而在  
清逸蓋華滋精細可以力爲雅健清逸則關乎  
神韻骨格不可強也

寫意畫落筆須簡淨布局布景務須筆有盡而  
意無窮



推陳出新  
靈機活潑

設色最難  
融洽參透  
此意能心  
手熟習自  
然渾化無  
痕

學者於此  
等處最須

位置落墨時能於不畫煞處轉出別意來每有  
奇趣正如摩詰所云行到水窮處坐看雲起時  
是也

麓臺夫子嘗論設色畫云色不礙墨墨不礙色  
又須色中有墨墨中有色余起而對曰作水墨  
畫墨不礙墨作沒骨法色不礙色自然色中有  
色墨中有墨夫子曰如是如是  
作畫時即偶爾酬應皆不可輕率蓋每寫一圖



切記不可  
忽略

南田翁青  
綠深得此  
意石谷究  
嫌板滯非  
雅構也

必有○着○精○神○處○若○率○意○草○草○此○最○是○病○  
巨○幅○工○緻○畫○切○忌○鋪○排○用○意○處○須○十○分○含○蓄○而○  
能○氣○足○神○完○乃○爲○合○作○  
青○綠○法○與○淺○色○有○別○而○意○實○同○要○秀○潤○而○兼○逸○  
氣○蓋○淡○妝○濃○抹○閒○全○在○心○得○渾○化○無○定○法○可○拘○  
若○火○氣○眩○目○則○入○惡○道○矣○



浦山論畫

張庚

兩王先生  
紹董文敏  
公之傳而  
開婁東正  
派真純乎  
其純直接  
倪黃衣鉢

畫分南北。始於唐世。然未有以地別爲派者。至  
明季。方有浙派之目。是派也。始於戴進。成於藍  
瑛。其失蓋有四焉。曰硬。曰板。曰禿。曰拙。松江派  
國朝始有。蓋沿董文敏趙文度之習。漸即於纖  
弱甜賴矣。金陵之派有二。一類浙。一類松江。新  
安自漸師以雲林法見長。人多趨之。不失之結  
即失之疏。是亦一派也。羅飯牛崛起寧都。挾所



論極平允  
令人心折

能而游省會。名動公卿。士夫學者於是多宗之。  
近謂之西江派。蓋失在易而滑閩人失之濃濁。  
北地失之重拙。之數者其初未嘗不各自名家。  
而傳倣漸陵夷耳。此國初以來之大概也。其能  
不囿於習而追蹤古蹟。參席前賢。爲後世法者。  
麓臺其庶乎。若石谷非不極其能事。終不免作  
家習氣。

論筆



用筆貴重  
固免浮滑  
率易之病  
如偏執一  
見尙未臻  
妙余以爲  
輕重互用  
一切神明  
變化之妙  
方能融會  
毫端學者  
能參透此

錢香樹論作文曰。用筆須重。重則厚。而古。此語深得文之三昧。余謂畫亦如是。王麓臺自題秋山晴爽圖云。不在古法。不在我手。而又不出古法。我手之外。筆端金剛杵。在脫盡習氣。香樹所謂重。即金剛杵之意也。溫紀堂亦云。我師每一下筆。腕臂皆力。觀三君之言。可得用筆之故矣。雖然。余嘗見古人真蹟。其勾勒山石輪廓。用筆細軟。亦似輕浮。而嫩然氣魄湛厚。不可言。然則



旨斯得用  
筆之妙矣

思翁用筆  
用墨其一  
種平淡天  
然之趣全  
從胎性中  
帶來非學

書學心印卷七  
用筆又不獨在重矣。蓋古人之神化不可方物。也在初學終當以重爲入門之要。

### 論墨

墨不論濃淡乾濕要不帶半點烟火食氣。斯爲極致。麓臺云董思翁之筆猶人所能其用墨之鮮彩一片清光。弈然動人仙矣。豈人力所得而辨。又嘗見思翁自題畫冊亦云我以筆墨遊戲。近來遂有董畫之日不知此種墨法乃是董家。



力所能到

如此見解  
未免孤陋  
寡聞貽笑  
大方

真面目。又草書手卷有云。人但知畫有墨氣。不知字亦有墨氣。可見文敏自信處。亦只是墨。故凡用墨。不必遠求古人。能得董氏之意。便超矣。

### 論品格

古人有云。畫要士夫氣。此言品格也。第今以論士夫氣者。惟此乾筆儉墨。當之一見。設重色者。即目之爲畫匠。此皆強作解事者。古人如王右丞。大小李將軍。王都尉。文湖州。趙令穰。趙承旨。



如此立論  
最爲平允

氣韻必無  
意中流露

畫學心法卷七  
四三  
俱以青綠見長。亦可謂之畫匠耶。蓋品格之高。下不在乎迹。在乎意。知其意者。雖青綠泥金。亦未可儕之於院體。况可目之爲匠耶。不知其意。則雖出倪入黃。猶然俗品。所謂意者。若何猶作文者。當求古人立言之旨。

### 論氣韻

氣韻有發於墨者。有發於筆者。有發於意者。有發於無意者。發於無意者。爲上。發於意者。次之。



出來乃爲  
真氣韻然  
如此境界  
惟元之倪  
黃庶幾得  
之

此中巧妙  
靜觀自得

發於筆者又次之。發於墨者下矣。何謂發於墨者。既就輪廓。以墨點染。渲暈而成者。是也。何謂發於筆者。乾筆皴擦。力透而光自浮者。是也。何謂發於意者。走筆運墨。我欲如是而得如是。若疏密多寡。濃淡乾濕。各得其當。是也。何謂發於無意者。當其凝神注想。流盼運腕。初不意如是而忽然如是。是也。謂之爲足。則實未足。謂之未足。則又無可增加。獨得於筆情墨趣之外。蓋天



非躁妄人  
所能領會

黃吳倪三  
家論極精

機之勃露也。然惟靜者能先知之。稍遲。未有不  
汨於意而沒於筆墨者。

論性情

楊子雲曰。書心畫也。心畫形而人之邪正分焉。  
畫與書一源。亦心畫也。握管者可不念乎。嘗觀  
古人之畫而有所疑。及論其世。乃敢自信爲非  
過。因益信揚子之說爲不誣。試即有元諸家論  
之大癡爲人。坦易而灑落。故其畫平淡而冲濡。



當若王叔明趙文敏雖似有理究屬偏刻不足憑也畫至趙文敏王叔明皆爲百世宗匠而可以此相繩哉未免書生之見耳

在諸家最醕梅花道人孤高而清介故其畫危聳而英俊倪雲林則一味絕俗故其畫蕭遠隋逸刊盡雕華若王叔明未免貪榮附熱故其畫近於躁趙文敏大節不惜故書畫皆嫵媚而帶俗氣若徐幼文之廉潔雅尚陸天游方方壺之超然物外宜其超脫絕塵不囿于畦畛也記云德成而上藝成而下其是之謂乎

### 論工夫



所謂循序  
漸進自臻  
神妙

畫雖藝事亦有下學上達之工夫下學者山石  
水木有當然之法始則求其山石水木之當然  
不敢率意妄作不敢師心立異循循乎古人規  
矩之中不失毫芒久之而得其當然之故矣又  
久之而得其所以然之故矣得其所以然而化  
可幾焉至於能化則雖猶是山石水木而識者  
視之必曰藝也進乎道矣此上達也今之學者  
甫執筆而即講超脫我不知其何說也



余謂作畫須天分人功兩者兼備方能入妙鈍者雖攻苦畢生終屬隔膜天下事皆是如此豈獨畫哉

### 論入門

人之稟質固有敏鈍之殊然其資始資生一也  
豈鈍者性命有不正者乎惟是習氣之悞傷不  
淺耳故入門之路不可不慎一失足則習氣浸  
淫於骨髓後雖悔悟而欲盡剔之亦難盡去一  
方每有一方之習學者生於是長於是所見所  
聞不過是古人真蹟又不得見即得見一二又  
不肯虛心體認而於古人之論說復不肯靜參



志在阿堵  
雖攻苦一  
生茫乎無  
得

參透理氣  
二字畫道

而默會所以攻苦一生而訖於無成蓋非好學  
深思心知其意而虛衷集益烏能拔俗至若以  
畫爲生涯者不過求媚於俗目以博多金耳亦  
何足與言習氣

### 論取資

法固要取於古人然所資者不可不求諸活潑  
潑地若死守舊本終無出路古人之畫之妙不  
過理明而氣順試觀天之生物如山川草木人



自迎刃而解矣

此論却極有理然總須取法古人方能啟我性靈長我骨力易爲得益也

之○置○物○如○屋○宇○橋○渡○何○一○非○理○何○一○無○氣○離○是○  
二○者○則○無○物○矣○故○一○舉○目○閒○莫○非○佳○畫○也○要○在○  
能○取○其○意○以○會○於○古○人○筆○墨○耳○華○亭○云○山○行○遇○  
古○樹○須○四○面○觀○者○蓋○樹○有○此○面○不○入○畫○而○彼○面○  
人○畫○者○即○此○意○也○不○寧○惟○是○即○業○之○不○及○我○者○  
亦○有○天○機○偶○露○之○一○節○未○嘗○不○可○以○啟○我○之○聰○  
明○豈○可○以○其○不○如○而○一○概○漫○然○置○之○又○如○古○蹟○  
贗○本○筆○墨○氣○韻○雖○不○似○而○位○置○猶○是○古○人○之○經○



營也亦當畧其短而取其長如是則大小不遺  
而見聞日益有不左右逢源者乎




畫學心印卷七

男鳳墀  
姪鳳璪  
全坡










































ND  
1042  
C6  
P78  
v.8

畫學心印

卷八

梁溪 秦祖永 評輯

山靜居論畫

方 薰

詩文書畫  
相爲表裏  
有由書而  
悟畫由畫  
而知詩亦  
有由詩與

古者圖史彰治亂名德垂丹青。後之繪事雖不逮古。然昔人所謂賢哲寄興。殆非庸俗能辨。故公壽多文。曉畫摩詰前身。畫師元潤。悟筆意於六書。僧繇參畫理於筆陣。戴逵寫南都一賦。范宣嘆爲有益。大年少腹笥數卷。山谷笑其無文。



文而明畫  
理者其從  
入之途正  
不同也

又謂畫格與文同一關紐。洵詩文書畫相爲表裏者矣。

畫法古人各有所得之妙。目擊而道存者。非可以言傳也。謝赫始有六法之名。六法迺畫之大凡耳。故談畫者必自六法論。

六法是作畫之槩。獲且古畫未有不具此六法者。至其神明變化。則古人各有所得。學者精究六法。自然各造其妙。



學者如能得畫中三昧落筆自然氣運生動不在天分優絀也余謂作畫全要養氣有氣便有韻隨意揮灑機趣洋溢自然生動

昔人謂氣韻生動是天分然思有利鈍覺有後先未可概論之也委心古人學之而無外慕久必有悟悟後與生知者殊途同歸

氣韻生動須將生動二字省悟能會生動則氣韻自在氣韻生動爲第一義然必以氣爲主氣盛則縱橫揮灑機無滯礙其間韻自生動矣杜老云元氣淋漓幃幃猶濕是卽氣韻生動

氣韻有筆墨間兩種墨中氣韻人多會得筆端



雲林云畫  
寫胸中逸  
氣耳是卽  
筆端氣韻

余謂骨月  
停勻卽是  
有筆有墨

書學小旨卷八  
二  
氣韻世每眇知所以六要中又有氣韻兼力也  
人見墨汁淹漬輒呼氣韻何異劉實在石家如  
廁便謂走入內室

荆浩曰吳生有筆無墨項容有墨無筆或曰石  
分三面卽是筆亦是墨僕謂匠心渲染用墨太  
工雖得三面之石非雅人能事予久所謂甜邪  
俗賴是也筆墨間尤須辨得雅俗

書畫至神妙使筆有運斤成風之趣無他熟而



如此方爲  
真熟

臨古人畫  
須對之詳  
審細玩存  
於胸中自

已矣。或曰：有書須熟，外生畫須熟，外熟又有作熟還生之論。如何？僕曰：此恐熟入俗耳。然入於俗而不自知者，其人見本庸下，何足與言書畫。僕所謂熟字，乃張伯英草書精熟，池水盡墨；杜少陵熟精文選理之熟字。

古人不作手跡，猶存。當想其未畫時如何，胷次寥廓。欲畫時如何，解衣磅礴。既畫時如何，經營慘淡。如何縱橫揮洒，如何潑墨設色，必神會心。



然奔赴腕下

真所謂成如容易却艱辛也

杜老入峽諸詩是極妙粉本

謀捉筆時張吳董巨如在上下左右

畫有初觀平澹久視神明者爲上乘有人眼似佳轉視無意者吳生觀僧繇畫諦視之再乃三宿不去庸眼自莫辨

讀老杜入峽諸詩奇思百出便是吳生王宰蜀中山水圖自來題畫詩亦惟此老使筆如畫人謂摩詰詩中有畫未免一邱一壑耳東坡曰看畫以形似見與兒童鄰晁以道云畫



逸品之畫  
每不能見  
賞於俗目  
良由其命  
意不同也

寫物外形要物形不改特爲坡老下一轉語  
歐陽子曰蕭條淡泊此難畫之意畫者得之覽  
者未必識也故飛走遲速意淺之物易見而閒  
和嚴靜之趣簡遠之心難形僕謂取法於繩墨  
者人無不見其工拙寄意於毫素者非高懷絕  
識不能得其妙故賢者操筆便有曲高和寡之  
歎

陳善云顧愷之善畫而以爲癡張長史工書而



以爲顛。此二人所以精於書畫。僕曰。後惟米元章委心書畫。而以癡顛兼之用。志不紛。乃凝於神。莊叟之謂也。

畫備於六法。六法固未盡其妙也。宋迪作畫。先以絹素張敗壁。取其隱現凹凸之勢。郭恕先作畫。常以墨漬縑綃。徐就水滌去。想其餘跡。朱象先於落墨後。復拭去絹素。再次就其痕跡。圖之。皆欲渾然高古。莫測端倪。所謂從無法處說法。

此等命意  
未免詭僻  
縱極神妙  
究非山水



正宗

畫法有工  
拙不在難

者也。如楊惠郭熙之塑畫。又在筆墨外求之。  
東坡曰。觀士人畫。如閱天下馬。取其意氣所到。  
乃若畫工。往往只取鞭策皮毛。槽枥芻秣而已。  
無一點俊發氣。看數尺許。便倦。僕曰。以馬喻。固  
不在鞭策皮毛也。然捨鞭策皮毛。并無馬矣。所  
謂俊發之氣。莫非鞭策皮毛之間耳。世有伯樂。  
而後有名馬。亦豈不然耶。

或問僕畫法。僕曰。畫有法。畫無定法。無難易。無



易多寡各  
極其趣卽  
同臻其妙

多寡嘉陵山水李思訓期月而成吳道子一夕  
而就同臻其妙不以難易別也李范筆墨稠密  
王米筆墨疏落各極其趣不以多寡論也畫法  
之妙人各意會而造其境故無定法也  
有畫法而無畫理非也有畫理而無畫趣亦非  
也畫無定法物有常理物理有常而其動靜變  
化機趣無方出之於筆乃臻神妙  
或謂筆之起倒先後順逆有一定法亦不盡然



論極精妙  
理極圓足  
大通四闕  
變化離奇

如此方脫  
盡筆墨痕  
迹非尋常  
學力所能

古人往往有筆不應此處起而起有別致有應  
用順而逆筆出之尤奇突有筆應先而反後之  
有餘意皆極變化之妙畫豈有定法哉

山谷云余初未嘗識畫然參禪而知無功之功  
學道而知至道不煩於是觀畫悉知巧拙工俗  
造微入妙然豈可爲單見寡聞者道又曰如蟲  
蝕木偶爾成文吾觀古人妙處類多如此僕曰  
此爲行家說法不爲學者說法行家知工於筆



到

功夫到神  
化時方臻  
斯境

墨而不知化其筆墨當悟此意學者未入筆墨之境焉能畫外求妙凡畫之作功夫到處處處是法功成以後但覺一片化機是爲極致然不從綰爛而得此平淡天成者未之有也筆墨之妙畫者意中之妙也故古人作畫意在筆先杜少陵謂十日一石五日一水者非用筆十日五日而成一石一水也在畫時意象經營先具胸中邱壑落筆自然神速



約守博取  
久久精熟  
便臻妙境

意在筆先  
自然無美  
不臻

用筆亦無定法。隨人所向而習之。久久精熟。便能變化。古人自出手眼。始入手。須專宗一家。得之心。而應之手。然後旁通曲引。以知其變。泛濫諸家。以資我用。實須心手相忘。不知是我。還是古人。凡作畫者。多究心筆墨。而於章法位置。往往忽之。不知古人邱壑生發。不已時出新意。別開生面。皆胸中先成章法。位置之妙也。一如作文在。



此種境界  
非數十年  
墨池研究  
之功不易  
幾也

立意佈局新警乃佳。不然綴辭徒工。不過陳言而已。沈灝謂近日畫少邱壑。人皆習得搬前換後法耳。

作一畫墨之濃淡焦溼無不備。筆之正反虛實旁見側出無不到。卻似隨手拈來者。便是工夫到境。

古人用筆妙有虛實。所謂畫法卽在虛實之間。虛實使筆生動。有機趣所之。生發不窮。



學者能辨  
得高下落  
筆自然純  
粹一切疵  
病淘汰淨  
盡

功夫到處格法同歸妙悟通時工拙一致荆關  
董巨顧陸張吳便爲一家眷屬實須三昧在手  
方離法度

畫法須辨得高下高下之際得失在焉甜熟不  
是自然佻巧不是生動浮弱不是工緻鹵莽不  
是蒼老拙劣不是高古醜怪不是神奇

畫不尙形似須作活語參解如冠不可巾衣不  
可裳履不可屨亭不可堂牖不可戶此物理所



定而不可相假者古人謂不尙形似乃形之不足而務肖其神明也

時多高自位置敝屣古法隨手塗抹便誇士家氣象無怪畫法不明矣如朝暮晦明春秋榮落山容水色與時移異良工苦心消息造化渲染烘托得之古法槩可廢乎張詢繪三時風景子久寫屢變山容皆經營慘淡爲之非漫然涉筆而能神妙也

畫法固貴  
乎能守又  
貴乎能化  
神而明之  
自不爲迹  
象所拘



臨古能如  
此用意自  
然跳出窠  
臼出人頭  
地

臨摹古畫先須會得古人精神命脈處玩味思  
索心有所得落筆摹之摹之再四便見逐次改  
觀之效若徒以彷彿爲之則掩卷輒忘雖終日  
摹仿與古人全無相涉摹仿古人始乃惟恐不  
似既乃惟恐太似不似則未盡其法太似則不  
爲我法法我相忘平淡天然所謂擯落筌蹄方  
窮至理

用墨無他惟在潔淨潔淨自能活潑涉筆高妙



曾見高尙  
書倣米老  
雲山圖樹  
頭坡脚均  
用焦墨風  
韻自覺超  
然塵表

存乎其人。姜白石曰：人品不高，落筆無法。

墨法濃淡，精神變化飛動而已。一圖之間，青黃

紫翠靄然，氣韻昔人云：墨有五色者也。

作畫自淡至濃，次第增添，固是常法。然古人畫

有起手落筆，隨濃隨淡，成之有全圖，用淡墨而

樹頭坡脚，忽作焦墨，數筆覺異樣神彩。

繪事必得好筆、好墨、佳硯、佳楮、素方、臻畫者之

妙五者，楮素尤屬相關。一不稱手，雖起古人爲



筆墨間稍有縱橫習氣便不能靜畫至於靜登峰矣乎用墨要濃淡濕燥各得其宜便臻妙境

之亦不能妙書譜云紙墨不稱一乖也作畫不能靜非畫者不能靜殆畫少靜境耳古人筆下無繁簡對之穆然思之悠然而神往者畫靜也畫靜對畫者一念不設矣用墨濃不可癡鈍淡不可模糊溼不可溷濁燥不可澀滯要使精神虛實俱到畫分南北兩宗亦本禪宗南頓北漸之義頓者根於性漸者成於行也



畫樹點葉  
濃淡疎密  
須要參伍  
錯綜畫成  
自然生動  
有致

樹分四歧  
方有八面  
玲瓏之妙

畫樹之法。無論四時榮落。畫一樹須高下疏密。點筆密於上。必疏於下。疏於左。必密於右。一樹得參差之勢。兩樹交插。自然有致。至數樹滿林。亦成好位置。

畫樹四圍滿。雖好。只一面。畫樹虛實之。四面有。形勢。

凡寫樹。無論遠近大小。兩邊交接處。用筆模糊。不得交接處。用筆神彩精綻。自分彼此。



畫樹全要  
生機活潑  
隨意串插  
方得天趣  
如拘泥成  
法必多滯  
境

畫樹無他訣。在形勢位置相宜而已。昔柘湖僧  
出畫樹一卷。自一樹至數樹。皆以畫法識之。僕  
謂此死法矣。卽以一樹論。形勢各有不同。何論  
多樹。卷中樹法雖善。如其勢一圖再圖可乎。若  
形勢既得。位置變化隨處生發。得宜則妙矣。  
點葉隨濃隨淡。一氣落筆。一氣落筆。墨氣和澤。  
有神妙自生動。

董思翁云。北苑畫雜樹。但露根。而以點葉高下。



肥瘦取其成形。此卽米畫之祖。最爲高雅。

董思翁云。畫樹必使株幹自上至下。處處曲折。

一樹之間。不使一直筆。

畫樹只須虛實取勢。頓挫涉筆。應直處不可屈。應屈處不可直。法以巧拙參用。乃得之。

點葉尤須手熟。有勻整處。有灑落處。用筆時在。收放得宜。

枯樹有垂枝。仰枝。仰爲鹿角。垂爲螭爪。李成范。

布置虛實  
用筆巧拙  
最爲畫中  
妙用  
點葉得此  
訣自能化  
板爲活



作畫全在用筆用墨  
濃墨則精  
彩煥發淡  
墨則神韻  
悠然乃爲  
極致  
古人匠心  
於此可見

寬多作仰枝。郭熙李唐多作垂枝。後人率變通爲之。

畫家以用筆爲難。不知用墨尤不易。營邱畫樹法多漬墨濃厚。狀如削鐵。畫松欲淒然生陰倪。迂負惜墨。稱畫皆墨。華淡沲氣韻自足。

昔人謂畫叢樹必插枯枝以疏通之。意爲林木塞實不疏通不易佈景也。然畫叢樹亦必須有交插疏密之勢。山溪邨落亦易於隱顯出之。



畫柳之訣  
畫於此矣  
學者參之

畫柳不論疏密用筆不論柔勁只要自然自然  
之妙得之熟習無他祕也世人畫柳知難於枝  
條不知勢在株榦發株出榦不宜勻整要虛實  
參差爲之尤宜隨株出榦隨榦發條次第添補  
宜多宜少以勢度之方得其妙

畫松杉檜柏立勢大約相類枝皮用筆不同耳  
涉筆須要有拙處有巧處若一味屈曲蟠旋取  
勢便入俗格當思巧以取奇拙以入古



畫松。古人立勢率多平正。取法不以奇怪爲尙。發枝亦須上下虛實得宜。主樹勢有虛實。襯樹隨處生發位置。

古人畫圖松柏多者。皆取平正之勢。以林間可佈屋宇橋亭。曲折位置也。如作離奇盤曲之勢者。只可傍以奇石。俯以湍流而已。

松鍼法不一。總須似亂非亂。筆力爽朗爲妙。不難於刻畫分明也。



作畫能如  
此着想自  
然生氣遠  
出

昔人謂二米法用濃墨淡墨焦墨盡得之矣僕  
曰直須一氣落墨一氣放筆濃處淡處隨筆所  
之濕處乾處隨勢取象爲雲爲煙在有無之間  
乃臻其妙

畫石則大小磊疊山則絡脈分支而後皴之也  
疊石分山在周邊一筆謂之鉤勒鉤勒之則一  
石一山之勢定一石一山妍醜亦隨勢而定故  
古人畫石用意鉤勒皴法次之鉤勒之法一頓



皴法中惟  
麻皮爲極  
純正可以  
專宗積久

一挫一轉一折而方圓橢角之勢縱橫離合之  
法盡得之矣古人畫石有鉤勒而不設皴者  
邱壑之妙鉤勒之妙也無邱壑則不得鉤勒之  
法

皴之爲法無濃淡疏密筆到意足而已有濃密  
而筆意未足疏散而已足者

皴法如荷葉解索擘斧卷雲雨點破網折帶亂  
柴亂麻鬼面米點諸法皆從麻皮皴法化來故



純熟無不  
可變化也

皴之有濃  
淡煩簡濕  
燥等法總  
須各極其  
妙方為好  
手

入○手○必○自○麻○皮○皴○始○

趙松雪王叔明間作鉤勒一法如飛帛書者虛  
中○取○實○以○勢○為○之○本○自○唐○人○青○綠○法○陳○道○復○之○  
不○耐○皴○卽○此○意○也○

皴之有濃淡繁簡溼燥等筆法各宜合度如皴  
濃○筆○宜○分○明○淡○筆○宜○骨○力○繁○筆○宜○檢○靜○簡○筆○宜○  
沈○着○溼○筆○宜○爽○朗○燥○筆○宜○潤○澤○  
皴法一圖之中亦須有虛實涉筆有稠密實落  
卽六要中無墨求染之意



唐大小李將軍爲青綠之祖後惟宋趙大年趙千里王晉卿等

處有取勢虛引處有意到筆不到處乃妙

陸探微見大令聯縣書悟其筆意作一筆畫宗少文亦善爲之僕見黃鶴山人山水樹石房屋一筆出之氣勢貫串有奇古疏落之致未識宗陸之筆復作何等觀

青綠山水異乎淺色落墨務須骨氣爽朗骨氣既淨施之青綠山容嵐氣靄如也宋人青綠多重設元明人皆用標青頭綠此亦唐法耳近世



繼之至趙松雪一變雅淡脫盡刻畫之迹青綠之能事盡矣設色能參透此意方臻神化

神明於規矩之中自

惟圓照石谷擅長石谷嘗曰余於青綠法參悟三十年乃得其妙

設色妙者無定法合色妙者無定方明慧人多能變通之凡設色須悟得活用活用之妙非心手熟習不能活用則神彩生動不必合色之工而自然妍麗

畫雲不得似水畫水不得似雲此理最微入手工程不可忽之也會得此理後乃不問雲耶水



然隨筆所  
之無不合  
法

點苔最難  
學者當細  
心參究

耶○筆○之○所○之○意○以○爲○雲○則○雲○矣○意○以○爲○水○則○水○  
矣○

古○畫○中○樓○觀○臺○殿○塔○院○房○廊○位○置○折○落○刻○意○紆○  
曲○卻○自○古○雅○今○人○屋○宇○平○鋪○直○界○數○椽○便○難○安○  
頓○古○今○人○畫○氣○象○自○別○試○從○屋○宇○樓○觀○看○知○大○  
懸○絕○處○

古○畫○有○全○不○點○苔○者○有○以○苔○爲○皴○者○疏○點○密○點○  
尖○點○圓○點○橫○點○豎○點○及○介○葉○水○藻○點○之○類○各○有○



人物冠服  
須審其時  
代卽儀仗  
器具亦有  
一定製度  
不可率意  
爲之

書學八日卷八  
相宜當斟酌用之未可率意也

山水中點苔鉤草卽山水之眉目也往往畫有  
由點苔鉤草爲妍醜者

畫人物必先習古冠服儀仗器具隨代更易製  
度不同情態非一雖時手傳摹不足法也

寫古人面貌宜有所本卽隨意爲圖思有不凡  
之格寧樸野而不得有庸俗狀寧寒乞而不得  
有市井相



余前在高  
郵古天皇  
寺見吳道  
子觀音大  
士像亦同  
此手筆

畫家亦須  
意追險絕

眉目鼻孔用筆虛實取法實如錐劃刃勒虛如  
雲影水痕

衣褶紋當以畫石鉤勒筆意參之多筆不覺其  
繁少筆不覺其簡皴石貴乎似亂非亂衣紋亦  
以此意爲妙曾見海昌陳氏陸探微天王衣褶  
如草篆一袖六七折卻是一筆出之氣勢不斷  
後世無此手筆

道子悟筆法於裴將軍舞劍宜其雄驚古今畫



法宗平正  
一切縱橫  
排纂之習  
掃除淨盡

今之畫家  
雌黃黑白  
往往坐此  
病

家宗法之亦如山水之董源書法之羲之皆以  
平正爲法者也

畫法不同宗支甚廣近如董巨高米倪黃吳王  
文沈之支流人猶相識至其源遠如張曹顧陸  
之派卽不能識甚而荆關李范之直下亦不相  
認不相認亦無妨礙但不可爲元明家法嗣而  
詆呵遠宗爲不類者

近代學元四家者猶有通家之誼一遇別宗支



嘗見名流  
題跋其人  
素不能畫  
而題語較  
善畫者更  
精妙

屬○便○以○面○目○相○校○雌○黃○口○舌○不○知○本○宗○之○源○亦○  
從○彼○來○者○不○但○論○畫○詩○亦○如○此○此○種○見○解○所○謂○  
孤○陋○寡○聞○也○

畫○家○有○未○必○知○畫○不○能○畫○者○每○知○畫○理○自○古○有○  
之○故○嘗○有○畫○者○之○意○題○者○發○之○如○蒙○莊○之○形○容○  
畫○史○非○深○知○畫○者○不○能○道○

寫○意○畫○最○易○入○作○家○氣○凡○紛○披○大○筆○先○須○格○於○  
雅○正○靜○氣○運○神○毋○使○力○出○鋒○鏗○有○霸○悍○之○氣○若○



寫生家能  
氣機純熟  
自無呆滯  
板木之病

書學小日卷八  
即若離毋拘繩墨有俗惡之目

運筆蕭灑法在挑剔頓挫大筆細筆畫皆如此  
俗謂之鬆動然須辨得一種是蕭灑一種是習  
氣

點筆花以氣機為主或墨或色隨機著筆意足  
而已乃得生動不可膠於形迹意足不求顏色  
似前生相馬九方皋又不獨畫梅也

設色不以深淺爲難難於彩色相和和則神氣



遠山固要  
得勢然非  
心手熟習  
不能入妙

生動否則形迹宛然畫無生氣

畫後塗遠山最要得勢有畫已佳以遠山失勢而通幅之勢爲之不振有畫全以遠山作主者不可不知

藝事必藉興會乃得淋漓盡致催租之罷時或憾之然無聊落寞之境以攄其懷以寄其意不爲無補程邈造隸于獄中史公著書於蠶室此又其大者也



至理名言  
耐人尋味

石田翁功  
力本領可  
以想見

陳衍云。大癡論畫最忌曰。甜甜者穠郁而輒熟。之謂凡。爲俗。爲腐。爲版。人皆知之。甜則不但不之。忌而且喜之。自大癡拈出。大是妙諦。余謂不獨書畫。一切人事。皆不可甜。惟人生晚境宜之。僕嘗爲友人題白石翁山水云。每視人畫。多信手隨意。未嘗從古人甘苦中。領略一分滋味。石翁與董巨。磨壘敗管。幾萬打熬過來。故筆無虛著。機有神行。得力處。正是不費力處。



卽此可以  
見人之學  
問

能妙神三  
品各有精  
詣惟逸品  
發自性靈  
一空塵障  
尤爲鑒賞

法派不同各有妙詣作者往往以門戶起見互  
爲指摘識者陋之不知王黃同時彼此傾倒韓  
孟異體相與推崇惟其能知他人之工則己之  
所造也深矣

意造境生不容不巧爲屈折氣關體局須當出  
於自然故筆到而墨不必膠意在而法不必勝  
逸品畫從能妙神三品脫屣而出故意簡神清  
空諸工力不知六法者烏能造此正如真仙古



家所心醉

石谷畫水  
真深得古  
人精蘊其  
神妙處非  
諸家所能  
及

佛慈容道貌多自千修百劫得來方是眞實相  
孫位畫水於大同殿壁中夜有聲嘗謂言者故  
神其說及見石谷清濟貫河圖筆勢浩汗沙黃  
日薄一望瀰漫畫水隨筆曲折卷去如聞奔騰  
澎湃聲發紙上旁觀朱生者移時色沮以手指  
曰前年舟過幾厄此處畏途逼人無那太似相  
與稱嘆乃知前人神妙固不足怪也  
畫境異乎詩境詩題中不關主意者一二字點



遺貌取神  
乃得真趣

過畫圖中具名者必逐物措置惟詩有不能狀之類則畫能見之

子久富春山居一圖前後摹本何止什百要皆各得其妙惟董思翁模者絕不似而極似一如模本蘭亭序定武爲上

士人畫多卷軸氣人皆指筆墨生率者言之不禁啞然蓋古人所謂卷軸氣不以寫意工緻論在乎雅俗不然摩詰龍眠輩皆無卷軸矣



此中道理  
惟真識者  
自能鑒之

立意爲畫  
第一緊要

六大家中  
惟漁山脚  
下往往有  
奇氣故愜

詩文有真偽書畫亦有真偽不可不知真者必  
有大作意發之性靈者偽作多隳括蹊徑全無  
內蘊三品畫外獨逸品最易欺人眼目  
作畫必先立意以定位置意奇則奇意高則高  
意遠則遠意深則深意古則古庸則庸俗則俗  
矣  
書畫貴有奇氣不在形迹間尙奇此南宗義也  
故前人論書曰旣追險絕復歸平正論畫曰山



心之作精  
警絕倫

作圖須要  
如此講究  
自然跳出  
窠臼不同  
凡筆

有可望者可游者可居者反是則非畫  
氣格要奇筆法須正氣格筆法皆正則易入平  
版氣格筆法皆奇則易入險惡前人所以有狂  
怪求理鹵莽求筆之謂

畫凡命圖新者用筆當入古法圖名舊者用筆  
當出新意圖意奇奧當以平正之筆達之圖意  
平淡當以別趣設之所謂化臭腐爲神奇矣  
畫法可學而得之畫意非學而有之者惟多書



如此用意  
自然落筆  
新穎脫盡  
窠臼

倪黃之畫  
所由卓絕  
千古

卷以發之廣聞見以廓之

童時聞先公於執友閒緒論謂作詩要從古人  
想不到處著想做不到處用力便非陳言作畫  
如法便無依樣葫蘆之病又曰古人造一藝必  
先絕棄常見常見習聞最足蔽塞天性能名於  
後世者不博名於一時者也  
雲林大癡畫皆於平淡中見本領直使智者息  
心力者喪氣非巧思力索所能造



前年見吳仲圭山水巨卷高尺有四長幾一丈魄力沈雄墨氣濃厚以視雲林古淡天真未免有縱橫餘

倪迂客畫正可匹陶靖節詩褚登善字皆洗空凡格獨運天倪不假造作而成者可爲蓺林鼎足。

昔人謂仲圭大有神氣子久特妙風格叔明奄有前規而三家未免縱橫習氣獨雲林古淡天然米癡後一人而已僕嘗日讀老迂詩畫令人無處著筆墨覺矜才使氣一輩未免有慚德茶香居士謂於六法中求雲林非深於畫者僕



習

雲林境地  
正不易到

癡翁眞實  
力量全在  
於此

領取造化  
生氣自然  
脫盡筆墨  
蹊徑

日須會得六法中有老迂來處不然恐問途者  
不知雲林模關範董煞從力行苦心得此自在  
面目

一峯老人純以北苑爲宗化身立法其畫氣清  
質實骨蒼神腴嘗游虞山悟得筆法遂家焉日  
携壺酒坐湖橋觀雲霞吐納晴雨晦明極山水  
之變蘊于毫末出之楮素洵非俗工可能跂及  
癡翁性本霞舉早歲好與羽人道士游辭世後



此卽李賀  
錦囊之儲  
最爲高雅

有見其吹橫竹出秦關遂以爲蟬蛻不死故其  
筆墨工夫亦具九轉之妙實可與黃庭內外篇  
同玩味耳

人謂道人行吟每見古樹奇石卽囊筆圖之然  
觀其平生所作無虬枝怪石蓋取其意而略其  
迹胸有鑪錘者投之粹然自化不則彼古與奇  
格格不入非我有也

癡翁設色與墨氣融洽爲一渲染烘託妙奪化



此畫中最高品也非  
綰爛之極不能臻此

習尙最足  
移人有志  
筆墨者切  
須戒之

工其畫高峰絕壁往往鉤勒楞廓而不施皴擦  
氣韻自能深厚

操一藝以至神明者必先抱卓絕一世之見梅  
花庵主書畫蘄志於古不爲習尙所移與盛子  
昭同里閨子昭遠近著聞求筆墨者踵接仲圭  
之門雀羅無間妻孥視其坎壈勸以治脂粉爲  
時妝仲圭莞爾曰汝曹毋大俗後百年吾名噪  
藝林子昭當入市肆身後士大夫果賢其爲人



仲圭品詣  
真蕭然世  
外宜其筆  
墨妙天下

叔明能追  
宗董巨故  
鷗波不能  
不放其出

爭購其筆墨一軸可抵餅金子昭畫幾廢格不行

梅花和尚墨名儒行者居吾鄉之武塘蕭然環  
堵飽則讀書饑則賣卜畫石室竹飲梅花泉一  
切富貴利達屏而去之與山水魚鳥相狎宜其  
書若畫無一點煙火氣

黃鶴山樵爲松雪外甥書畫之妙源于鷗波早  
歲精工點染酷似其舅晚能一變蹊逕以董巨



一頭地

今之畫家  
往往坐此  
病有志筆  
墨者切須  
戒之

相參淋漓毫楮自成一家法馳騁海內遂分吳  
興一席

嘗謂操筆家往往急於博名譽汨沒天德乞靈  
時彥經營模擬毫而不倦古人風味畢生不知  
殊爲可惜僕見叔明畫甚多觀其前後用意始  
在求合於人旣乃力避其習每變而易之雖鷗  
波不得不放其出一頭地

高詹事題白陽山人畫後云宋元之蹟大半爲



明中畫道  
惟吳門爲  
最盛

贗鼎故余晚年多購勝國名人翰墨僕亦嘗謂  
勝國諸賢承宋元之模範人皆自得真詮遺毫  
剩墨所謂雖無老成尙有典型也

張來儀徐幼文陳氏大小髯王友石輩筆墨不  
變元格至沈驪樵姚公綬杜東原劉完菴諸老  
風骨超邁開沈文之先一時吳下名作竝起毫  
素之妙奄有唐宋

石田老人筆墨似其爲人浩浩落落自得於中



石田翁氣  
勢魄力爲  
明畫之冠

此論真先  
得我心

余見其畫  
織女一幀  
筆法超妙  
與唐伯仲

無假乎外。凡有所作。實力虛神。渾然有餘。故僕  
以爲學石田。先須養其氣。

六如原本。劉李馬夏。和以天倪。資於書卷。故法  
北宗者。多作家面目。獨子畏起而北宗畫法有  
雅格。

張夢晉風流醞藉。子畏流輩。筆法妍雅。亦娣姒  
閒耳。

衡山太史。書畫瓣香。松雪筆法。到格駸駸乎入。



實父雖不能文就畫論畫何嘗稍遜文沈

余以爲仇畫其精妙實與唐匹非文沈所能及

吳興之室矣。然自有清和閒適之趣。別敞逕庭。亦由此老人品高潔所至。

仇實父以不能文。在三公間。少遜一籌。然天賦不凡。六法深詣。用意之作。實可奪伯駒龍眠之席。

曾見實父畫孤山高士。王獻移竹。及卧雪煎茶。諸圖類皆蕭疎簡遠。以意涉筆。置之唐沈畫中。幾莫能辨。何嘗專事雕績。世惟少所見耳。



余以爲實  
父畫宋元  
三趙後一  
人而已

六如天賦  
卓絕其畫  
前無古人  
後無來者

董思翁不耐作工畫而曰李趙之畫極妙又有  
士人氣後人得其妙不能得其雅五百年而有  
仇實父王司農麓臺平生惟嗜子久渾淪墨法  
亦謂仇氏自有沈着痛快處

唐居士楮畫涉筆用墨法極見意其合作實可  
越元望宋人皆愛其畫未知其趣也

石翁風雨歸舟圖筆法荒率作迎風隄柳數條  
遠沙一抹孤舟蓑笠宛在中流或指曰雨在何



白陽山人  
簡淡超逸  
文門中超  
然傑出者

余以爲思  
翁筆墨直  
接倪黃超  
乎文沈上

處○僕○曰○雨○在○畫○處○又○在○無○畫○處○

陳○道○復○煙○林○雲○壑○墨○氣○濃○淡○一○筆○出○之○妙○有○天○  
機○而○不○涉○畫○家○蹊○徑○不○獨○能○事○寫○生○山○水○亦○是○  
宗○家○

古○人○一○藝○高○於○法○度○平○正○後○世○便○以○奇○別○爲○能○  
雖○有○刻○剝○精○巧○名○立○小○品○豈○能○爲○百○世○宗○法○董○  
思○翁○於○沈○文○間○復○以○平○淡○天○然○自○立○一○幟○至○今○  
名○不○在○四○家○後○東○坡○嘗○謂○好○奇○務○新○乃○詩○之○病○



近代惟思  
翁臻此境  
界

畫豈不然。

畫禪法自董巨倪黃能師其意而不逐其跡用  
墨之妙尤爲獨詣隨手拈來氣韻生動  
書畫自畫禪開堂說法以來海內翕然從之沈  
唐文祝之流遂塞至今無有過而問津者近來  
又以虞山婁江爲祖法亦復不參香光一二好  
古之徒孤行獨詣必皆非笑之書畫之轉關要  
非人力能回者



余向見惲  
道生巨幀  
墨汁淋漓  
深得董巨  
妙用非仲  
醕長蘅所  
能及

青藤白陽  
墨華橫逸  
時無等倫  
允堪並美

吾○浙○自○彝○齋○松○雪○梅○道○人○後○逸○史○竹○嬾○墨○林○皆○  
是○正○法○眼○藏○筆○墨○竅○元○鑿○妙○不○愧○前○人○  
陳○仲○醇○李○長○蘅○古○情○逸○思○筆○墨○開○張○可○殿○畫○禪○  
一○軍○所○遜○者○畫○禪○特○有○醞○釀○耳○惲○道○生○邊○幅○稍○  
窘○然○亦○足○以○馳○驚○二○子○間○  
天○池○天○賦○卓○絕○書○畫○品○詣○特○高○狂○獮○處○非○其○本○  
色○陳○道○復○於○時○自○出○機○軸○二○家○墨○法○有○王○洽○米○  
顛○之○風○



向見章侯  
畫麻姑進  
酒圖大幀  
筆意高古  
設色精工  
妍麗又復  
淵雅靜穆  
時史靡麗  
之習洗滌  
殆盡  
向藏文正  
竹石亭林

道釋人物。丁南羽有張吳心印。神姿颯爽。筆力  
偉然。董思翁巨眼人嘗謂三百年無此作手。顏  
其室曰白毫菴。陳章侯崔子中皆出羣手。筆落  
墨賦色。精意毫髮。僻古爭奇。各出幽思。子中人  
物外。他畫少見。章侯山水花卉類有平淡天然  
之作。點染得元人遺意。僻古是其所能。亦其所  
短也。

倪文正鴻寶筆墨有青藤白石之風。細筆亦復



小幀筆墨  
超妙純乎  
士氣

侯齋先生  
畫以人重  
不可與諸  
家並論也

古雋高越流輩。曾見其疎林篠石。題仿家雲林者。中作填墨瓦屋。墨氣妙有。元理別具雅構。徐侯齋黃端木之山水。金耿庵楊補之之梅花。孤高絕俗。真士人畫也。世皆以人重之。是不知畫之妙。蓋筆墨亦由人品爲高下者。款題圖畫。始自蘇米。至元明而遂多以題語位置畫境者。畫亦由題益妙。高情逸思。畫之不足題以發之。後世乃爲濫觴。



畫後題款  
最非易事  
學者須細  
心講求

向藏奉常  
翁紙本中  
幅印壑揮  
成筆墨超  
逸一種蒼  
莽之趣全  
從癡翁神  
韻中得來

古畫不名款。有款者亦於樹腔石角題名而已。  
後世多款題。然款題甚不易也。一圖必有一款。  
題處題是其處。則稱題。非其處則不稱畫。故有  
由題而妙。亦有由題而敗者。此畫後之經營也。  
國朝畫法。廉州石谷爲一宗。奉常祖孫爲一宗。  
廉州匠心渲染。格無不備。奉常祖孫獨以大癡  
一派爲法。兩宗設教。宇內法嗣藩衍。至今不變。  
宗風。



麓臺用重筆取其沈著痛快學者如拘守此見必有板滯之弊究不若輕重互用之為妙也

西廬麓臺皆瓣香子久各有所得西廬刻意追模一渲一染皆不妄設應手之作實欲肖真麓臺壯歲參以己意乾墨重筆皴擦以博渾淪氣象嘗自誇筆端有金剛杵義在百劫不壞也士氣作家一格麓臺司農有之蒼蒼莽莽六法無跡長於用拙是此老過人處

廉州追摹古法具有神理石谷實得其衣蓋故工力寢深法度周密時輩僅以寸縑尺楮爭勝



石谷擅長  
諸家莫及

至屏山巨幃尋丈計者石谷揮灑自如他人皆  
避舍矣

時有舉石谷畫問麓臺曰太熟舉二瞻畫問之  
曰太生張徵君瓜田服其定論僕以謂石谷之  
畫不可生生則無畫二瞻之畫不可熟熟則便  
惡

海內繪事家不爲石谷牢籠卽爲麓臺械梏至  
款書絕肖故二家之後畫非無人如出一手耳



先生論石谷力量大於吳惲余以爲石谷之所以遠遜吳惲者正在於此南田以秀逸勝漁山以靈警勝平心而論其力量亦

獨邵村方氏獅峰沈氏梅壑查氏皆能自行自止可謂不因人熱者。

惲南田吳漁山力量不如石谷大逸筆高韻特爲過之。至於工細之作。往往不脫石谷法。豈當時往還討論染習之深。不能擺脫耶。然二家具此天分。不當隨人腳根轉耳。

青溪松圓風人半千年少尺木諸老寄意毫素不爲法縛。不爲法脫。教外別傳。是爲逸品。



何嘗不逮  
石谷耶特  
未深思其  
故耳  
品詣不同  
各極其妙

姜鶴澗一邱一壑有迂客之迂陳玉几半蕊疏  
花得逃禪之禪類皆不著色相自攄胸臆耳  
寫生捨徐黃非所爲法山水去董巨豈得爲宗  
南沙涉筆染素能不落南田之蹊逕東山揮灑  
經營能擺脫麓臺之坯塹稼軒主人於其間復  
衍徐黃董巨之法而自作一家畫法不二妙無  
盡義焉

僕學畫幾四十年而未得古人自然之妙因閱



所謂得失寸心知絲毫不能勉強如此畫境非巨然不能到

黃尊古王日初張墨岑沈凡民諸君畫知有苦心焉然力殫神疲則同其所造而未得古人掉臂游行之爲樂也

婁東見巨然畫用筆如粉條樹法類梅道人煙雲杳渺苔點散如菽粒墨漉漉若欲滴者

董思翁每以書法傲吳興獨於畫法遜讓之吳興山水時有蕭然物外之致見其竹石山鵲所謂石如飛白竹如籀者筆法有之然後知古人



尚書畫奇  
絕雄貴偉  
岸離奇力  
量居四家  
之右

米老以無  
意出之故  
非房山所  
能及

未嘗漫然揚抑也

高尚書筆法嚴重巒頭樹頂用墨濃於上而淡  
於下爲獨造之格故望之峰巒插空林木離立  
形勢八面生動

房山法自米氏其所不及者處處用意米老筆  
下便有渾然天成之妙然二米後筆力宏肆實  
無出其右者

米老設色絹幅起手作樹一叢墨氣濃淡爽朗



元氣淋漓  
障猶濕米  
老畫庶幾  
得之

隔沙作淡墨遠林山腰映帶雲氣蒸上雲罅濃  
墨漬之林杪露高屋餘屋皆依山附水隱見爲  
之近山墨尤濃渾淪壯偉遠山幾疊參差起伏  
赭抹山骨合綠襯樹及皴點處額上宋思陵行  
書天降時雨山川出雲御書瓠印左傍下有米  
芾之印元章印顰首董思白行書雲起樓圖左  
右邊錄跋曰元章爲畫學博士時所進御元章  
狀所謂珍圖名畫須取裁聖鑑者也後有朱象



波峭多姿  
米老木色

先印此吾鄉司承好古具眼米畫以此爲甲觀  
又張君芭堂氏出所藏紙本小幅展卷首便見  
大行書芾岷江還舟次海應寺國詳老友過談  
舟閒無事且索其畫遂率爾草草爲之不在工  
拙論也三十六字墨氣奕奕畫之蒼莽老筆實  
是其書溢而爲妙也

王叔明紙本中幅筆極老致起手鼠足點樹中  
插一仰枝松疏落荒率若不經意隔水兩峰破



網皴法淋漓墨瀋意仿巨然掩其款書幾無可  
辨自題行書黃鶴山中樵者王蒙畫於京師龍  
河方丈左邊董思白跋云余見山樵畫多矣無  
不規摹古人遂作掩抑古人者雲林所謂五百  
年來無此君不虛也然諸格中以仿巨然爲最  
此幅仿巨然又叔明平生第一得意筆得此諸  
叔明畫可廢矣

雲林樂園林居圖六幘有疏有密不祇一格筆



雲林摸關  
範董煞費  
苦心豈一  
樹一石所  
能盡其長  
耶

墨濃淡俱入妙。自是君身有仙骨也。題云。余來  
城郭暑氣甚熾。偶憩甘白先生樂園。林居不覺  
數日。相與蔭茂樹。臨清池。觀羲文之象。爰彈有  
虞之南風。遂以永日。忽已淹留。久如閒。成此詩。  
小冊呈甘白。以寓笑樂耳。觀此冊。乃知雲林八  
面變化。以一樹一石爲雲林者。尙在門外也。  
董元溪山高隱合絹幅。下作老樹六七株。似檜  
柏榦。卻爲小渾點葉。一坡迤邐。至隔岸石壁。俯



北苑畫方  
能有此境  
界

營邱畫傳  
世極少如  
此畫境想  
是真跡惜  
不得一見  
以開眼界

溪○溪○坳○架○草○閣○一○人○憑○欄○凝○望○平○沙○遠○岫○蒼○茫○  
隱○見○皴○作○麻○皮○雜○解○索○法○筆○力○圓○穩○墨○氣○深○厚○  
真○有○元○氣○淋○漓○之○觀○上○有○金○章○宗○明○昌○御○覽○巨○  
印○

營○邱○羣○峰○積○雪○小○絹○本○筆○極○細○密○林○巒○屋○宇○皆○  
用○焦○墨○畫○如○屈○鐵○絲○空○處○淡○墨○籠○染○積○雪○凝○寒○  
對○之○令○人○起○粟○又○大○幅○雪○圖○筆○蹤○較○麤○圓○神○氣○  
磊○落○上○隔○水○有○董○思○翁○題○



古大家奇  
妙往往如  
此後人無  
此手筆

郭熙山水兩巨幅用筆酣嬉淋漓一如行草書  
法一墨本一設淺絳一有董思白題識  
叔明淺設色絹幅煙雲出沒林壑幽邃神似巨  
然妙境又溪山高逸圖深松長林道士策筇其  
間覺謾然清吹拂人眉宇此幅作卷雲皴

冬花盦論畫

附

奚岡

董文敏倣巨然一幀筆思蒼渾蓋從北苑瀟湘  
秋山行旅一圖得來此老氣象大宜其腕間變



論極中肯  
學者可以  
知從入徑  
途

幻莫測○余嘗云○追董巨○當以思○翁入想○擬子久○  
須向煙客○究討此○亦由宋○人學書○從楊少○師以○  
到魯公○地步也○



皇清  
小臣  
姓名

三



山南論畫

王學浩

諸家用筆  
各有精詣

用墨之妙  
發揮略盡

作畫第一論筆墨。古人云乾涸互用，麤細折中。筆之謂也。用筆有工處，有亂頭粗服處。至正鋒側鋒，各有家數。倪高士、黃大癡俱用側鋒。及山樵、仲圭俱用正鋒。然用側者亦間用正，用正者亦間用側，所謂意外巧妙也。用墨之法，忽乾忽濕，忽濃忽澹，有特然一下處，有漸漸漬成處，有澹蕩虛無處，有沉浸濃郁處，兼此五者，自然能



至理名言  
可師可法

畫學心法卷八  
具五色矣。凡畫初起時須論筆收拾時須論墨。古人所謂大膽落筆細心收拾也。

王耕煙云有人問如何是士大夫畫日只一寫字盡之。此語最爲中肯。字要寫不要描。畫亦如之一入描畫便爲俗工矣。

張浦山云凡畫須毛毛字從來論畫所未及。作畫時須意在筆先。或先畫路徑或先畫水口。或樹木屋宇四面布置定然後以山之開合向背。



會得此旨  
自無堆砌  
重叠之病

湊之自然一氣渾成無重疊堆砌之病矣董宗  
伯云畫須四面生來不可一邊生去是也雨窗  
漫筆云學不師古如夜行無火遇古人真蹟以  
我之所得向上研求看其用筆若何積墨若何  
安放若何出入若何偏閃若何必與我有出一  
頭地處久之自與脗合矣摹畫之法此論最確  
山之輪廓先定其劈破凹凸處次看全幅之勢  
主峰多正旁峰多偏正峰須留脊旁峰須向背



此畫石一定之法

點苔得此訣自然入妙

意到筆隨不能預定惟善學者會之耳  
畫石之法方者用折圓者用鉤順其勢也  
畫中設色所以補筆墨之不足顯筆墨之妙處  
若使色自爲色筆墨自爲筆墨必至如塗塗附  
矣  
點苔最難須從空墜下絕去筆迹卻與擢不同  
擢者禿筆直下點者尖筆側下擢之無迹筆爲  
之點之無迹用筆者爲之也嘗見黃鶴山樵江



神乎其技  
後人無此  
手筆

畫家能筆  
精墨妙已  
臻絕頂不  
知北苑畫  
果作何等  
觀

山漁父圖其點苔處麤細大小無一可尋筆迹  
真得從空墜下之法及細閱耕煙麓臺之作俱  
未空行絕迹然後知此法之不傳矣

董宗伯云畫以造化爲師唐六如云畫當爲山  
水傳神談何容易何論前代本朝各家卽元  
季四家亦只是筆精墨妙未能爲山水傳神也  
余家所藏北苑平湖垂釣圖庶幾近之

青綠一道王耕煙嘗自謂靜悟三十年始盡其



青綠設色  
非數十年  
參究之功  
不能入妙

思翁傲古  
全在領取  
其神韻不  
可泥筆墨  
踐徑求也

妙此爲深於甘苦之言就余所見唐之小李將  
軍宋之王晉卿畫覺耕煙之作猶遜一籌蓋小  
李之青綠作千年計晉卿亦可六七百年若石  
谷亦可三四百年此其別也

沒骨法始於唐楊升董文敏常效其峒關蒲雪  
圖卷余病其少古意後於毘陵華氏見其雪中  
待渡圖真是匪夷所思文敏所仿特用其畫法  
耳仍是文敏本色非楊升後塵也



意在筆先  
頭頭是道

畫樹得此  
訣自然無  
美不臻  
畫樹貴乎  
得勢正與  
畫山同一

松壺畫訣

錢杜

作畫必明窗淨几筆精墨良胸無塵滓然後下  
筆胸次默憶古名人山水一樹一石如在腕下  
則興趣勃然定是佳構

山水以樹始昔人樹訣已備言之下筆須留意  
筆筆要轉折心手並運久之純熟自然一樹成  
必有可觀趙文度常云樹無他法只要枝幹得  
勢則全幅振起惲南田與石谷論畫書曰僕苦



巧妙

皴法全要  
得鬆活二  
字之訣然  
後煩簡得  
宜各極其  
妙

寫樹發枝多枯窘是以作山水初落筆便有戒  
心也可見前人作畫慎始如此  
右丞畫訣有石分三面之說分則全在皴擦勾  
勒皴法又有簡有煩煩簡中又有家數如大癡  
善破皴法可簡可煩雲林似簡而煩山樵似煩  
而簡要之披麻折帶解索等皴總宜鬆而活反  
是則謬矣至北宗之大小斧劈亦不離鬆活兩  
字也



用筆一定  
之法學者  
參之

屋宇須如  
此畫方不  
板滯

作山巒須分層次皴之。山峰須起伏映帶深厚。  
有情。或間以碎石。或隔以雲氣。大約始用潤筆。  
繼用燥鋒。則自然有鬱然蒼渾之氣。  
皴大小巒頭。先將眶骨勾定。靜看良久。自然有  
落筆處。先澹後濃。先潤後燥。再加渲染。不患不  
厚矣。

山水中屋宇甚不易爲。格須嚴整。而用筆以疎  
散爲佳。處處意到而筆不可到。明之文待詔足



以爲法。

更有一種麤枝大葉及米家煙嵐杳靄之境石田翁是其所長其中屋宇籬落當以羊毫禿穎中鋒提筆寫之意態自別

人物宗此  
數家自脫  
盡塵俗氣  
超然塵表

出水中人物趙吳興最精妙從唐人中來明之文衡山全師之頗能得其神韻凡寫意者仍開眉目衣褶細如蛛絲疏逸之趣溢於楮墨唐六如則師宋人衣褶用筆如鐵線亦妙要之衣褶



觀此知古  
人位置皆  
經營慘淡  
煞費苦心

愈簡愈妙。總以士氣爲貴。作大人物。須於武梁  
祠石刻領取古拙之意。

趙松雪松下老子圖。一松一石一藤榻一人物。  
而已。松極煩。石極簡。藤榻極煩。人物極簡。人物  
中衣褶極簡。帶與冠履極煩。卽此可悟參錯之  
道。

前人畫譜無佳者。蓋山水一道。變態萬千。尋常  
畫史。尙不能傳其情狀。况付之市井梓工乎。嘗



與朱山人野雲言畫之中可付梨棗者惟人物  
鳥獸屋宇舟車以及几榻器皿等宜各就所見  
唐宋元明諸家山水中所有一一摹出之分別  
門類滙爲一書庶幾留古人之規式爲後學之  
津梁野雲欣然於是廣搜博采共相臨撫兩年  
而成十二卷卽籀落一門自唐以下得七十餘  
種他可類推欲梓行以工鉅未果今稿本不知  
散失何所矣



點苔最難  
多筆不煩  
簡筆不少  
便是工夫  
到境

畫有定格  
不可不知

點苔一法。古人於山石交互處。界限未清。用苔以醒之。或皴法稍亂。用以掩其迹。故苔以少爲貴。若李希古全不作苔點。爲北宗超然傑出者。唐子畏深得其法。至王叔明之渴苔。又不必一例觀也。

趙文敏之細攢點。文衡山全師之用之。青綠山石甚宜。水墨者亦深秀可喜。

設色。每幅下筆。須先定意見。應設色與否。及青



綠淡赭不可移易也。

大癡山樵多赭色。雲林則水墨多。然余舊藏懶  
瓚浦城春色。乃大青綠。舟車人物並似北宋人。  
真不可思議。

設大青綠落墨時。皴法須簡。留青綠地位。若澹  
赭則煩簡皆宜。

青綠染色只可兩次。多則色滯。勿爲前人所誤。  
凡山石用青綠渲染。層次多則輪廓與石理不

最有斟酌  
可以取法



青綠重色  
最易板滯  
不若以淡  
見長者反  
多生趣也  
青綠設色  
至趙吳興  
真空前絕

能刻露近於晦滯矣。所以古人有勾金法。正爲此也。勾金創於小李將軍。繼之者燕文貴。趙伯駒。劉松年。諸人以及明之唐子畏。仇十洲。往往爲之。然終非山水上品。至趙令穰。張伯雨。陳惟允。後之沈啟南。文衡山。皆以澹見長。其靈活處。似覺轉勝前人。惟吳興。趙氏家法。青綠盡其妙。蓋天姿旣勝。兼有士氣。固非尋常學力所能到也。王石谷云。余於是道參究三十年。始有所得。



後所當師  
法

設色古雅  
全在於此

卽本痴翁  
畫法

然石谷青綠近俗。晚年尤甚。究未夢見古人。南  
田用澹青綠。風致蕭散。似大年。勝石谷多矣。用  
赭色及汁綠。總宜和墨。一二分方。免炫爛之氣。  
赭色染山石。其石理皴擦處。或用汁綠淡淡加  
染一層。此大癡法也。

唐子畏每以汁綠和墨染山石。亦秀潤可愛。  
赭色。虞山破龍礪中者第一。青綠兩色。以滇中  
永昌爲最。



學者能細  
心領取自  
得其妙

畫柳之法  
曲盡其妙  
學者細心  
揣摩

山水中松最難畫。各家松針凡數十種。要惟挺  
而秀則疏密肥瘦皆妙。昔米顛作海嶽庵圖。松  
計百餘樹。用鼠鬚筆剔針針。凡數十萬。細辨之  
無一敗筆。所以古人筆墨貴氣足神完。  
柳亦頗不易寫。諺云畫樹莫畫柳。信然。然山水  
陂塘間似不可缺。前人所寫亦有數十種。王右  
丞能作空勾。柳其法柳葉須大小差錯。條條相  
貼。逐漸取勢爲之。自有一種森沈旖旎之致。至



攢點須心  
手熟習方  
能入妙

此卽設色  
中變化錯  
綜之法

趙大年之人字徐幼文短剔如松針皆秀絕塵  
寰並可師法

樹之攢點八九筆十餘筆不等須禿穎中鋒攢  
聚而點之詳度湊積爲樹不獨得勢亦且鬆秀  
見筆倘設色以汁綠再點一次更濃厚矣文氏  
父子最工此弟子陸叔平錢叔寶皆能爲之  
空勾葉各家所作不同總須靜穆古雅如設色  
空勾者多不妨留一株竟不著色亦趙法也



如此布置  
自然生氣  
遠出脫盡  
窠臼

此種境地  
最不易到

小山樹種數不一。有細攢點。有剔松針。有橫點。有細橫劃。細攢點及松針並宜青綠。山水中橫點宜赭。山細橫劃是秋景。只宜加赭。蓋山樹所以間山石峰巒。使深厚而分層次。雲氣中畧露尖頂。則倍靈活。有致。黃鶴翁與吳仲圭以澹墨大點。加以焦墨沈鬱蒼渾之極。高房山亦間有之。

李希古山石不點苔。只以焦墨剔細草。此亦分



清山石之一法。

作遠山須慎重相度然後下筆形勢得則全幅  
皆靈動矣染時有宜意到而筆不到者神而明  
之存乎其人。

青綠山水之遠山宜淡墨赭色之遠山宜青亦  
有純墨山水而用青赭兩種遠山者江貫道時  
有之。

山水中如佛塢經幢以及人家竈突水碓機杼



畫家能兼  
盡其妙方  
是擅場

寫生得神  
曲盡其妙  
實由於用  
筆之妙也

衡翁房屋  
於工緻畫  
尤為合格

魚○曾○當○於○唐○宋○名○人○畫○中○摘○取○時○時○臨○撫○務○使○  
純○熟○存○於○胸○中○以○上○諸○物○雖○小○道○然○必○佐○以○書○  
卷○之○味○乃○佳○

山○水○中○馬○牛○雖○寫○意○然○必○使○神○氣○宛○肖○而○有○筆○  
意○乃○妙○他○若○鶴○鹿○雞○犬○皆○備○點○綴○總○須○於○唐○宋○  
人○本○中○留○意○摹○之○

房○屋○文○衡○山○最○精○皆○自○趙○吳○興○得○來○而○吳○興○則○  
全○自○唐○人○中○醞○釀○而○出○



如此方運  
實於虛化  
板爲活

畫雲得此  
訣便入三  
昧

園亭中湖石須靈瘦凹處皴之凸處染之只淡

墨石青赭色三種交互處以細草分之

邱壑太實須間以瀑布不足再間以雲煙山水

之要甯空無實

寫雲運筆須圓用筆宜斷多縈迴交互處或再

以淡墨水渲染之胸中先具飛動之意自然筆

勢靈活流走望而知非庸手也

瀑泉甚難大癡老人亦以爲不易作須兩邊山



瀑泉最難  
安置此極  
有斟酌

畫水須審  
其地之所  
宜自然入  
妙

網巾水須  
細心參究

石參差錯落天然湊合而成爲妙畧有牽強便  
落下乘水口或用碎石或設水閣橋梁皆藉可  
藏拙此爲初學者言之耳

畫水勢欲速筆欲緩腕欲運意欲安  
大旨如此  
水有江海溪澗瀑泉之別湖宜平遠河宜蒼莽  
江宜空曠海宜雄渾溪澗宜幽曲瀑泉宜奔放  
勿論何種水下筆總宜佐以書卷之味方免俗  
網巾水趙大年最佳其後文五峰可以接武其



方能得訣

米畫之妙  
全要脈絡  
分明方有  
人路

法貴腕力長而勻筆勢軟而活

郭忠恕畫清濟貫濁河圖一筆貫四十丈安能有若是之長筆大抵筆墨相接處泯然無痕耳此卽畫水之法

米家煙樹山巒仍是細皴層次分明然後以大濶點點之點時能讓出少少皴法更妙

唐子畏云米家法要知積墨破墨方得真境蓋積墨使之厚破墨使之清耳米顛山水何曾一



臨畫亦要  
意在筆先  
方能造道

迂翁得力  
全在此處

片模糊哉。

臨古人畫須先對之詳審細翫使谿逕及用筆  
用墨用意皆存於胸中則自然奔赴腕下下筆  
可不必再觀觀亦不能得其神意之妙矣。

宋人如馬夏輩皆畫中魔道然邱壑結構亦自  
精警不妨采取用之。

雲林惜墨如金益用筆輕而鬆燥鋒多潤筆少  
以皴擦勝渲染耳夫渲染可以救枯瘠生雲煙



學者當細  
心參之

雲林折帶  
皴人多謂  
其偏鋒每  
以側筆摹  
之殊失其  
用筆之妙

迂翁又何常頃刻離是法哉特不肯用濕筆重  
筆耳學者當細味之

作書貴中鋒作畫亦然雲林折帶皴亦中鋒也  
至明之啟禎間側鋒甚行蓋易於取姿而古  
法全失矣

大癡披麻皴苔多橫點碎石處不過七八點巒  
上四五點而已此洪谷子法也

山樵皴法有兩種其一世所傳解索皴一用淡



焦墨皴擦  
是山樵真  
實力量宜  
雲林所深  
許也

墨勾石骨純以焦墨皴擦使石中絕無餘地望  
之鬱然深秀此翁胸具造化落筆岸然不顧俗  
眼宜乎倪元鎮有扛鼎之譽也古來詩家皆以  
善變爲工惟畫亦然若干篇一律有何風趣使  
觀者索然乏味矣予謂元明以來善變者莫如  
山樵不善變者莫如香光嘗與蓬心蘭墅論之  
畫中寫月最能引人入勝全在渲染襯貼得神  
耳如秋蟲聲何能繪寫只在空階細草風樹疏



慧心人自  
能領會之

籬○加○以○渲○染○得○宜○則○自○然○有○月○自○然○有○蟲○聲○盈○  
耳○也○他○可○類○推○學○者○當○深○思○之○作○巨○幀○與○作○小○  
幅○無○異○便○無○怯○嫩○散○漫○之○病○

陳○眉○公○云○磨○墨○如○病○夫○執○筆○如○壯○士○此○是○畫○前○  
要○訣○杜○少○陵○觀○公○孫○大○娘○舞○劍○器○此○是○皴○擦○渲○  
染○時○要○訣○

世○俗○論○畫○皆○以○設○色○爲○易○事○豈○知○渲○染○之○難○如○  
兼○金○入○鑪○重○加○煅○煉○火○候○稍○差○前○功○盡○棄○



思翁此論  
名言至理  
耐人揣摩

宋元大家  
畫樹各極  
其妙不可  
思議

子昂嘗謂錢舜舉曰如何爲士夫畫舜舉曰隸  
法耳隸者有異於描故書畫皆曰寫本無二也  
南田翁云明時畫多宗右丞北苑二家蓋取其  
高深渾厚極古人盤礴氣象董香光云有唐人  
之致去其纖有北宋之雄去其獷則得之矣否  
則極意相似未免爲畫家傭耳  
宋人寫樹千曲百折惟北苑爲長勁瘦直之法  
然亦枝根相糾至元時大癡仲圭一變爲簡率



山水中人  
物濶筆須  
古樸淵雅  
倣石田翁  
容筆須靈  
秀靜逸倣  
唐子畏文  
徵仲餘不  
足取法

愈簡愈佳

畫以山水爲上。寫生次之。人物又其次矣。白石  
翁師吳道子。作衣褶有古厚之致。子畏師宋人  
衣褶如鐵綫。衡山師元人衣褶柔細如髮。三君  
皆具士氣。洵足傳世。若吳小仙、張平子輩。劍拔  
弩張。墮入魔道。學者勿爲所誤。

文待詔畫法師。趙松雪及梅花盦道人而靈秀  
之氣出自腕下。往往有出圍範之作。後之人欲



子畏墨華  
純乎天資  
超妙非學  
力所能到  
文門諸弟  
子祇能各  
得其一體  
終爲師法

瓣香停雲須先領會其清超靜邈之神韻然後  
邱壑位置自然合格漸脫渣滓而留清虛則近  
道矣若一意在皴染勾勒上取形似終屬參死  
句漢也

南田翁云唐解元寫生有水墨一種如皴國淡  
粧洗盡脂粉此可悟用墨如設色之法

停雲諸弟子陸叔平得其秀峭錢叔寶得其蒼  
潤居商谷得其簡潔然僅工敷色若文氏水墨



所囿

此中轉關  
有非人力  
所能強者

一種似皆未能入室後之欲師停雲者當知牟尼入手正不易也

有明一代畫史自嘉隆以前皆謹守繩尺不肯少縱筆墨都有渾厚之致迨萬厯以後腕下漸露芒角少含蓄意此亦運會使之不期然而然也

趙文度時爲香光捉刀其生秀處能自成一家顧仲方倣山樵蒼厚沉細幾能亂真此二君皆



畫家題款  
最要講究  
不可率意

余謂畫至  
元人真洩

吳淞派中之矯矯者。

畫上題詠與跋書佳而行款得地。則畫亦增色。  
若詩跋煩蕪。書又惡劣。不如僅書名山石之上。  
爲愈也。或有書雖工而無雅骨。一落畫上。甚於  
寒具油祇可憎耳。

畫之款識。唐人只小字藏樹根石罅。大約書不  
工者多落紙背。至宋始有年月紀之。然猶是細  
楷一綫。無書兩行者。惟東坡款皆大行楷。或有



畫天地之  
祕畫之能  
事盡矣即  
題款亦高  
出前代也

題款得法  
畫亦生色  
此畫後之  
經營也

跋語三五行已開元人一派矣元惟趙承旨猶  
有古風至雲林不獨跋兼以詩往往有百餘字  
者元人工書雖侵畫位彌覺其雋雅明之文沈  
皆宋元人意也

落款有一定方位畫粘壁上細視之則自然有  
應題跋賦詩之處惟行款臨時斟酌耳

用墨之法甚難明之羅小華程君房方于魯固  
佳然隔百餘年膠脫而色澤黯淡矣與其舊也



極有講究  
可以師法

三橋鐵筆  
冠絕前代

甯新近時所製皆粗劣不可用。惟金冬心以小  
華道人墨春之使細。重加膠更製。曰五百斤油。  
最佳。近亦漸少。不得已擇其輕細者用之。真畫  
史之苦心也。

印章最忌兩方作對。畫角印須施之山石實處。  
唐宋皆無印章。至元時始有之。然少佳者。惟趙  
松雪最精。只數方耳。畫上亦不常用。雲林尙有  
一二方。稍可。至明時停雲館爲三橋所鐫。華亭



後惟何雪  
漁庶足並  
駕

董文敏一昌字朱文印是漢銅章皆妙唐解元  
印亦三橋筆餘皆劣蓋名下諸君究心於此者  
絕無僅有耳  
康祚案衡山自能鑄印見六如與  
衡山札轉乞陳白陽刻印三橋生  
後矣



畫學心印卷八終

男鳳曄校字







